



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Über dieses Buch

Dies ist ein digitales Exemplar eines Buches, das seit Generationen in den Regalen der Bibliotheken aufbewahrt wurde, bevor es von Google im Rahmen eines Projekts, mit dem die Bücher dieser Welt online verfügbar gemacht werden sollen, sorgfältig gescannt wurde.

Das Buch hat das Urheberrecht überdauert und kann nun öffentlich zugänglich gemacht werden. Ein öffentlich zugängliches Buch ist ein Buch, das niemals Urheberrechten unterlag oder bei dem die Schutzfrist des Urheberrechts abgelaufen ist. Ob ein Buch öffentlich zugänglich ist, kann von Land zu Land unterschiedlich sein. Öffentlich zugängliche Bücher sind unser Tor zur Vergangenheit und stellen ein geschichtliches, kulturelles und wissenschaftliches Vermögen dar, das häufig nur schwierig zu entdecken ist.

Gebrauchsspuren, Anmerkungen und andere Randbemerkungen, die im Originalband enthalten sind, finden sich auch in dieser Datei – eine Erinnerung an die lange Reise, die das Buch vom Verleger zu einer Bibliothek und weiter zu Ihnen hinter sich gebracht hat.

Nutzungsrichtlinien

Google ist stolz, mit Bibliotheken in partnerschaftlicher Zusammenarbeit öffentlich zugängliches Material zu digitalisieren und einer breiten Masse zugänglich zu machen. Öffentlich zugängliche Bücher gehören der Öffentlichkeit, und wir sind nur ihre Hüter. Nichtsdestotrotz ist diese Arbeit kostspielig. Um diese Ressource weiterhin zur Verfügung stellen zu können, haben wir Schritte unternommen, um den Missbrauch durch kommerzielle Parteien zu verhindern. Dazu gehören technische Einschränkungen für automatisierte Abfragen.

Wir bitten Sie um Einhaltung folgender Richtlinien:

- + *Nutzung der Dateien zu nichtkommerziellen Zwecken* Wir haben Google Buchsuche für Endanwender konzipiert und möchten, dass Sie diese Dateien nur für persönliche, nichtkommerzielle Zwecke verwenden.
- + *Keine automatisierten Abfragen* Senden Sie keine automatisierten Abfragen irgendwelcher Art an das Google-System. Wenn Sie Recherchen über maschinelle Übersetzung, optische Zeichenerkennung oder andere Bereiche durchführen, in denen der Zugang zu Text in großen Mengen nützlich ist, wenden Sie sich bitte an uns. Wir fördern die Nutzung des öffentlich zugänglichen Materials für diese Zwecke und können Ihnen unter Umständen helfen.
- + *Beibehaltung von Google-Markenelementen* Das "Wasserzeichen" von Google, das Sie in jeder Datei finden, ist wichtig zur Information über dieses Projekt und hilft den Anwendern weiteres Material über Google Buchsuche zu finden. Bitte entfernen Sie das Wasserzeichen nicht.
- + *Bewegen Sie sich innerhalb der Legalität* Unabhängig von Ihrem Verwendungszweck müssen Sie sich Ihrer Verantwortung bewusst sein, sicherzustellen, dass Ihre Nutzung legal ist. Gehen Sie nicht davon aus, dass ein Buch, das nach unserem Dafürhalten für Nutzer in den USA öffentlich zugänglich ist, auch für Nutzer in anderen Ländern öffentlich zugänglich ist. Ob ein Buch noch dem Urheberrecht unterliegt, ist von Land zu Land verschieden. Wir können keine Beratung leisten, ob eine bestimmte Nutzung eines bestimmten Buches gesetzlich zulässig ist. Gehen Sie nicht davon aus, dass das Erscheinen eines Buchs in Google Buchsuche bedeutet, dass es in jeder Form und überall auf der Welt verwendet werden kann. Eine Urheberrechtsverletzung kann schwerwiegende Folgen haben.

Über Google Buchsuche

Das Ziel von Google besteht darin, die weltweiten Informationen zu organisieren und allgemein nutzbar und zugänglich zu machen. Google Buchsuche hilft Lesern dabei, die Bücher dieser Welt zu entdecken, und unterstützt Autoren und Verleger dabei, neue Zielgruppen zu erreichen. Den gesamten Buchtext können Sie im Internet unter <http://books.google.com> durchsuchen.

NYPL RESEARCH LIBRARIES



3 3433 07495321 1







1

1

1

1





NEW YORK
PUBLIC
LIBRARY

Sämmtliche Werke

von

Friedr Reuter.
T

Wien
1890
H. B. G.

Elfter Band:

Kein Hüfung.

Wismar.

Hinrichs'sche Hofbuchhandlung Verlagsconto.

1890.

EK

Kein Hüfung.

Don

Friß Reuter.


NEW YORK
PUBLIC
LIBRARY

Elfte Auflage.

Wismar.

Hinstorff'sche Hofbuchhandlung Verlagsconto.

1890.



Reberlegung — auch in das Hochdeutsche — ist vorbehalten.

De Noth.

De Rogg¹ set't² an, de Weiten³ bläuh't,⁴
 Jehannsdag is't, de Sün'n, de gläuh't,
 Kein Regen föllt, de Wind, de swigg't,⁵
 Dor rögt⁶ siä nich en Blatt an'n Bom,
 Un up den Durn an'n Weg, dor liggt
 Bon'n Heuauft⁷ her en dichten Stohm.⁸
 Pil⁹ steckt herun de Sün'nenstrahl
 Un bülgt¹⁰ siä äwer de Felder wid
 Un flimmert un flackert up un dal,¹¹
 Als wenn de Glauth ut den Aben¹² tüht.¹³
 De Käwer singt sin drömig¹⁴ Lid,
 Un mäud¹⁵ un sachting¹⁶ summt de Zimm¹⁷

¹) Roggen. ²) setzt. ³) Weizen. ⁴) blüht.

⁵) schweigt. ⁶) rührt. ⁷) Feuernte. ⁸) Staub. ⁹) Pfeilgerade. ¹⁰) wellt. ¹¹) auf und nieder. ¹²) Ofen.

¹³) zieht. ¹⁴) träumerisch. ¹⁵) müde. ¹⁶) dim. von sacht = langsam, leise. Der plattdeutsche Dialect bildet auch von Adverbien und Imperativen Diminutive. ¹⁷) Biene.

¹⁸) Kein Hülzung.

Un wäuhlt in Kiewerblauwen 'rüm;
 Heuspringer singt so trag un matt,
 Krüpp¹ deiper² in dat Gras herin;
 De Bottervigel³ söcht de Sünne
 Un plät't sich⁴ up dat Klivenbladd;⁵
 De blage Wepstart⁶ dröggt⁷ tau Nest —
 Sei is nah Fauderhalen⁸ west —
 Un nicht un kikt⁹ sich ängstlich üm,
 Wat Gin em of gewohr woll ward,
 Un schlüpft¹⁰ un krüpp: un hüppt herüm
 Un wippt un wippt mit sinen Start¹¹
 Un böhrt¹² dat Köppken in de Höcht,¹³
 Wat sich de Mann villicht of rögt,
 De still dor achtr'e¹⁴ Steinnur liggt,
 Den einen Arm up sin Gesicht,
 Als wenn Gin ruhig slapen will.
 Sei rögt sich nich, hei liggt so still,
 Als wir hei dod, un Wepstart flüggt
 Ganz drift heran
 Un kickt den Mann

¹) kriecht. ²) tiefer. ³) Schmetterling. ⁴) breitet
 sich glatt aus. ⁵) Klettenblatt. ⁶) blaue Wachsstelze.
⁷) trägt. ⁸) Futterholen. ⁹) guckt. ¹⁰) schlüpft.
¹¹) Schwanz. ¹²) hebt. ¹³) Höhe. ¹⁴) hinter der.

Mit sine Klauken Ogen¹ an
 Un slüppt behen'n nah sine Rütten²
 Un pipt ehr lifing³ in de Uhren,
 Dor leg en Mann bi'n Wepelburn,⁴
 Sei sülln of jo recht stilling sitten. — —
 Un All'ns is wedder still, dat lett,⁵
 As wir begrawen all dat Lewen;
 Un 't is so bang, as wenn de Hewen⁶
 In stille Hitt en Weder brödd;⁷
 Un ganz von firn, dor is't, as wenn
 Dat süßte äwer't Feld dorhen.
 De Mann süßt of, sin Arm, de glidd
 Herunner von dat Angesicht,
 Sei grippt⁸ tau Sid un föt⁹ un ritt,¹⁰
 Wat hei von Gras tau hollen¹¹ frigg
 Un richt't sich mit en Ruß tau En'n¹²
 Un starrt ümher un folgt¹³ de Hän'n
 So kurlös¹⁴ äwer't brun Gesicht,

¹) klugen Augen. ²) Kleinen. ³) leise; vergleiche pag. 1, 16. ⁴) Rosendorn. ⁵) läßt, sieht aus. ⁶) Himmel. ⁷) in stiller Hitze ein Gewitter brütet. ⁸) greift. ⁹) faßt. ¹⁰) reißt. ¹¹) halten. ¹²) wörtlich: ins Ende, d. h. in die Höhe. ¹³) fastet. ¹⁴) eigentlich: bei dem keine Kur anschließt; hier: rathlos.

As wenn hei nich mihr seihen mügg
Up Gras un Blaum un Kurn un Feld;
Un was doch noch so jung un stark
Un gung doch irst 'rin in de Welt,
De Knaken¹ vull von junges Mark,
De Schullern² breit, de Bost³ so hoch,
So makt⁴ för Arbeit un Gefohr,
So frisch de Bad, so blag dat Dg,
So rod de Mund, so frus dat Hor.
De Stirn so hell, so hell de Blic,
So makt för Leiw un Lust un Glück,
Ach, äwerst⁵ in sin iigig Wesen
Is nicks von Glück un Lust tau lesen;
Rickt äwer⁶ Ein in't bange Dg
Un süht, dat't ut sin Angesicht
So tru un ihrlich 'ruter lücht,⁷
Un säuhlt dat Hart,⁸ wo em dat slog,
Denn markt hei woll, denn weit hei wiß,⁹
Dat vel von Leiw¹⁰ de Ned dor is.
Un tickt hei 'n Beten¹¹ in de Firn¹²

¹) Knochen. ²) Schultern. ³) Brust. ⁴) gemacht.
⁵) aber. ⁶) aber. ⁷) leuchtet. ⁸) Herz. ⁹) fest, sicher,
gewiß. ¹⁰) Liebe. ¹¹) Wischen. ¹²) Ferne.

Un süht de junge, witte¹ Dirn,
De langsam 'ranner wankt² allein,
So blaß un trurig antauseihn:
Denn weit hei oß, wer't dahn³ em . hett,
Wer't Hart em hast'ger slagen lett;
Un süht het sei so bleiß un witt,
Wo f' saching geiht den Weg entlang,
Denn weit hei, wat⁴ sin Dg so bang,
Worum dat in sin Hart so ritt.
Un neger⁵ kümmt de bleiße Magd
Un list so trurig äw're⁶ Mur;
Ehr Dg, dat süht so still verzagt,
So thränenmäud in de Natur,
As wenn't de Welt vör Gott verklagt.
Un as sei ängstlich um sich list,
Wat⁷ sei oß Einer süht dor stahn,
Un as f' sich achter'n Durnbusch bückt,
Iß't grad so, as de Bagel dahn,
Doch nich so munter in den Blick,
Un woll so schu,⁸ doch nich so quid.⁹

¹) weiße. ²) bedeutet im Plattd. auch wandelt.
³) gethan. ⁴) wat wird, wie hier, häufig für „wo-
rüm“ gebraucht. ⁵) näher. ⁶) über die. ⁷) ob.
⁸) scheu. ⁹) lebendig, lebhaft.

Sei sliedt¹ siä lising dächt heran
 Un steiht un süßgt: „Slöppst² Du, Jehann?“
 Hei springt tau Höcht: „„Wat? — Slapen? — Zä?
 Marielen, slapen? — Gott erbarm! —
 Kumm, sett Di dal.““ Un föt den Arm
 Un treckt³ sei sacht: „„Kumm, sett Di dal.““
 Un seggt datjülw'ge⁴ noch einmal,
 Bet dat sei sitt an siue Sid,
 Wo hei sei dichter an siä tüht.
 Sei leggt den Kopp woll up dat Knei
 Un weint so sachten vör siä hen,
 Ehr is so krank, ehr is so weih,
 Hei strakt⁵ sei äwer denn un wenn:
 „„Wat sin, min Kind, lat doch man sin!
 Rath mal, wo id hüt wesen bün,
 Zä bün hüt Morgen friih upstahn⁶
 Un bün all nah dat Amt hengahn
 Un heww de Herrn bi't Amt all⁷ beden,⁸
 Dat f' mi doch Hüjung⁹ gewen ded.n.““¹⁰

¹) schleicht. ²) schläfft. ³) zieht. ⁴) dasselbige.
⁵) streichelt. ⁶) aufgestanden. ⁷) schon. ⁸) gebeten.
⁹) Wohnung und demnächst das Niederlassungsrecht.
¹⁰) geben thäten, d. h. gäben.

„Wat säden¹ f' denn?“ — „Sei säden —
 Du weisst woll, wo dat denn so is —
 Sei säden't of nich för gewiß,
 Sei hadd'n all so vel Arbeitslud';
 Un wenn 't ut't Ridderchaftlich² wir,
 Denn füll id leiwerst doch taufeihn,
 Ob 't dor nich unnerkamen künr,
 In't Fürstlich dürrt kein 'rinner teihn,
 De nich geburen wir dorin.“
 „Dat seggt min Bader of, Zehann.“
 „Wo? — Hest Du mit em redt? Weit hei Bescheid
 Mit Di?“ — „Oh, sohr³ mi nich so an!
 Ach ne, Zehann, hei weit
 Nichts von unj' Sün'n⁴ un von min Schan'n.⁵
 Id heww noch swegen⁶ in min Nöthen
 Un ward of swigen. Ne, id kan'n⁷
 Dat Meß⁸ nich in dat Hart 'rin stöten.“⁹
 „Hei drückt sei so vull Leiw an sich:
 „Min leiwe Dirn, oh schnell¹ mi nich!

¹) sagten. ²) dat Ridderchaftlich un dat Fürstlich:
 der ritterschaftliche und fürstliche Landesantheil. ³) jahre.
⁴) Sünde. ⁵) Schande. ⁶) geschwiegen. ⁷) kann ihm.
⁸) Messer. ⁹) stoßen. ¹⁰) schelte.

Zä weit, id' bün en slimmen Gast,
 Min grötstes Unglück is min Gast.
 Un hüt taumal; mi 's böös tau Maub.¹
 Kumm her un wes² mi wedder gaud!
 Du fallst man seihn, wi warden frigen,³
 Un up den Harwst⁴ büßt Du min Fru.““
 „Ach, wenn wi nu kein Hüjung frigen!
 Zehann, kein Hüjung — keine Fru;⁵
 Uns giwot kein Preister nich tausamen,
 Wenn Ein uns nich in Hüjung namen.““
 „„Ah, wenn wi nahrens⁶ unnerkamen,
 Denn treck⁷ wi in de Stadt herin.““
 „Dat sall man oß nich mäglich sin.““
 „„Ze, Zochen is doch 'rinner treckt.““
 „Zehann, von Zochen will wi swigen,
 Mit den'n würd dunnn de Schan'n taudeckt,
 Dat würd tauglik em uperleggt,
 Den Rathsherrn sin oll Dirn tau frigen.
 Ach Gott, id' red! — Zä heww kein Recht,
 Dat Mäten⁸ noch en Blam⁹ tau maken.““

1) zu Muthe. 2) sei. 3) freien. 4) Herbst.
 5) Trauung. 6) nirgendß. 7) ziehen. 8) Mädchen.
 9) vom französischen blâme.

„„Ih, swig doch still von son'ne¹ Saken.
Geww'n up den Harwst wi noch kein Dack,
Denn treck wi furt mit Sack un Pack,
Denn treck w' de Kramersdörper nah,
Denn gahn wi nah Amerika.““

Sei sat't² em üm un set³ em an:

„Wo girn güng id mit Di, Zehann!

Mit Di, so wüd de Gewen blag!⁴

Du weisst, Zehann, id bün nich zag;⁵

Girn wull id äwer't Water teihn,⁶

Doch minen Vader tau verlaten,

So olt un krank un so allein,

Dat wir von all de slichten Dachten,

De id em andauhn künn,⁷ de stimmst. —

Ne, wenn Du hir nich unnerkümmst,

Denn bün 'd verluren.

Denn is't vörbi

Mit Di un mi.

Un wenn min armes Kind geburen

Hüt oder morn,⁸

¹) solchen. ²) sagte. ³) guckte. ⁴) blau. ⁵) ver-
sagt, furchtsam. ⁶) ziehen. ⁷) könnte. ⁸) heut oder
morgen.

Denn bün ic dat, wat Anner¹ word'n,
Denn ward uns² Leiw uns jülwst³ tau Gift,
Denn ward dat Lewen,
Wat uns tau lewen äwrig³ bliwvt,
Dörch unsere eigene Leiw vergewen,⁴
Un as en liderliches Por
Gelln⁵ wi denn in den ganzen Lan'n;
Denn stiggt de Schan'n
Von Zohr tau Zohr,
Un wenn dat endlich kümmt tau'n Starwen,⁶
Denn möten f' unsre Kinner arwen.
Wenn 't denn mi up min Lager krümm,
Denn büßt Du nich üm mi herüm,
Denn kiest Du mi so tru nich an,
As Du dat jünst woll dedst, Jehann;
Un de in Leiw so tau Di wir,
De scheidt villicht von Gottes Zed⁷
In Fluch un Spä.

Sei let em los un stödd⁸ em furt,
As wir dit all ehr letztes Wurd;

¹) Andere. ²) selbst. ³) übrig. ⁴) vergiftet.
⁵) gelten. ⁶) Sterben. ⁷) Erde. ⁸) stieß.

Hei ret¹ so wild herüm in't Gras
Un gnirrschte mit de Tähn taujamen,
As wir't so, as sei säd, all kamen.
Un sprung tau Höcht un stunn in En'n
Un stellt sich vör sin Mäten hen.
Dat Og is wild, dat Bland,² dat stiggt³
Em glängnigroth⁴ in dat Gesicht:
„„Dirn,““ röppt⁵ hei, „„Dirn, füll so dat kamen,
Denn halt f' der Deuwel alltaujsamen!
Denn halt de Deuwel all de Herrn!
Ich let mi schin'n, mit Fäuten pedd'n,⁶
Ich bün't jo anners nich gewen't,⁷
Doch wenn't mit Di so mal eins en't,⁸
Denn fall de Dunner 'rinner slahn,⁹
Dat ehr de Dgen äwergahn!““¹⁰
Un't Mäten springt nu of tau Höcht:
„Oh, Gott, Jehann, wat heww ich seggt?
Wat heww ich seggt, wat heww ich dahn?“
Un fött em üm un treckt em 'ran;
„Oh, wes doch still, lat sin, Jehann!

¹) riß. ²) Blut. ³) steigt. ⁴) glühendroth.
⁵) ruft. ⁶) ließ mich schinden, mit Füßen treten. ⁷) gewohnt. ⁸) endet. ⁹) schlagen. ¹⁰) übergehen.

Hei maßt sei los un schümt¹ sei weg
Un sött ehr Hän'n in sin tausam;
„Nu hör, Marit, wat id Di segg —
Id wull dor irst man nich mit 'rut —
Wenn 't hir bi uns nich unnerkam,
Denn is dat mit dat Frigen ut,
Denn Amt un Stadt, de häuden² sid.“
„Ach, un uns' Herr, de deist dat nich.“
„Hei möt,³ hei möt; id lat nich nah.
Du kannst nich nah Amerika,
Un Keiner will uns Hüfung gewen?
Hir unner unsern eig'nen Hewen
Kein Platz för uns, för mi un Di?
Kein Platz in unsern Vaderlan'n?
Dat wir 'ne niderträch't'ge Schan'n!
Rohr⁴ nich, Marit! — Id bliw dorbi:
Hei möt, hei möt! Id gah hen klagen;
Wi will'n mal de Gerichten fragen.
Uns' Herzog will nich, dat en Mann,
De Arbeit mag un Arbeit kann,

¹) schiebt. ²) hüten. ³) muß. ⁴) weine; eigentlich
laut weinen, daher rohren auch zuweilen für „schreien“
gebraucht wird.

Ut sinen Van'n ward 'ruter dremen:¹
Hei hett Geseße dräwer schrewen.²
Dat weit'n de Herrn of ganz genau;
Wi sünd dor man³ tau dumm dortau.
Hei sall un möt uns Hüjung gewen!⁴ —
Mariken lehnt sid an de Mur
Un k⁵ em an in stille Trur.
Sei was so bleif, sei was so blas,
Ehr Thranen föllen in't gräune Gras,
Sei folgt still vör sid hen de Hän'n
Un seggt tau em so lif' un sacht:⁶
Zehann, so heww id't mi nich dacht.
Nu wull id, dat wir bald tau En'n!
Ach Gott, id möt Di Dinen Glowen,⁶
Din letzte Hoffnung of noch rowen.
Uns' Herr, de giwwt uns keine Städ,⁷
Giww Acht, de lacht bi Dine Bäd,⁸
Un wenn hei hört, dat id Din Brud,
Denn jöggt hei ut den Deinst Di 'rut."
„Worum denn dat? Wat süll dat heiten?“

¹) getrieben. ²) geschrieben. ³) nur. ⁴) gucke, sah. ⁵) eigentlich: sanft und dann auch leise, still; ja es bedeutet zuweilen auch „wohl“, z. B. dat will id sacht dauhn. ⁶) Glauben. ⁷) Stätte, Stelle. ⁸) Bitte.

„Dh, fohr nich up!¹ — Du wardst woll weiten,
Hei hett up mi en Haß stets hatt,
Hei hadd mit minen Bader wat,
Un dat möt ic² nu noch entgelln.“

„„Ja, 't is en Hund, en Minschenfchinner!
Kümmt hei mal in min Fust herinner,
Denn ward 't em mal en Stück vertelln!“²

„Dh nich, Zehann, man keinen Larin!“
Sei fött em üm un sleiht den Arm
Em smeichlich³ üm den breiden Nacken,
Strickt⁴ em dat Hor un strakt de Backen:
„Dh nich, Zehann, man keinen Strid!
Den Herrn sin Hand, de reikt so wid,
Wenn de mal ein'n verdarwen will,
Den'n kann uns' Herrgott jülwst nich redd'n,⁵
En Minschenhart mit Fäuten pedd'n,
Dat is för den en Kinnerpill.“⁶

Zehann, oh häud Di vör den Herrn!“
„„Wat will hei mi?“ — „Wat hei Di will?
Besinn Di doch un red nich so!“
„„Nicks kann hei, wenn 't min Arbeit dauh:

¹) fahre nicht auf. ²) erzählen. ³) schmeichelnd.
⁴) streicht. ⁵) retten. ⁶) Kinderspiel.

Un matt hei mi Berdreitlichkeiten,
Denn smit id em den Kram tau Häuten
Un kann mi annerswo vermeiden."¹
„Dat kannst Du dauhn, dat kannst Du. — Ja.
Kannst sülvst hen nah Amerika,
Un süll dorüm min Hart verbläuden,²
Di steiht denn fri de ganze Welt,
Jā un min Kind, wi sitten hir,
Du schickst uns af un an mal Geld,
Bet't Di taulekt denn mal insöllt,
Dat't nu nahgradens naug³ woll wir.
Doch glücklich wardst Du nümmermih,
Du slöppst so ruhig nich as sünst,
Wenn Di mal drömt, dat id un't Kind
Hir unner einen Herren sünd,
Bi den Du't nich uthollen künnt.“
Dat packt em an, dat sleiht⁴ den Kirl
As Dunner 'runner von den Dwirl⁵
Bet in de Lehn.⁶ Hei höllt sei sat't,
Un ballt de Fust, stampt mit den Faut:
„Denn gah't mi all min Dag' nich gaud,

¹) vermieten. ²) oerbluten. ³) nachgerade genug.
⁴) schlägt. ⁵) Wirbel. ⁶) Hehen.

Mariken, wenn ic̃ Di verlat!
Wenn ic̃ mi von Di scheiden kunn,
Denn süll kein Man¹ un keine Sün,
Kein Stirn mi schinen all min Dag',
Wenn 't̃ Di mi ut den Sinn eins² slag,
Will 't̃ elend dörr̃ de Welt henrönnen,
Un in de Höll will 't̃ ewig brennen.
Ic̃ lat Di nich, ic̃ lat Di nich!
Hei mag mi martern fürchterlich,
Hei mag mi schin'n, hei mag mi pedd'n,
Ic̃ holl hir ut bi unsen Herrn."³
„Un ic̃ will nie nich wedder klagen,
Will Allens, Schimp un Schan'n verdragen,
Un wenn ic̃ noch wat Slimmers wüßt.
Ic̃ will Di sin, wat Du mi büßt, —
Oh Herrgott, hör mi hoch in'n Hewen! —
Din All'ns, Din Hart, Din ganzes Lewen!⁴
Fast holl'n sei beid siċ in den Arm,
Sei drücken beid siċ tru un warm,
Sei küssen siċ vel dusendmal,
De Thranen sleiten⁵ still hendal.⁶
Ghr Hart, dat is so vull un wid.

¹) Mond. ²) einst. ³) fließen. ⁴) herumer.

As't was in jene sel'ge Tid,
As sei tauirst s'ck heww'n vör Zohren
Ulp ewig Tru un Leim tausworen.¹
Un lang' un lang' stahn sei so dor.
De Sün, de strahlt so hell un klar,
As wenn't nich wedder möglich wir,
Dat Wolken togen² äw're Ird;³
De Hemen lacht so blag⁴ un rein,
As künn kein Falschheit mihr gescheihn.
De lütte Bagel lett⁵ sin Zungen
Ua kümmt ganz dicht heranner sprungen
Un nickt mit't Köppken un wippt⁶ mit't Schwänzken
Un maht von Ewig⁷ tau Ewig sin Dänzken⁸
Un singt lud in de Welt herinner,
Sei wüßt't genau un wull't beswören,
Dat de Rümms⁹ wat tau Beden deden,¹⁰
Un flüggt taurügg nah sine Kinner
Un seggt tau ehr: „Si lütte Brut,¹¹
Nu piept un schriet Zug¹² lustig ut!
De dauhn Zug nickt, de buten¹³ stahn,

¹) zugeschworen. ²) zögen. ³) Erde. ⁴) blau.
⁵) läßt, verläßt. ⁶) bewegt auf und nieder. ⁷) Zweig.
⁸) Tänzchen. ⁹) Niemand. ¹⁰) zu Leide thäten. ¹¹) Ihre
kleine Brut. ¹²) Euch. ¹³) außen, draußen.

De bugen¹ of sid just ehr Nest.
Un habb't för duşend Daler gahn,
Id habb jo dunn nißs Elinmes dahn,
As id von Modern² Brüjam³ west.
In jene schöne Frühjohrstid,
Wenn Leiw in't Hart herinner tüht,⁴
Denn hett en⁵ naug⁶ an eigen Freud un Leid;
Id weit Beşheid,
Wat Frigen⁷ heit."

Un in de arme Dirn ehr Hart
Is't of, as wenn drin jungen ward,
Un stumm dorin is Şhan'n un Sün'n,
De Leiw, de singt so leiflich⁸ drin'n,
Von Hoffnung singt f' dat olle Leid,
Von Glück un Freud un Seligkeit,
Von anner Tid un Beterward'n,⁹
Womit f' de Minschen hett taum Naşr'n.¹⁰
Sei seggt tau dat bedrag'ne Hart,

1) eigentlich buen = bauen. Des Hiatus wegen wird im Plattdeutschen öfters ein g eingeschoben, z. B. grugen für gruen, grauen; şhrigen für şhrien; frigen für frien; dreihgen für dreihen = drehen. 2) Mutter. 3) Bräutigam. 4) zieht. 5) einer d. h. man. 6) genug. 7) freien. 8) lieblich. 9) Besserwerden. 10) zum Narren.

Dat, wenn de Hewen¹ einmal lacht,
Denn kem nie wedder² düstre Nacht,
Kein Weder³ tög herupper swart.
So singt't in't Hart de arme Dirn,
Un't arme Kind, dat glöwt so girn!
Un as sei noch so felig stünn,⁴
Dunn geiht gen Abend dal⁵ de Sün,
Un Sünneschin liggt in't Gewühl⁶
Mit Schatten, de an'n Hewen teihn;⁷
De Luft, de is so fucht un swül,⁸
Un Wederwolken⁹ sünd tau seihn,
De düster liggen rings ümher
Un rupper treden¹⁰ wiß¹¹ un swer.
Doch süht sei nich de arme Dirn,
Sei höllt siß an den Sünnesstrahl,
De ehr noch lacht taum lezten Mal.
Ach, 't Minschenhart, dat glöwt so girn! — —

„Nu kumm, Jehann, wi möten gahn.“

„Dh, ne, Mariken, sett Di dal,

¹) Himmel. ²) wieder. ³) Wetter. ⁴) stand.
⁵) nieder. ⁶) Gewühl. ⁷) ziehen. ⁸) feucht und schwül.
⁹) Gewitterwolken. ¹⁰) herauf ziehen. ¹¹) eigentl. gewiß;
von Bewegung gebraucht, könnte man es am besten
mit „stetig“ übersetzen.

Kumm, sett Di in dat Gras tau mi,
As Du dat jünst so girn heft dahn.““
Un treckt sei hastig an sič 'ran.
Sei schümwet em t'rügg:¹ „Dat sin, Zehann,
De ollen Tiden sünd vörbi;²
Gott weit, ob sei mal wedder kamen.“
Un ritt sič los: „Zehann, adju!
Zä möt nah Hus, nah minen Ollen.“³
Hei rapt⁴ sin Haut⁵ un Stoč tausamen
Un kriggt sei an de Hand tau hollen:⁶
„Na, läuw,⁷ Mariken, id kam mit.““
„Ne, ne, Zehann, nu nich! nu gah!
Mi 's't gaud, wenn 't nu alleine sitt,
Kumm leiwerst⁸ up den Abend nah.“
„Zä kam. Adju!““ — Dor gahn sei hen;
Hei rechtich, sei linkich; un denn un wenn,
Denn stahn sei still un kiken⁹ sič
Einanner nah un winken sič,
As wull'n sei segg'n: nu wir't in Reih,¹⁰
Nu wir ehr Beiden nicks intwei;¹¹

¹) schiebt ihn zurück. ²) vorbei. ³) Alter d. h. Vater. ⁴) rafft. ⁵) Gut. ⁶) halten. ⁷) warte. ⁸) lieber. ⁹) gucken. ¹⁰) in der Reihe, in Ordnung. ¹¹) mit id nicks intwei“ ist eine Redensart für „mir fehlt nichts“.

Nu wull'n sei woll ehr Schicksal dragen,
Nu wull'n sei't mit de Welt woll wagen.
Ach, arme Kirl, ach, arme Dirn!
Kennt Zi de Welt? — Zi wardt Zug wunnern!
Seiht Zi dat lüchten¹ in de Firn?
Hört Zi dat dump heräwer dunnern?

¹) blizen.

2.

De Brand.

De Sünne is gahn,¹ de Nacht bedeäht
All äwerall de wiede Welt;
Dat Weder is herupper treckt;
De Wind sohrt stotwis² äwer't Feld:
De Bliß, de smitt sin fahles Licht
Männ'g Einen in dat bleiß Gesicht
Un matt de Nacht tau hellig³ Dag,
Un Dunner folgt em Slag up Slag,
Dat rund un rings dat rullt un gnittert⁴
Un Balk un Wand un Finster schütteret. — —

De Herr geiht in den widen Saal
Mit grote Schritten up un dal;
Hei fürcht sich nich, sin Hart is fast,⁵

¹) gegangen. ²) stoßweise. ³) hell; eine ganz andere Bedeutung hat dies Wort in der Redensart: „mi is hellig tau Maud“, wo es „mair“ bedeutet. ⁴) eigentl. knistert; wird jedoch immer von nahen, grellen Donnerchlägen gebraucht. ⁵) fest.

Un wenn hei trozig an de Ruten¹
 Tauwilen leggt sin hart Gesicht,
 Denn is't, as wenn en fahlen Glast²
 Herut ut sine Dgen lücht,
 Bel' gift'ger, as de Lüchtung³ buten,⁴
 Un wenn Gin hört sin basche⁵ Stimm,
 Denn klingt sei in dat Uhr so hart,
 As wenn de Dunner ringsherüm
 Bon ehr taum Besten hollen⁶ ward.
 Un up den Sopha langs henstreckt,
 Recht leidig, slapp un matt un bleif,
 Mit siden Küssen weiß taudeckt,
 Biggt dor sin Fru, recht warm un weiß.
 Dat hüt 't Gewitter 'rupper kem,
 Dat was ehr eig'ntlich unbequem,
 Sei wull grad nah de Bedstun'n⁷ gahn,
 De sei in'n Dörr⁸ hett ingericht;
 Doch bi so'n Weder geiht dat slicht,
 Dor künn 't Gewitter 'rinner sla'n,
 Un i' künn sid of dorbi verküllen;⁹
 Denn sei is swach, sihr swach un kann nids dau'n,

¹) Fensterreiben. ²) Glanz, Schein. ³) Blitz.
⁴) draußen. ⁵) barsch. ⁶) gehalten. ⁷) Betstunde.
⁸) Dorf. ⁹) erkälten.

Un wat f' noch deiht, dat deiht i' üm Gotteswillen;
Is sihr mit Nerven¹ un môt ümmer rauhn,²
Sei 's fram,³ sihr fram, un in dat ganze Land
Ward f' rehent⁴ tau de düllsten⁵ Framen.
As hüt 't Gewitter 'rupper kamen,
Dunn hadd f' dat Sangbau⁶ gliß tau Hand
Un hadd siß einen Bußgesang utföcht⁷
Un bed⁸ so halwud vör siß hen
Un wißt de Dgen denn un wenn
Un süßt denn of wat Ihrlichs t'recht. —
Doch wo's ehr Kind? Ihr lütte Jung? —
Oh, de, de würd heruter bröcht,
Denn as dat an tau wedern⁹ fung,
Un as dat Kind sei quält mit Fragen,
Dunn funn't¹⁰ ehr Nerven nich verdragen,
Un sine unverstänn'gen Reden,
De stürten sei tau sihr in't Beden.
Oh de, de is gaud upgehoben,
De sitt bi't Rinnermäten haben.¹¹

¹) „sihr mit Etwas sin“: Redensart für „an Etwas leiden“. ²) ruhen. ³) fromm. ⁴) gerechnet. ⁵) eigentl. tollsten, zur Verstärkung. ⁶) Gesangbuch. ⁷) ausgesucht. ⁸) betete. ⁹) wettern. ¹⁰) konnten es. ¹¹) beim Kindermädchen oben.

De Herr geiht an de Klingel 'ran
Un fängt dor hastig an tau lürren.¹
De nig² Inspector tritt herin.
„De Knechts, de fäl'n de Pird'³ upschirren,
Un nah de Füerlübens⁴ seihn.“
„„Is All parat, is All geßeihn;
Blot Jehann Schütt, de is nich dor,
De is tau Dörp herinner gahn.““
„Wo is de Hund? De Raderwohr!⁵
Dor fall en Dunner 'rinner slahn!“
„„Ach Gott, ich bitt Dich, Balduin!
Bei solchem Wetter so zu fluchen!
Kann Gott Dich nicht nach Oben ziehen,
Dann wird er Dich hier unten suchen
Und wird Dir das Gewissen schärfen.
Oh Gott! Bedenk doch meine Nerven!““
„Ei, halt Dein Maul mit dem Gezeter!
Ich sag's noch mal: da schlag das Wetter
Hinein, wenn die Befehle nicht . . .“
Hei seggt'⁶ nich ut, dor schütt⁷ en Licht
In einen gläugnig⁸ breiden Strahl

¹) läuten. ²) neue. ³) Pferde. ⁴) Feuerlüben,
Wasserzuber. ⁵) Raderwagere, Schinderzeug. ⁶) sagt
es. ⁷) schießt. ⁸) glühend.

Ut swarte Nacht von'n Hemen dal,
As wenn de Sün'n dal schaten wir.
De ganze Hof, de steiht in Fier,
Un Knall un Fall, de prallt tausamen
Un red mit em en düdlich Wurd;
Dat was em an dat Mager¹ kamen!
Blas prallt hei von dat Finster furt,
Steiht still vör Schreck un höllt de Händ'n
Vör dat Gesicht. — Süll dat woll krenn'n? —
Em früst² un schüddelt dat as Feuer;³
Hei stört⁴ herut, sin Hof liggt swart,
Doch von den Möllerhof heräwer,
Dor is't, as wenn dat heller ward.
Hell blüdt dat up.⁵ In lichte Hast,
As wenn 'ne Katt löppt äw're Fast⁶
Un springt behen'n von Fack⁷ tau Fack,
So löppt de Lächen⁸ äwer't Dack
Un licht⁹ sid dal
Un stigt tau Höcht¹⁰

¹) das Magere. Die Lebensart bedeutet: Eindruck machen. ²) friert. ³) Fieber. ⁴) stürzt. ⁵) entzündet es sich plötzlich. ⁶) First. ⁷) Fack, Abtheilung in ländlichen Gebäuden von einem Balken zum anderen. ⁸) Gluth. ⁹) leckt. ¹⁰) steigt in die Höhe.

In einen gläugnig roden Strahl.
De Stornwind fegt
Herin, un as 'ne gläugenige Fahn
Bülgt¹ siß de Läuchen dörch de Lüchten.²
Hoch sitt nu stolz de rode Fahn
Un sleiht vör Freuden mit de Flüchten.³
Up jedes Dack leggt siß en Flierſchien,
In jedes Finster blinkt't, as wenn dat brennt,
Un „Füer! Füer!“ hört man schrien,
En Feder löppt, en Feder rönt,
As hadd hei ganz den Kopp verluren,
Un will sin beten Armuth redden;
Dunn schallt em plötzlich in de Uhren
De harte Stimm von sinen Herrn:
„Hir her! Hir her! Hir All tau Hop!“⁴
Un tägernd⁵ folgen f' All den Raup,⁶
De lett den Ruffert,⁷ de dat Bedd,
Denn de em röppt, dat is sin Herr,
Vel schrecklicher, as Fliersnoth.
Dat Füer, dat kann sin All'nē vertehren
Un smitt⁸ em up dat frie Feld;

¹) wagt. ²) Luft. ³) Flügel. ⁴) Hausen. ⁵) zögernd.
⁶) Ruff. ⁷) Koffer. ⁸) schmeißt, wirft.

Ein Heir kann't ok, doch sin Gebot,
Dat kann de Heimath em verwehren
Un jagt em elend in de Welt. — —

Un as f' de Herr tausamen röp,¹
Dunn rummelt von den Hof 'ne Elöp,²
De is de anner wid vöran,
Un up de Mähren³ sitt Zehann
Un jöggt⁴ herinner in den Dik⁵
Un springt mit beide Bein tauglik
In't Water 'rin un füllt un deiht
Un swentt⁶ siß up de Mähr herup
Un jöggt dorhen in vullen G'lopp,
Wo't Möllerhus in Flammen steiht.
„Hirher, Hallunk! Wo büßt Du west?“ —
Dat is den Herrn sin harte Stimm. —
Hei röppt un ritt⁷ de Mähren 'rüm:
„Hir nah den Hof! Un lat dat Nest
Taum Deuwel in den Grund 'rin swälen!“^{8 4 4}

¹) rief. ²) Schleife. Eine Schleife von Band heißt „Sleuf“. ³) Mähr für Pferd hat im Plattdeutschen nicht den verächtlichen Nebensbegriff, der im Hochdeutschen häufig damit verbunden wird. ⁴) jagt. ⁵) Leich. ⁶) schwingt. ⁷) reißt. ⁸) eigentl. glimmen.

Zehann gehört all de Befehlen,
Dunn stört ut't Hus de Möllerfru:
„Min Kind! Min Kind! Oh, redd¹ min Kind!
Dor haben in de Gebelstuw.“²
Zehann herunner as en Wind,
Den Kittel³ äwer'n Kopp, stört't nah de Dör;
De Herr, den Läger⁴ in de Hand, springt vör
Un fleiht in vuller Wuth nah em:
„Hallun! Hierher! Wo willst Du hen?“
Hei hört dat nich, hei acht't dat nich;
De Mähren snorken,⁵ schuen siß;
De Herr höllt wiß, sei gahn in En'n⁶
Un riten em de Läger ut de Hän'n;
Hei föllt, un't ganz Gedrim⁷
Von Pird un Glöp geiht äwer finen Lin.
„Tau Hülp! Tau Hülp! Holt an! Holt an!“
Un ut dat Gebelsfinster schriet Zehann:
„Um Gotteswillen bringt 'ne Ledder!“⁸

¹) rettet. ²) oben in der Giebelstube. ³) Kittel wird in unserer Gegend nur für einen Leinwandrock gebraucht; ein solches Kleidungsstück von Tuch heißt: Rod. ⁴) Bügel. ⁵) schnarchen. ⁶) bäumen sich; es wird auch der Ausdruck „sich steideln“, von „steil“, dafür gebraucht. ⁷) Getreibe. ⁸) Leiter.

Un höllt¹ dat Kind un winkt un röppt
Un All'n's röppt mit un schriet un löppt,
Un Keiner deiht, wat nützen kann,
Bet endlich de oll Fauderknecht,²
Oll Daniel, ein 'ranner leggt.
„Nu kamt man her un sat't mit an!“
Dörch Kot un Füer stigg Zehann
Un hett dat lütte Worm³ in'n Arm;
Un still mit einmal is de Larm,
Kein Raup ward lud, kein Wurt ward hört,
Blot Füerjusen, Funkenknattern.
As wir ehr All de Kehl taujnürt,⁴
Stahn f' dor un seihn em 'runner klattern.⁵
Un blot de olle Fauderknecht,
De kückt so still un wiß⁶ tau Höcht:
„Man sacht, min Söhn Zehann, man sacht!
Den Faut bet⁷ linksch! Nimm Di in Acht!“
Nu is hei up de letzte Tram,⁸
De Mutter smitt siß up ehr Kind:
„Min Kind! Min Corl!“⁹ Dor schütt⁹ dat
Dack tausam,

¹) hält. ²) Futterknecht. ³) den kleinen Wurm.
⁴) zugeschnürt. ⁵) klattern. ⁶) gewiß, sicher. ⁷) mehr.
⁸) Sprosse. ⁹) schießt.

Un duſend Funken warbeln¹ in den Wind.
Un all de Minſchen athmen² wedder,
Un ringsherüm, dor hört man fragen:
„Wer was't, wer ſteg dor von de Ledder?
Wer halt dat Kind? Wer bed dat wagen?“
Ein Nam, de geiht von Mund tau Mund:
„Dat was Zehann, was Zehann Schütt!
Hörſt Du, Marit? Hei halt dat Lütt.“
Ach Gott, wo ſelig ſei dor ſtund!
Wo hoch würd ehr dat Hart nich-ſlagen!³
Wo was dat vull von Freuden=Schur'n!⁴
Woll hadd ſei't hört; mit duſend Uhr'n⁵
Hadd ſei de Nachricht in ſick ſagen.⁶
Sei drängt ſick dörch. „Wo is Zehann?“
Sei möt tau em, de Hand em drücken,
Sei möt in't helle Dg em blicken,
Möt ſeihn, wo ſtolz hei weſen⁷ kann.
„Zehann! Zehann! Min leiw Zehann!
So ſmitt ſ' ſick an ſin Poſt heran.
Hei deiht dat blonde Hor ehr ſtriken

¹) wirbeln. ²) athmen. ³) wurde — ſchlagen,
d. h. fing an zu ſchlagen. ⁴) Schauern. ⁵) Ohren.
⁶) geſogen. ⁷) ſein.

Un flüstert facht: „„Lat sin, Mariken!
Min Mähren sünd mi stü'rlos¹ word'n.
De mët id' heww'n. Lat sin bet² morn!““
Un de oll Daniel, de seggt:
„Gefohr is nu nich mihr vörhannen,
Des' Regen löscht von sülwst dat Sü'r,
Un of de Stormwind hett sich leggt.“
Un Allens drängt sich üm Zehannen:
„„Hir,““ seggt de Gin, „„hir sünd Din Pird!““
„Din Swäp,³ Zehanning!“ seggt de Anner.
„„Hir is Din Kittel!““ Jeder mët
Em wat tau Gauden dauhn up sine Ort.
Un as hei nu Marik ümsfött,
De an em hängt un selig rohrt,⁴
Dunn seggt oll Daniel: „'T is wohr,
Dat is in'n Döxp dat brawste Mor!“
Dunn wünscht ein Jeder still de Beiden
Dat schönste Glück un duzend Freuden.

Blot Gin steiht affid⁵ in de Firn
Un süht vull Grimm de arme Dirn,

¹) eigentlich steuerlos; von Pferden gebraucht:
wild. ²) bis. ³) Peitsche. ⁴) weint. ⁵) abseit, bei Seite.

Un Afgunſt¹ ſchämert² ut ſin Og,
As ſei den Knecht ſo an ſich tog.
Un as hei ſleiten ſach³ ehr Thranen,
Dunn ſnerten⁴ ſich ſin Ogenbrannen
So dicht tauſam. Is't von den Fall?
Is't von de Weihdag⁵ in de Hüſt?
Oh ne! dat is von Gift un Gall,
Von de dat Hart em äwerdrinwt.
Doch as, ehr Kind in'n Arm, ſich nu
Heranner drängt de Möllerfru
Un ehren heiten Dank utſchüdd⁶
Un up Zehannen allen Segen
Von Gott in'n Himmel 'runnerbidd,
Dunn kann hei't länger nich verdrägen,
Dunn kann hei't länger nich anſeihn;
Hei hinkt bi Sid un winkt, un Ein,
De möt em nah ſin Sloß henledden.⁷
Zehann, Mari!⁸ Oh, häud Zug⁹ vör den Herrn!

¹) Mißgunſt, Reid. ²) ſchimmert. ³) fließen ſah.
⁴) ſchnürten, zogen. ⁵) eigentl. Wehstage, d. h. Schmerz. ⁶) ausſchüttet. ⁷) hinleiten, führen. ⁸) hütet Euch.

De Schimp.¹

't is Middag wedder; helle Sinn
 Riakt fründlich in de Stallbör 'rin.
 't is Sünndagmorn, 't is nicks tau dauhn:
 De ollen Mähren stahn un rauhn,
 Dalluhrig² stahn s', deip in Gedanken,
 Wotau sei jünd? tau Höcht den Bein,
 Un af un an, denn stampt mal ein
 Un snappt verdreitlich nah de Flanken³
 Un swäpt⁴ sicks mit den Start⁵ herümmer
 Un jagt von'n Puckel sicks den Brümmer⁶
 Un streckt sicks dal un leggt sicks hen
 Un wählt sicks⁷ up de frijche Streu;
 Du Schimmel-Hans halt denn un wenn

¹) Schimpf. ²) mit hängenden Ohren. ³) auch
 anken: Seite, vorzugsweise die Stelle zwischen Rippen
 und Hüfte. ⁴) schlägt, eigentlich mit der Peitsche.
⁵) Schwanz. ⁶) Fliege. ⁷) wälzt sich vor Vergnügen:
 das bloße Wälzen heißt: Wölkern.

Von sine Röp¹ en Lappen² Heu
Un siät siät üm so mäud un still
Un niät, as wenn hei seggen will:
„Si, junges Volk, täumt man en Beten,³
Denn ward Si 't Upstahn woll vergeten.“
Un bäwert⁴ up sin krummen Knei
Un schuddert⁵ siät de Fleig⁶ von't Fell,
Un orndlich jüßt dat olle Beih,
As wenn em lang vergahne Johr,
Sin schöne Jugendtid inföll,
As noch was swart sin junges Hor,
As sine Knaken⁷ noch ahn Tadel,
As Rein em noch tau Arbeit dwungen,⁸
Un hei noch fri von Tom un Sadel⁹
As Fahlen was herümmersprungen. —

Un rings so still un dunstig is't;
Dü Daniel reät siät harthast¹⁰ mal
Un halt sin Putzmeh¹¹ siät hendal¹²

¹) Kaufe. ²) Flauch. ³) wartet nur ein Wischen.
⁴) zittert. ⁵) schaudert, d. h. macht mit der Haut
eine zitternde Bewegung. ⁶) Fliege. ⁷) Knochen.
⁸) gezwungen. ⁹) Baum und Sattel. ¹⁰) herzhast.
¹¹) Rasirmesser. ¹²) herunter.

Un stellt sîd an de Fauderkist,¹
 Dorup sin Stückschen Speigelglas,
 Un soht sîd mit den Quast verdwas²
 'Rin in dat olle gris' Gesicht
 Un set't de Tunge³ 'rin in de Baden
 Un fängt nah Kräften an tau racken,⁴
 Bet hei den Bort herunner kriggt —
 De is en Beten lang em word'n,
 Is von de ganz verladen⁵ Woch,
 Nu schrint⁶ em dat — indessen doch —
 'Run möt 'e, denn't 's Sünndagmorn. —
 Gott Low un Dank! Nu is hei 'runner!
 Hei stoppt dat Bland nu noch mit Tunner,⁷
 Bermohrt dat Meß, dat Glas, den Quast,
 Treckt sîd den Hosendräger fast
 Un bin'nt 'ne reine Schört⁸ sîd vör
 Un tritt nu 'ruter ut de Dör.
 So steiht hei dor in vullen Stat;
 Nu kann 'ne Gräwin⁹ kamen, hei 's parat.

¹) Futterkiste. ²) verquer. ³) Zunge. ⁴) tragen.
⁵) vergangen. ⁶) von Schmerzen an der wunden
 Hautoberfläche gebraucht. ⁷) Zunder, Feuerschwamm.
⁸) Schürze. ⁹) Gräfin.

Un vör de Dör, dor sitt Zehann.
Dill Daniel schüwot¹ sich an em 'ran
Un schüwot en Primken² mang³ de Lähn:
„Wo büßt Du west, Zehann, min Sähn?“
„Tau Dörp. Marik wull Middag kafen,⁴
Dunn haut id ehr dat Buschholt klein.“
„Dat lat den Preister man nich seihn.“
„Du leiwer Gott, wat sall en⁵ maken?
De ganze Woch geiht dat Geslaw,⁶
De Dirn möt Dag för Dag tau Ham,⁷
Wenn sall sei denn den Kram besorgen,
Wenn anners, as den Sünndagmorgen?“
„Se, 't sall nu äwerst doch nich sin.“
„Dat weit id woll, wi sälen beden
Un sälen in de Kirch herin.
De de Gesetze maken beden,⁸
Dat sünd de Riken, sünd de Herrn,
De Armaud dauhn f' dcrbi nich fragen;
Wi möten't dauhn, wi möten't drägen,

¹) schiebt. ²) dim. von Priem, Kautabad.
³) zwischen. ⁴) kochen. ⁵) man. ⁶) Slaven heißt:
Slaven-Arbeit verrichten, und wird für jede täglich
wiederkehrende schwere Arbeit gebraucht. ⁷) zu Hause
gehen, verbundene Hofdienste verrichten. ⁸) machten.

Un wenn f' uns oß mit Fäuten pekden.“¹
„Jehann, min Sähn, nimm Di in Acht,
Dat siß de Böß' nich insliß in Din Hart;
Ahn dat wi't marfen, kümmt hei äwer Nacht
Un malt uns de Gedanken swart.
Du büßt füs² so'n taufreden Bland,³
Un so wat heft Du nie nich dacht.
Du dedst Din Ding' so wollgemaud,
Din Hart was froh, kein Arbeit würd Di swer;
Nu kümmt Du mi ganz anners vör.“
„So? Bün id anners? — Daniel, ja,
Id weit, id bün ganz anners word'n,
Id heww kein Raub nich, wo id stah un gah,
Dat jöggt mi ümmer hen un her,
Un is dat hüt, denn wünsch id, dat wir morrn,
Ach Gott! Wat is dat Hart mi swer!
Id heww't woll markt: Du weisst Bescheid,
Wo't üm min arm Mariken steiht.
Dauh 'd up den Harwst kein Hüjung frigen,
Denn kann 'd de arme Dirn nich frigen,
Denn möt en Unglück noch gescheihn,
Den Jammer kann id nich anseihn.

¹) treten. ²) sonst. ³) zufriedenes Blut.

Blot Hülung, Hülung! Wider jall
Mi Rein wat dauhn.¹ — Wat red id U!
Di is't in'n Lewen nich so gahn,²
Kannst nich min Noth un Angst verstahn."³
Un de oll grise Fauderknecht,
De richt't sich still un irnst tau Höcht
Un steiht vör em un kiät em an:
„So? Weist Du dat? Meinst Du, Jehann?
Was of mal jung, was of mal stark,
Mit Knaken vull von kräftig Mark,
Min Dg was flor, min Hart was frisch,
Min Lewen was 'ne grüne Wisch,³
Un up de Wisch, dor bläuh't 'ne Ros'
So schön un hell, so vull un rit,
Woll ebenso as Din Marik.
Un was id von de Arbeit los
Des Abends, wenn de Schatten teihn,⁴
Denn satt id mit min Ros' allein,
Un wat wi redten, wat wi spröken,⁵
Dat steiht mi deip in'n Harten schrewen,
Un lewig⁶ is't mi ümmer blewen

¹) thun, d. h. geben. ²) gegangen. ³) Wiege
⁴) ziehen. ⁵) sprachen. ⁶) lebendig.

Un bliwot't, bet dat min Hart deist breken."
Jehann springt up un frigg't den Ollen
Bi sine bewrig¹ Hand tau hollen:
„Worum heft Du sei denn nich namen?“ —
„En Worm was in min Roß² 'rin kamen,
En Worm hett mine Blaum verdorben;
In Roth un Glend is sei storben.
Min Herr, de hett sei sowid bröcht.³
Hei was de Herr, id was de Knecht.
Min Hart blödd⁴ un'n, sin Hand was haben,⁴
Hei bröf⁵ min Roß², id haww f' begraben.“
„Wer was Din Herr? Wer was Din Brud?“
„Min Herr was unsern Herrn sin Vader.“
„Un Du retst⁶ em nich jede Alder,
Du retst sin swartes Hart nich ut?“
Un de oll Daniel wendt sich üm —
Sin Og, dat gläuh't, sin Lipp, de bewt —
Un seggt mit bewerige Stimm:
„Min Sähn, min Sähn, un' Herrgott lewt.
„Mein is die Rache!“ hett hei seggt;

¹) zitternd. ²) gebracht. ³) blutete. ⁴) oben.
⁵) brach. ⁶) risselt.

Hei hett sin Hand naht¹ up em leggt,
Hei is in Sün'n un Schan'n vergahn;
Id was un blew sin Fauderknecht
Un hoff, id ward vör Gott bestahn.
„Mein is die Rache!“ Denk daran,
Dat is en Trost für uns, Zehann.“

Un Daniel geiht; Zehann, de sitt
Nahdenklich dor, den Kopp gestüt't,
Un denkt an Danieln sine Ned.
„„Ne,““ seggt 'e, „„wenn id't wesen ded,²
Un mi wir't as den Ollen gahn,
Denn hadd id woll wat Anners dahn.
„Mein is die Rache!“ spreckt de Herr.
„„Dat is recht gaud. Ja! Uwer wer
Lett sid sin Ein un All's verdarben
Un leggt dorbi de Hän'n in'n Schot? —
So tautauseihn? — Ne! — Leiwerst³ dod!
Hei oder id! — Ne, Ein müht starben!“⁴
Un ballt de Fust un sleiht up't Knei:
„„Ja, 't is de ew'ge Litanei!
Bon Mornns bet Abends in den Sälen!“

¹) nachher, hernach. ²) wäre. ³) lieber. ⁴) Sielen-
geschirr.

Wi möten't dauhn, un sei befehlen.
Ob ein de Knaken kann noch rögen,¹
Wer fröggt dornah? — Genau — wi sälen!
Un wenn s' denn blot uns' Hart mal frögen
Un 'rinner segent² in uns' Roth
Un gönnten uns uns' Beten Brod
Un gönnten uns man blot de Städ,
Un as en Minsch taum Minschen stün'n,
Denn wull w' ehr Macht un Rikdauhm gän'n,
Denn würd kein Arbeit uns tau swer.
Wes' sälen't dauhn un säl'n de Lüd'
As Minschen hollen; äwerst hir!
Hir hett kein mihr en heilen Noth,
Hir is dat täglich Brod de Stock,
Un Schandwürd sünd hir noch dat Best.
So is uns' Herr, so is sin Vader west.
Dat is 'ne wohre Schinnerban'n!³
Un as hei noch so sitt un sinnt,
Dunn kümmt tau em en lüttes Kind,
Dat smeichelt sich so an em 'ran
Un krawwelt⁴ em in sinen Vort

1) rühren. 2) sähen. 3) Schinderbande. 4) krawelt.

Un ei't¹ so vel un kickt jo wiß²
Em mit de groten Ogen an,
So recht nah säute Rinnerort.
Will up em riden so as füs,
Un höllt sin Hand mit beide Hän'n
Un springt herümmer vör Verlangen
Un will up't Knei herupper rangen.³
Zehann, de böhrt⁴ em of in En'n⁵
Un up dat Knei un lett em riden.
Wo swart of sin Gedanken wiren,
Bi so'n unschüllig Kindsgesicht,
Dor stellt dat Licht sick wedder in,
In em schint wedder Leiw un Sünne,
De Haß vergeiht, de Schatten flüggt.
Hei böhrt dat Züngschen vör sick hoch
Un kickt em in dat Rinnerog.
„Ne,“ seggt hei, „ne, Du leiwes Kind,
Du wardst nich, as Din Öllern sünd.
Is in Din Adern of ehr Bland,
Du deihst einmal de Armaud gaud;

¹) eigentl. sagt „ei“, vom Schmeicheln der Kinder
gebraucht. ²) fest. ³) klettern. ⁴) hebt. ⁵) in
die Höhe.

Du drüggst¹ mi nich, Din Dg is wöhr!“
Un strickt taurügg dat lockig Hor
Un kickt vull Leiw dat Jüngschen an
Un drückt an't weisse Hart heran
Un drückt sin Lipp up sinen Mund
Un küßt em recht ut Hartens Grund.

Un as hei't ded, dunn müßt't gescheihn,
Dat de Mama kamin ut den Goren;²
De frame Fru, de müßt dat seihn,
Begünn gewaltig up tau fohren:
„Arthur, hier her! Unnützer Bube!
Marjch! Fort mit Dir! Fort in die Stube!
Und Er! Wie kann so'n Kerl es wagen,
Mein Kind, das Kind des Herrn, zu küssen?
Wart' Er! Der Herr, der soll es wissen.“
As hadd't Gewitter in em flagen,
Fohrt hei tau Höcht. Dat Bland, dat schütt³
Em gläugnig in't Gesicht; hei bitt⁴
De Zäh'n tausam. Dat ded em packen:
För so vel Leiw so'n schändlich Wurd!
Hei mügg't vör Schimp un Schan'n versacken,⁵

¹) trüggt. ²) Garten. ³) schießt. ⁴) beißt. ⁵) versinken.

Un aß de frame Fru waß furt,
Dunn föllt hei up den Siß taurügg:
„Dat heww id wullt! — Dat is mi recht!“
Un Daniel steiht bi em un seggt:
„Jehann, Du kennst de Welt noch nich:
As witte Dum¹ un swarte Kow',²
So stimmt tausamen Herr un Claw.³
Ehr Burtheil geiht woll Hand in Hand,
Sei wahren Beid in einen Land,
Sei athen⁴ beid' de sülwig⁵ Luft,
Un rauhn⁶ villicht in eine Gruft;
An einen Gott, dor wen'n⁷ sei siß;
Doch Hart un Hart, dat find't siß nich.“

¹) Taube. ²) Kabe. ³) Sklave, Knecht. ⁴) athmen.
⁵) die selbige. ⁶) ruhen. ⁷) wenden.

De Saß.

De schönste Dag in't ganze Johr
 Stiggt lising 'rupper hell un flor;
 Jacobidag, wenn Rogg' ward meiht,¹
 Wenn Segen up de Feller steiht,
 Un sünnenreines Gottes Gold
 Sied' leggt up Wolf un Barg un Holt;²
 Wenn Gott de olle schöne Welt
 Mit Glanz un Pracht umwunnen höllt,
 Wenn hei sei fött³ so weiß un warm
 In sine true Vadersarm,
 Mit Segen sine Hand drup leggt
 Un, as den säwten⁴ Dag, ehr seggt,
 Dat Allens up sine leime Eerd⁵
 Recht gaud un tau sin Freuden wir. —

¹) gemäht. ²) in einigen Gegenden auch: „Busch,“
 wird für „Wald“ gebraucht. ³) saßt. ⁴) siebenten.
⁵) Erde.

Noch liggt de Welt in'n deipen¹ Droni,
Noch liggt de Nacht up Barg un Bom;
Up Gras un Busch, dor liggt de Daß,²
Doch in den Morgen³ ward dat waß,⁴
Un Nacht vergeiht, un Schatten flügg,
Un ünmer heller, florer stiggt
De Dag herup mit sine Dual,
Mit sine Arbeit, sine Lust,
Un mächtig schütt en hellen Strahl
Saum Hewen⁵ hoch dörch Nebelbust,
Un dusend anner folgen d'rup;
De Sünne geiht up! — —
Un as sei upgeiht in ehr Pracht,
Waßt Schall un Farn ut Clap un Nacht,
De Blum ward bunt, de Bom ward grün,
De Ird so herrlich antauseihn,
De Hewen blag,⁶ un dörch de Höh
Gahn Wolkenchäp⁷ up stille See.
Dat is en Ruß, den'n hett de Hewen
De Ird in Leiw un Andacht gewen,
Un dörch de Welt, dor klingt en Klang,

¹) tiefen. ²) Thau. ³) Osten. ⁴) wach. ⁵) Himmel.
⁶) blau. ⁷) Wolkenschiffe.

De hürt sich an as: Lewen! Lewen!
Dat is de Ird ehr Morgensang,
De Blaum, de höhrt¹ den Kopp tau Höh,
De Draussel fleiht² den irsten Elag,
Un ut den Buiß 'rut tritt dat Reh,
Un Allens grüßt den jungen Dag. —

Oh, junge Dag, oh, Morgensünne,
Schien oß in't Menschenhart herin!
Wat düster west,³ maß hell un flor,
Un warm maß d'rin, wat kolt is west!
De Arbeit von dat ganze Johr,
De fiert⁴ hüt ehr Freudenfest.
De sünst⁵ des Johrs in Roth un Leid,
In Lumpen dörch de Welt hengeiht,
De Arbeit, de sünst so veracht't,
So kümmerlich bi Geld un Macht
As Snurrer⁶ an de Dören steiht,
De steiht hüt hir in lichte Pracht,

¹) hebt. ²) die Drossel schlägt. ³) gewesen.
⁴) feiert. ⁵) abgekürzt auch „sünst“ = sonst. „Sünst
des Johrs“ ist eine Redensart für: „im übrigen Theil
des Jahres.“ ⁶) Bettler

Den Kopp so hoch, von sweren Ohren¹
De riße, goldne Kron in Hören.
Sei süht as Kön'gin äw're Welt,
De Allens richt un Allens höllt. —

Sei winkt, un Allens drängt sich 'ran,
Ehr Volk, dat stellt sich Mann för Mann;
Ehr Volk hett munnerfrischen Maud:
Den Blaumenstruz² vör Bost un Haut,³
Dat Hart vull Lust un vull Begehr,
Un äw're Schuller swere Wehr,
So drängt't sich 'ranner mit Gesang;
De Bom⁴ ward in de Ird 'rin sett't,
De Seiß⁵ ward wet't.⁶
Wat giwvt dat för en scharpen Klang! —
„Un nu mit Gott, wi will'n't wagen!“
So ward'n in heiten Sommerdagen
De lust'gen Arbeitsflachten flagen. —

As wenn de Man⁷ dörch Wolken treckt,
So gahn de Seiß'en dörch dat Kurn.⁸
As wenn in Firn de Bülg⁹ sich breckt,

¹) Ohren. ²) Blumenstrauß. ³) Brust und Gut.
⁴) Baum, hier der Senjenbaum. ⁵) Seisse. ⁶) gewebt.
⁷) Mond. ⁸) Korn. ⁹) Welle.

So süßt un runicht¹ dat in de Uhr'n.²
Als wenn in Zerst hir sagen ward,
So ward'n de Seihen mächtig swungen;
De Dhren sacken³ up dat Swad,⁴
Als wir in Zerst de Find bedwungen.⁵
Un doch is hir von Find kein Red,
Hir deicht kein Mord un Dodsflag gewen:⁶
Alläwerall is Freud' un Fred',
Un All'ns is Lust, un All'ns is Lewen. — —

Jehann, de deicht den irsten Hau,⁷
Hei meicht⁸ de Annern hüt vöran;
Strack tritt hei an den Roggen 'ran,
Süht nah sin Lag' un ficht genau,
Wo hei'n am Besten faten kann;
Deicht d'rup de Seiß noch einmal stricken:
„So, nu mit Gott! Ru kumm, Mariken!“
Sin Dirn, de folgt dat Swad entlang
Un rafft de Garw un slingt den Schrank;⁹

¹) rauicht. ²) Dhren. ³) sinken. ⁴) Schwaden.
⁵) bezwungen. ⁶) giebt es zc. ⁷) Hieb. ⁸) mäht.
⁹) von schränken, verschränken, ist eine eigenthümliche
Schlinge, in welche das Korn gebunden wird. Ein
festgeknotetes Strohband heißt „Seil.“

De Arbeitsluft, de lett vergeten
Dat Led, wat ehr dat Hart terreten.¹
Un nah Jehan'n kümmt Jochen Plahsten,
Un de Lütt Fridrich kümmt dennahsten;²
Jil Schulten bin'nt; „Dirn, spaud³ Di doch!
Un woher⁴ Din Bein! Zä hau Di noch.“
Un denn kümmt Krischan „mit de Näi“,⁵
De is as ünner in den Däi;⁶
Sin Achtermann,⁷ oll Brümmer, seggt:
„Jung, blüft nich Klau? wat meihst Du t'recht?
Legg doch Din Swad egalemang,
Dat kann jo jüs kein Deuwel binnen!“
Up Brümmer folgt oll Hawermann,
De kann den rechten Tog⁷ nich sinneu:
Sin Eiß,⁸ de steiht em nich tau Dank.
„„Na, Badder, will't oll Ding nich stahn?““
Seggt tau em Jochen Reberant,
„„Tred doch den Haken⁹ bet¹⁰ heranne! —

¹) zerrissen. ²) eigentlich: denn nachher, nachher, darauf. ³) spate. ⁴) wahre, hüte. ⁵) ohne Nachdenken und Aufmerksamkeit. ⁶) Hintermann. ⁷) Zug. ⁸) Sense. ⁹) Zum Unterschied von der Grassense, die einen Bügel hat, hat die Kornsense zwei gabelähnliche Haken, die zum glatten Einlegen des Korns dienen. ¹⁰) mehr.

Na, ic' will in Din Swab 'rin gahn,
Du nimmst denn nahsten Di en anne.““
Un as de Letzt kummt Badder Toppel,
De is kein Gründ von I un Hast,
Hei is en ollen tragen Gast¹
Un meih't verdeuwelt lange Steppel:
„De Läng“,“ seggt hei, „de hett de Last.“²
Ja, meih't Zi man! Man ünner tau!
Mi lat't mit't Zagen hübsch in Raub.“ — —

As wenn des Harwsts an'n Herten hoch
In langen, drangen, schragen Tog³
De Kraunen⁴ trecken in de Hirn
Un 'runner juchen in de Welt,
So treckt de Tog von Knecht un Dirn
Sich schrag un juchend äwer't Feld.
As bi den Krauentog de Rahmen
Bedängstlich zappeln mit tau Rahmen,
So zappeln, as de Tog hentst, ⁵

¹) Gast, hier soviel als Gesell. ²) Redensart für: eine langdauernde Arbeit macht Mühe, auch wenn sie nicht sehr schwer ist. ³) Zug. ⁴) Kraniche. ⁵) hinzieht.

De Hockers¹ ängstlich an sin Eid,
Un gripen hir un gripen dor
Un slepen swore Garben 'ran
Un stuken² f' an de annern an
Un rusten³: „Wadder, äwer Johr⁴
Is doch de Rogg' ganz hellfchen swor.“⁵

De Bewer⁶ zappelt un de Snider,⁷
Schaulmeister of troß sinen Haust,⁸
Radmaker, Murer⁹ un so wider,
En Jeder hett sin Garben packt.
Sei möten helpen in den Ault,¹⁰
So steiht't in ehren Gunteract.
Un ganz taulegt, dor kümmt noch Ein,
De is so vörnehm antauseihn;
Ein¹¹ süht, dat hei tau't Volk nich hürt,
Dat hei dat Ganze kummandirt.
Dat is de olle Adebör,¹²

¹) Aufhocker, welche das Korn in Hocken, Haufen, zusammensetzen. ²) stauchen. ³) eigentl.: blasen, hier: Leuchen. ⁴) dieses Jahr. ⁵) höllisch, d. h. sehr schwer. ⁶) Weber. ⁷) Schneider. ⁸) Husten. ⁹) Rademacher, Maurer. ¹⁰) Ernte. ¹¹) man. ¹²) Storch.

De hett sich all so männig Johr
Saum Königrik dit Dörp utjocht¹
Un all de leiven Rinner bröcht.
Hei lidd so irthaft un so wiß,
Ob All'ns of richtig is, as süs;
Besickt dat Swad von einen Jeden
Un schint in'n Ganzen sich tausreden,
Hei mustert² sich den ganzen Tog
Un winkt em finen Bisall tau
Un grüßt un nickt in stolze Raub —
Doch let't binah, as wenn 'ne Pogg³
Hei jedesmal bi't Nicken nimmt —
Hei höhrt so stolz un hoch de Wein
Un wad't⁴ so vörnehm dörch de Stoppel.
Un as hei an den Letzten künmt,
Um dor of mal eins nah tau sehn,
Schüdd't⁵ hei den Kopp: „Ne, Badder⁶ Doppelp,
Din Swad is mi denn doch tau klein,
Un heft of halmt.⁷ Ne, dat möt nich geschehn!

¹) ausgesucht. ²) mustert. ³) Frosch. ⁴) watet.
⁵) schüttelt. ⁶) Gevatter. ⁷) gehalmt, wird vom
Mäher gesagt, wenn er einzelne Halmen stehen läßt.

Zä heww Di alle Zehr Ein bröcht
Un heww f' von't beste En'n utjocht;
Ne! Äwer Zehr¹ dor bring 't Di Kein! —

Un ümmer heiter brennt de Sün,
Sei steiht all² in den Middag 'rin;
De Sweit, de drüppt³ von Baß un Stirn,
Doch ümmer frisch is Knecht un Dirn,
Noch lett de Arbeit Keiner slipen,⁴
Blot, dat f' mal nah dat Leggel⁵ gripen.
Un Middag is't, de Bedkloß stött;
De Seiß up't Swad, de Hart dorbi;
De letzte Garm ward 'ranner set't.
Un äwer't Feld dor künmt 'ne Gumpani
Von lütte Etendrängers⁶ 'ranner quöcht,⁷
De All de Aderhor hett bröcht —
Un deb't nich de, denn deb't de leime Gott —
En Feder dröggt en Henkelpott,⁸
Un dörrch de hogen Stoppeln ruffelt⁹

¹) dieses Jahr. ²) schon. ³) tropft. ⁴) schleifen und schlüpfen, entschlüpfen. Hier das Letztere. Die Lebensart bedeutet: in der Arbeit nicht nachlassen.
⁵) ein hölzernes Löffchen. ⁶) Esenträger. ⁷) geseucht.
⁸) Hangtopf. ⁹) rauscht, raschelt.

'E oll lütt Gewes¹ un krüppt² un puffelt³
Dörcht⁴ hohe Krut an'n Graben-Rand
Un weffelt⁵ flitig⁶ Hand mit Hand,
Den Lempel⁶ dörcht dat Knoploch⁷ tagen,⁷
So kamen s' 'ran un säuken,⁸ fragen:
„Korlin, Marit? Wo is uns' Frit?
Wo is uns' Bader?“ — „„Zöching, hir; —
Wat? Ornlich Spidgans,⁹ ornlich Bir?
Si sünd upstunns¹⁰ woll hellischen rit,
Un Mutter, de spandirt woll wat?“
„Kriechäning, an de Hoof, linksch an de Swad,
Dor steiht min Rip¹¹ un liggt min Noof,
De bring mi achter¹² dese Hoof. —
Du, dumme Klas, id segg jo „linkschen“;
Dor achter glit, dor dacht bi Fintchen!“¹³
Un acht're Hoof in eine Reih,
Dor sitten s', Ripen mang de Knei,
In ehre Hand dat swarte Brod,

¹) kleines Wesen. ²) kriecht. ³) von einer zugleich schwächlichen und mühevollen Hantirung gebraucht.
⁴) wechselfelt. ⁵) fleißig. ⁶) Löffel. ⁷) gezogen. ⁸) suchen.
⁹) Spidgans. ¹⁰) wörtlich: auf diese Stunde, d. h. alleweile. ¹¹) Kober. ¹²) hinter. ¹³) kom. von Fint.

Den Henkelpott up ehren Schot.
 Dat lütte Volk liggt ehr tau Sid
 Un kiest so wiß tau Höcht un süht,
 Wo dat unj' Bader nührig¹ ett²
 Un ob hei woll wat äwrig lett.³
 „So, Jöching, so! Da heft de Grütt!⁴
 Et ut un gah nah Huß, min Sähn,
 Un fall of nich! — Dau!⁵ Willem⁶ Dähn,
 Nimm minen lütten Jochen mit,
 Un smit't mi nich den Pott intwei!
 Da heft Din Mütz, min Sähn, nu gah!“ —

Bald liggt in Slap de ganze Reich' —
 Du Toppel blot exirt⁷ noch nah —
 So ruhig liggen f' dor, as ob
 Kein Qual sei wecken künn, kein Mäuh,
 Dat schönste Küssen unner'n Kopp,
 De Arbeit, de mit Lust vollbröcht;
 De schönste Deck is d'räwer leggt,
 De jemals up en Eleper⁸ lag:
 De Schatten von en Sommerdag. —

¹) etwa: mit großem Appetit. ²) ißt. ³) übrig
 läßt. ⁴) Grüße. ⁵) beim Ausrufen für Du! ⁶) Wil-
 helm. ⁷) exercirt. ⁸) Schläfer.

De Klock is twei, vörbi de Rauf:
„Na, Kinnings, nu man wedder tau!“
De Arbeitsraup deiht Jeden wecken,
Du Toppel deiht sich noch mal recken,
Un wedder runsch’t un ruffelt’t, rappelt’t,¹
Un wedder slept’t un löppt’t un zappelt’t. —

Un as dat künmt tau Bespertid,
Dunn sitt en Yor so still bi Sid,
Sehann is’t un sin arme Dirn,
De lücht so trurig in de Firn.
So sitten sei ’ne Tidlang Beid.
Sei fröggt taulecht: „Segg, büst Du mäud?“²
„„Oh ne, dat sall mi nicks verflahn;“³
Du heft jo halw min Arbeit dahn,
Du smetst Din Geiß so oft bi Sid
Un rüfelft⁴ mi de Garw taujamen.
Ne, id kunn prächtig mit Di kamen.“⁴
Un as s’ gewohrt, dat’t Keiner süht,
Dunn leggt s’ den Kopp an em heran

¹) strengt es sich an. ²) müde. ³) verschlagen, bedeutet in dieser Redensart: das soll mich wenig kümmern. ⁴) brachtest auf einen Haufen.

Un ficht tau Höcht: „Min leiw Zehann!“
 „Ja, Kind,“ un strakt¹ sei fründlich äwer,
 „Hüt gung dat ornlich in de Werr.² —
 Süß, kiz mal dor! Dor kümmt uns Herr!“ —

De Jagd geiht up³ Jacobidag.
 De Herr kümmt äwer't Feld heräwer,
 De Jagdtasch un de Flint ümdahn,
 Un as hei süht den Roggenilag
 So dicht un drang vull Hoden stahn,
 Dunn ward sin Og so hell un wacht,⁴
 Hei 's so vergnügt, sin Hart, dat lacht;
 Hei 's mit de Arbeit of taufreden
 Un rüdt de Mütz un grüßt en Zeden.
 „Hüt is hei fründlich,“ seggt Zehann,
 „Kumm mit, Mariken, mit heran!
 Du mößt em bin'n, id will em strifen;⁵
 Un will'n em noch mal bidd'n, Mariken.“
 „„Oh gah allein. Zä nich! Zä nich!““
 „Zh, heww Di doch nich häwelig!“⁶

¹) streichelt. ²) Wette. ³) geht auf, wird eröffnet.
⁴) munter, lebendig. ⁵) Die Binderin bindet den Herrn
 mit einem Kornband, der Mäher streicht vor ihm die
 Senfe. Der bei uns gebräuchliche Schnittergruß
⁶) kindisch.

Wat is 'e¹ los, wat is dorbi?"

„Oh ne, Zehann; oh, gah ahn mi!

Hei deilt't nich, friggd hei mi tau seihn.“²

Zehann steiht up un geiht allein

Un grüßt den Herrn un set't den Haut

Woll up den Bom un strift so kasch³

Un bedt sin lust'gen Himels gaud;

De Herr langt 'rinner in de Tasch

Un halt en Daler 'rut un winkt:

„Da, Kinner; west vergnügt un drinkt

Hüt Abend min Gesundheit eins.“⁴

De Knecht rögt⁴ sich nich von de Städ:⁵

„Ach Herr, id' hadd 'ne anner Bed.

Acht Johr bün 'd nu bi Sei in Deinst

Un immer heww 'd mi gaud bedragen,

Un äwer mi kann Keiner klagen,

Id' heww min Arbeit dahn, as Gin,

Un was Sei tru; min Hand is rein.

Id' heww all einmal dorvon seggt

Un mine Bed' an't Hart Sei leggt,

Id' kam noch mal. Oh, gewen S' mi

Doch up den Harwst dat Frigen fri!“⁶

¹)da. ²)lebhaft und dreist. ³)einmal. ⁴)rührt. ⁵)Stelle

De Herr, de steiht nahdenklich dor:
„Ja, Jehann Schütt, dat is woll wokr,
Du büst mi tru un ihrlich west
Un in de Arbeit büst de Best;
Indessen doch — de eigen Lüüd',
De ward'n mi gor tau vel tau dürr.¹
Ick heww mi einmal dorup stemmt:²
Up mine Gänder lat 'ck nich frigen,
Wenn of de Arbeit mal eins klennt,³
Ick kann naug Lüüd' ut't Fürstlich⁴ frigen.
Un denn is of kein Hüjung fri.“
„Ja, Herr, wo Vatter Brand in is;
Den Allen nem ick denn tau mi,
Un't blew denn Allens so, as süß.“
De Herr, de grubelt, sinnt un steiht,
As wenn't em wirklich nahgahn deiht,
Dat hei en Afflag gewen fall.
Mit einmal äwer sleiht hei üm,
In sinen Harten stiggt de Gall,
Unsäker⁵ ward sin barsche Stimm,

¹) theuer. ²) hier so viel wie: ich habe meinen Kopf darauf gesetzt. ³) drängt. ⁴) d. h. aus dem Domanium, im Gegensatz zu den ritterschaftlichen Gütern. ⁵) unsicher.

Unrauhig ward sin düster Dg;
Hei dacht an't Güter, wat dor geschiehn.
Wat hei bi'n Güterschin hadd seihn,
Un hart un kolt was't, as hei frog:
„Wer is't denn, de Du frigen willst?“
„„Oll Brandten sin Mariken is't.““
De Herr, de würd vör Bosheit¹ blas,
Hei rückt de Flint herüm, as wull 'e
Sei 'runner riten von de Schuller,
Un smet den Daler in dat Gras,
Un dreist siß up den Hacken² um
Un lacht so gel³ mit höhnsche Stimme:
„Ne, säut Di man 'ne anner ut!
Kein Hüjung heww 'd för so'ne Brud!“ — —
De Herr is weg; Zehann bliwwt stahn,
As hadd vör ein de Blitz 'rin slahn:
„„Worum? — Wojo? — Worüm 'nc Anner?““
Un smitt siß an de Hoß heranner.
Mariken lickt em trurig an:
„Sä säd Di't woll, min leiw Zehann.

¹) meistentheils im Plattdeutschen für Aerger und Wuth gebraucht. ²) Ferse. ³) in scherzhafter Redeweise auch gelbunt lachen: verächtlich, höhnsich lachen.

Nich wöhr? Nu is't woll rein vörbi?"
Hei stött ehr Hand ingrimmig weg:
„Du sädst dat woll? De Wehrheit segg!
Wat is't, wat hett de Herr mit Di?"
„Du weißt, hei kann mi nich utstahn."
„Dat is dat nich! de Wehrheit 'rut;
Hei was so wid, hei hadd dat dahn,¹
Doch as hei hört, dat Du min Brud,
Dunn wull hei nick mihr dorvon weiten,
Nu red un segg, wat sall dat heiten?" —
So ängstlich sach sei in sin Og,
De Lippen würden ehr so blaß,
Als sei de Dgen nedder² slog,
Un't lif' sich äw're Lippen tog:³
„Wil ich em nich tau Willen was."
Als wenn em ded' 'ne Abder⁴ stelen,

¹) er war so weit, er hätte es gethan. ²) nieder.

³) zog. ⁴) Otter. Man macht einen Unterschied zwischen „Abder" un „Snaf" (= Schlange). Alle giftigen Schlangen heißen „Abder", alle nicht giftigen „Snaf."

— In dem Volksmunde sagt die „Snaf":

Ich stel so lising as 'ne Fedder,

Un wat ich stel, dat ward woll wedder.

Die „Abder" antwortet darauf:

Ich stel, ich stel, ich stel dörch Ledder,

Un wat ich stel, dat ward nich wedder.

Flüggt hei tau Höcht; knapp¹ kann hei spreken:
„Wat? — Em tau Will'n — Wer ded dat? —
Wer?“

Un bewernd seggt f': „Dat was unj' Herr.“
Un reekt den Arm nah em tau Höcht:
„Ach Gott, Zehann, nu heww id 't seggt.
Oh, kiz² mi nich so düster an!
Zä blew Di tru, min leiw Zehann.
Hett hei mi 't Lewen of vergällt,
Du blewst min Einzigt in de Welt.“

Sei reekt³ ehr nich de Hand, hei swiggt;
Den ollen Daniel sin Geschicht,
De steiht so swart vör em un kizt
Em as ein Späuf,⁴ dat nich mihr wickt,⁵
Mit stire Dgen in't Geschicht.
Bethel was't Arger un Verdruß,
Wat in dat Hart em kint⁶ un wuß,⁷
Nu wagt⁸ dor Haß un grimme Grull;
Bet haben is dat Hart em vull.

¹) kaum. ²) sieh. ³) reicht. ⁴) Spul. ⁵) weicht.
⁶) keimte. ⁷) wuchß. ⁸) wächst.

Hei dreiht sich üm un fött de Seiß¹
Un swingt sei mächtig in den Kreis;
Als wenn hei nich hei jülben² wir,
De Sehnen Draht, de Glider Stahl,
Ras't hei vöran, den Log hendal,
Un Swad up Swad sackt up de Ird.
Als wenn't em hadd dat Späuf³ andahn
Als hadd de böje Find em packt,
So fus't sin Seiß; dat Kurn, dat sackt,
Als wir dat Föer d'räwer gahn,
Un ob de Sünne so hell of schint,
Vör sine Dgen is dat swart;
Als lacht dorin de böje Find,
So lacht dat höhnischen dörch sin Hart.
Un dorbi is em doch so weih,
Als wir nu von em Gottes Segen;
Hei möt! Hei möt de Knaken rögen!⁴
Meiht jo für twei!
De deip em in den Harten sitt
Un em dörch alle Adern ritt,⁵
De Grull meiht mit. —

¹) Sense. ²) selbst. ³) Spul. ⁴) Knochen röhren.
⁵) reißt.

Sei leggt nich mihr de Seiß up't Swad
Un rafft Marit de Garm tausamen!
Sei hast't sich ängstlich mit tau famen,
Doch endlich steht sei mäud un matt;
De Hand is lahm, dat Hart, dat flüggt,
De Athem geiht, de Bost, de stiggt,
Ut ehr Gesicht wickt alle Farn,
So föllt sei dal up ehre Garm
Un lickt em nah so weih, so krank,
Wo hei hentast dat Swad entlang.
Sei denkt an dat verleb'ne¹ Johr;
Dunn würd de Arbeit ehr nich swor,
Dunn was sei noch so frisch un stark,
Un't Bland flöt lustig dörch de Alder:
Wo höll s' ehr Swad, wo swüing s' de Hart
Sei dacht an ehren franken Vader:
Herr Gott, wo dit woll All mal endt!
Wo süll dat warden, wenn s' sich läd!²
De süs ehr Stütt noch wesen bed,
De hett sich hüt ot von ehr wendt.

¹) vorige. ²) eigentlich: sich legte. — „Sich leggen“ ist der gebräuchliche Ausdruck für „krank werden“; vorgezwungen wird derselbe von Kindbetterinnen gebraucht

Un ach! Allein kann sei 't nich drägen!
Sei dacht an all ehr bitt're Noth:
Woher? Woher dat däglich Brod? —
Un üm ehr 'rüm, wat Gottes Segen!
Wat muß för Brod ut Gottes Zrd!
De Bagel in de Luft, dat Diert¹
In Wald un Feld, de Worm, de Fisch,
Sei sitten all an Gottes Disch;
So wid sich blag de Heven recht,²
Ehr Mahltid is ehr ümmer dect.
Un sei allein, sei jüll verkamen?
Sei folgt³ ehr Hän'n up't Hart tausamen;
Dat Hart würd still, de Thranen flöten
Un löi'ten all ehr Ach un Weih,
Sei bedt so heit, sei bedt vör twei;
Unf' Herrgott ward sei nich vergeten!
Un wunnerfrisch un wunnerstark
Steiht s' up un grippt nah ehre Hart;
De Arbeit ward ehr wedder licht.
Un as de Abend 'rupper stiggt,
Un as de Ginn den lezten Strahl
„Gu'n Nacht oß, Zrd!“ heräwer schickt

¹) Thier. ²) sich blau der Himmel erstreckt. ³) faltete.

Un dörch de swarten Dannen kückt,
Un Allens leggt de Arbeit dal
„So, Kinnings, morrn is ok en Dag,“
Dunn geiht f' vöran, hen nah de Hod,
Wo dat Geschirr tausamen lag,
Un halt Zehannen sinen Rod.
Un fründlich, as wir nißs gescheihn,
Bidd f' em, den Kittel antauteihn,
Un kückt em recht truhartig an:
„Jä bün unschüllig,¹ leiw Zehann.“
Un vör dit helle, lichte Wurd
Möt all sin swarte Bosheit² wiken;
Hei kückt sei an, as wenn f' em durt:
„Na, kumm! Gieww mi Din Hart, Mariken.“ —

Un as sei dörch de Abendrauh
Bi'n Anner gahn, dat Dörp hentau;³
Un as de Man⁴ in stille Pracht
Un'n Sommerhewen 'rupper treckt
Un mit den goldnen Finger sacht
De Zed un't Minschenhart upweckt
Tau Seligkeit un jünten Drom,⁵

¹) unschuldig. ²) hier: Born. ³) nach dem Dorje
hinzu. ⁴) Mond. ⁵) süßem Traum.

Dunn süng'n de Dirns von'n gräunen Bom,
Worunner twee Verleimte seten,
De äwer ehr Freuden ehr Leiden vergeten.¹
Un was de Bom of nich tau Städ'
Un flustert 'runner li' un sacht,
Schint of de Man nich döör sin Bläd',²
So senkt sich doch de stille Fred'
Herunner ut de Sommernacht;
Un wat em irst vertehren mull,
De Haß un Grull,
De swiggt; un sei verget,
Wat deip ehr in den Harten set,
Ehr Glend un ehr Herzeled.

¹) vergaßen. ²) Blätter.

5.

De Grull.

Micheli¹ is't, dat Feld is flor;
 De Aaft tau Schick,² un wedder denck
 De Minſch all up dat negſte Johr.
 Dörch fahle Stoppel luſtig drängt
 De gräune Klewer³ ſick nah haben;
 De Winterfaat, de ward beſtellt,
 Un wedder gräunt up't fahle Feld
 De Hoffnung 'rut up Gottesgaben. ---

Dat Gauſ'volt⁴ ſchriggt, de Pogg,⁵ de ſwigg.
 De Wind geiht äw're Hawerſtoppel;
 De Metten⁶ treckt, un ſülwern⁷ liggt
 Ehr ſin Gewew up Feld un Koppel.
 Un ſlitig ſpinnt de Lütte Spenn⁸
 Un ſpinnt ſick in ehr helles Sarg,
 Un äwer Buſch un äwer Barg —
 Dorhen! dorhen! —

¹) Michaelis (29. September). ²) die Ernte zu Stande, in Ordnung. ³) Klee. ⁴) von Gauß = Gans. ⁵) Froſch. ⁶) Sommerfaden. ⁷) ſilbern. ⁸) die kleine Spinne.

Tredt f 'rupper nah de goldne Sünne,
Tredt f dörch de reine, blage Luft.
Oh, wer doch kün
Gins¹ slapen in so helle Gruft!
Un wenn uns' Herrgott dat nich will,
Un rauh 'd in düstre Eerd eins still,
Denn müggst id, dat id frant un fri,
So lang' id lewt,
Hoch haben swet,
Als an den Gewen tredt de Biß²
Un dat id kün von haben dal
Up däglich Noth un däglich Qual
Deip unner mi
Herunner sehn,
Fri äwer Land un Water teihn!³ —
Herrgott! Du gawwst⁴ mi frisches Bland,
Du gawwst mi hellen, starken Raud,
Du gawwst mi Mart, Du gawwst mi Knater
Raum Eigenduhm;
Oh, gitw mi Rum!⁵
Dat Anner wull id denn woll maken.“ —

¹) einst. ²) die (der) Weis ³) ziehen. ⁴) gabst
⁵) Raum, Platz zum Rühren.

So dacht Jehann, as hei der lag,
Un äwer em de Ketten tog.
Hei dacht nich d'ran, dat, wat dor lewt,¹
Of an den ollen Erdborn² kiewt,
Dat noch kein Wesen funnen is,
Wat nich mit Räden³ bunnan is;
Dat Freiheit is en golden Licht,
Wat nich up Erden is tau seihn,
Un wat in't Minschenog allein,
Wenn't breken deiht,⁴ herinner lücht. — —
Jehann liggt acht're Steinmur wedder,
Wo vör en Vireljohr hei lag;
All's, wat hei süht, dat drückt em nedder,⁵
Un wenn hei in den Hewen sach
Un in sin reines Sünnergold
Un äwer'n firnen blagen Holt,⁶
Un wenn't em mächtig vörwarts tüht,
Wenn hei de Swällen⁷ treden süht,
Denn säuhlt hei, dat en swor Gewicht
Em hängt an sine rasche Flucht.⁸

¹) lebt. ²) Erdboden. ³) Ketten. ⁴) d. h. bricht.
⁵) nieder. ⁶) und über das ferne blaue Gehölz.
⁷) Schwalben. ⁸) Flügel.

Wat was hei doch ganz anners word'n!
Wenn jüs of was Verdruß un Zorn
Hell in sin Hart mal upbegährt,¹
Dat güng vörbi, nu fäuhlt hei, dat
Em Grull un Haß in'n Harten satt
Un an sin frijches Lewen teht,²
Un dat Bertwivlung mit sin Lag
Sick fast un faster üm sin Dag'
Un üm sin jungen Glider snert,³
Un wenn hei of mal trozig red:
„Oh, giww mi Rum!
Dat Anner wull id denn woll maßen!“
Denn glöwt sin Hart dat jülben Rum,
Dat't mal eins anners warden deiht,
Hei süht de Fohr,⁴ hei süht den Hafen,⁵
Un süht de Pietich; sin Lewen steiht
Bör em un süht em isig an,
Un kost un isig ward sin Hart.
„Ran an den Hafen! Her den Start!“⁶
Un vörwärts rastert⁷ dat Geßpann.

¹) aufgegehrt. ²) zehrt. ³) schnürt. ⁴) Furchen.

⁵) eine besonders in Mecklenburg gebräuchliche Art Pfug. ⁶) hier Hafensturz. ⁷) rastelt.

„Man immer jüh!¹ De Fohr entlang!
Wardst Du mal olt un swach un krank
Un kannst den Haken nich mihr räufen,²
Denn möt w' Di anner Arbeit säufen
För slichtern Lohn. Dat is Din Dank!
Man immer jüh! Feld up, Feld dal!
All Ding hett jo en En'n einmal.
'Kin in den Sarg! Den Deckel tau!
Zu't kühle Graww, dor findst Du Rauh.
Man immer jüh! Wat helpt 't Gestähn?³
Man immer jüh! Un denn för wen?“
Wo blyt un dunnert dat in sin Hart!
Wo ret⁴ hei herümmier den Hakenstart!
Wo ret hei heruter de harte Schull!⁵
As wenn hei'n Graww hir grawen wull.
„För wen? För wen? — Du Hund, för Di!
Oh, still doch, Hart! Man immer jüh!“ — —
As hei de Kavel⁶ ut hett haft,⁷
Un as hei Fierabend maßt,

¹) Ein Ausruf, der beim Antreiben des Zugviehes gebraucht wird. ²) regieren, handhaben. ³) Gestöl, ne, Klage. ⁴) riß. ⁵) Scholle. ⁶) Loos, Maas, pensum. ⁷) ausgehakt (fertig gepflügt) hat.

Dunn kümmt Mariken antaughen.
Sei hett den besten Dank¹ ümdahn,
Ehr Gang is rasch, ehr Bussen² flüggt,
Ehr Bad is roth, ehr Og, dat lücht.³ --
„Wo willst Du hen? Wat hest Du rör?“ ---
„De Möllerfru is bi mi west,
De redt mi fründlich tau un säd:
Sei glöwt, dat wir för uns dat Best,
Wenn id uns' Fru⁴ mal bidden ded;
Id füll't ehr recht an't Hart mal leggen
Un füll't ehr recht beweglich seggen,
Wo uns dat güng, denn, meint sei, ded f' 't.
Un wenn Du em denn nochmal bedst . . .
Wat kickst Du mi so düster an?
Sall id dat nich? Is Di 't nich mit?“
„Jh, ne. — Worüm? — Ne, dauh Du 't man.“
„Ach, wenn Du wüßt, min leiw Zehann,
Wo mi dat bang vör'n Harten⁵ sitt,
Dat id dor nah de Fru sall hen!
Un doch is mi tau Maud, as wenn
Nu ann're Liden för uns kamen,

¹) Tuck (plattb. masc.). ²) Busen. ³) leuchtet.
⁴) Frau, d. h. Herrin. ⁵) vor dem Herzen.

Paß up, Jehann, nu brecht sich 't Weber!¹⁾
 Ein Hand up ehre Schuller lād 'e²⁾
 Un seggt tau ehr: „Nimm Di tausam!
 Hoff nich tau vel un törn³⁾ Din Haft!
 Dat kann tauwilen anners⁴⁾ kamen;
 Un künmt dat anners, denn stah fast!
 Hörst Du? De Lāhn tausamen beten⁴⁾
 Un wenn i' Di o' dat Hart utreten!⁵⁾
 „Ach haddst Du doch ditmal nich Recht!“ —
 Sei geiht un steiht nochmal un fröggt:
 „Wo treff 't Di nahst?“⁶⁾ — „As füs,⁷⁾ Marik:
 Bi 'n Fliederbom⁸⁾ an'n Mählendi.⁹⁾ — —

„Gu'n Abend o',“ seggt Daniel
 Tau'r Möllerfru. „Hüt gimwt't noch wat.“ —
 „Zh, in den Murden¹⁰⁾ is't noch hell.“ —
 „Ja, schadt em nich, dat föllt all natt,¹¹⁾
 Hüt Abend ded de Sünn nich dāgen;¹²⁾

¹⁾ bricht sich, d. h. ändert sich das Wetter. ²⁾ legte er. ³⁾ halte auf, bändige. ⁴⁾ die Lāhne zusammengebissen. ⁵⁾ ausgerissen. ⁶⁾ nachher. ⁷⁾ wie sonst. ⁸⁾ Fliederbaum. Mit „Flieder“ wird indeffen nicht der Flieder, sondern der Hollunder bezeichnet. Der Flieder heißt: „spanische Flieder.“ ⁹⁾ Mählenteich. ¹⁰⁾ Norden. ¹¹⁾ fällt schon naß (herunter). ¹²⁾ taugen.

Is glöm, wi frigen velen Regen.“ —
„Dat wir nich gaud; dat Daß, dat is
Nicht dicht in desen ollen Rathen.“¹ —
„Na, möten 't mal eins nahseihn laten.
So wahren S' frilich nich, as jüs.
Wenn ward dat nige Hus denn fahrig?“² —
„Ach Gott, de Arbeit geiht so tahrig!“³
Martini⁴ meint so min Gejell. —
Wat was't för'n Flier, Daniel!“
„Ja, dat was dull. Na, id satt jüst
En beten up min Fauderkist
Un dacht an nicks, dunnn hört id Larm . . .“ —
„Ach, Daniel, id, dat Gott erbarm!
Is stunn un wüßt nich, wat id deh,
Is was verbas't⁵ un lep un rönnt,
Un wenn Zehann nich was tau Städ,⁶
Min Korl, de wir verbrennt, wir rein verbrennt.“ —
„De wir verbrennt, Fru Rosenhagen.“ —

¹) Tagelöhnerhaus. ²) fertig. ³) von tahren —
reden, durch Reden stören. Tahrig wird daher von
einer Arbeit gesagt, wenn dieselbe durch allerlei kleine
unvorhergesehene Zwischenfälle im Fortschreiten gehindert
wird. ⁴) 10. November, früher ländlicher Kündigungs-
termin. ⁵) verbugt, vor den Kopf geschlagen. ⁶) zur
Stelle.

„De wir verbrennt! — Jā heww't verjōcht
 Un wull em girn min Schuld afdragen;
 Doch weit hei,¹ Daniel, wat hei seggt?
 Fōr Geld ded hei den Hals nich wagen.“ —
 „„Jh, dormit is em o² nich deint;³
 Rūmmt't mit sin Hūjung nich tau Schick,
 Denn ward't mit em en dulle⁴ Stück.
 Ein arm Mariken sitt un weint;
 Sei weiten⁵ doch . . .?“ — „Jh woll! Jā weit;
 Jā was vōr 'n Beten⁶ jo noch dor
 Un jād tau ehr: „Jh, sitt un rohr!“⁵
 Sād id, „kumm, ma⁷ Di up de Fäut,
 Wenn hei nich will, denn gah nah Ehr⁶
 Un stell Ehr dat mal orndlich vōr,
 Du fallst mal seihn,“ jād id, „Sei deicht.“ —
 „„Sei is o⁸ hen nah Ehr: sei gung,
 Grad as dat an tau schummern⁷ fung,
 Dwar⁸ s⁹ āwer'n Hof. Dat hett sei dahn.“ —
 „Wo? Rūmmt sei dor den Weg nich her? —

¹) Er, als Anrede an Geringere. ²) gebient.
³) wissen. ⁴) vor einem Bischofen. ⁵) weine. ⁶) Sei
 un Sei wird auf gleiche Weise von jedem Ehepaar ge-
 sagt; vorzugsweise jedoch wird damit der Herr und die
 Herrin bezeichnet. ⁷) dunkelwerden; vom eintretenden
 Zwielichte gebraucht. ⁸) quer.

Du! Hör . . .!“ — „„Oh nich! Oh, laten S' gahn,
Wer weit, ehr is dat Hart woll swer.
Mi dücht binah, in'n Düstern kann en¹
Ehr anseihn, wat de Fru² ehr säd.
Ne, laten S' gahn! Sei söcht Zehannen,
De steiht all³ up sin olle Stäb
Un lurt. De armen jungen Lüü!⁴““
„Ja, Daniel, dat's en grot Mallür!“
„„Wat wull dat nich, Fru Rosenhagen! —
Wat helpt dat All? Sei niöten't dragen. —
Gu'n Nacht! Ja, 't was en gruglich⁵ Füer.““ —

'Ne swart Gestalt, de wantt vörbi
Un sliedt so lif' entlang den Dik⁶
Nah 'n Flederbusch. — „Büßt Du't, Marit?“ —
„„Sä bün't, Zehann.““ — „Wat säd f' tau Di?“ —
Sei set't sich up en Stubben⁷ dal
Un treckt den Dauf sich äwer 'n Kopp;
Sei fröggt datjülw'ge noch einmal,

¹) einer, d. h. man. ²) De Fru, uns' Fru und, wie oben bemerkt, Sei, sind die gewöhnlichen Bezeichnungen für die Herrin. ³) schon. ⁴) Leute. ⁵) graulich; sonst auch für: graulich. ⁶) Leich, Weiher. ⁷) Baumstumpf.

Süht in de Nacht herin, as ob
De Nacht em Antwurt gewen süll;
Doch Allens swiggt, de Nacht is still. —
„Mariken, kumm un antwurt mi!
Wes man¹ getroßt! Wat säd' i tau Di?“ —
„„Dat weit id nich, id weit man blet,
Dat wi verlur'n up ewig sünd,
Un dat dat Kind in minen Schot —
Ach Gott, Zehann, min armes Kind! —
Verflucht döör un're Sünnen is.
Dat heww'n Sei seggt, dat weit id wiß,
Dat bruf't mi noch döör mine Uhren.
Ach Gott, Zehann, All drei verluren!“ —
„Wat? Glöwst Du dat? — Wer hett Di't seggt? —
'Ne Fru, de sid up't Beden leggt
Un fram is word'n in alle Zl,²
Wil dat i' nicks Beteres versteiht,
De Ort³ ward fram ut Langewil;
Dat weit id of, wat so Ein weit;
Un id segg Di, dat is nich wöhr.
Dat is nich wirth, dat Ein drüm rohr.“⁴ —

¹) sei nur. ²) Eile. ³) Die, d. h. solche Art.
⁴) darum weine.

„Sei was de Irist,¹ de mi den Beker²
 Bull Schimp un Schan'n tau sünden gew,
 Em vull got, bet hei äwerdrew;³
 Un ach! Ick glöwt un hofft so seker.⁴
 Sei gew mi all de slichten Würd',⁵
 Sei hett mi't seggt, wo't mit mi wir,
 Sei hett mi't seggt, wo't mit mi kem,
 Un wat dat för ein En'n eins nem.“⁶ —
 „So? Hett s' Di't seggt, min arm Mariken? —
 Säd s' Di denn gor nichts von de Riken⁶
 Un von de Herrn in unsern Lan'n?
 Vertellt s' Di nichts von de ehr Schan'n?
 Un säd s' Di nich, dat de de Sün'n,
 De wi ut reine Leim begahn,
 Un wil wi uns nich frigen⁷ kün'n,
 Ut pure Schändlichkeiten dahn?
 Dat ganze Dörpe⁸ sünd vergift't?
 Un wo de Tucht⁹ is unnergahn,
 Dat dor de Herrn dat angestift't?
 Dat wi't mit Glend büßen möten,
 Wenn wi mal Gottes Wurt vergeten?

¹) Erste. ²) Beker. ³) übertrieb. ⁴) sicher.
⁵) Worte. ⁶) Reichen. ⁷) freien, Heirathen. ⁸) Dörfer.
⁹) Tucht.

Un unsre Herren blot mit Geld?

Dat säd f' Di nich? — Denn säd f' Di nids,

Un Lügen¹ hett sei Di vertellt.“ —

„Ne, ne, Jehann, so kann't nich sin.

Unf' Herr Pastur, de was dorbi,

De redte just so up mi in:

Dat Richtigst wir för Di un mi,

Dat w' öffentlich vör de Gemein

Bör't Altor up den Schandstaul² seten,

Wil dat wi't sößt³ Gebot vergeten

Un wat hei dauhn künn, süll geischehn,

Dat de oll Mod kem wedder up, —

Un id' süll denn taum irsten 'rup.“ —

„Dat säd de Pap?⁴ Hoho! Hoho!

Dat würd en Spaß, dat würd 'ne Lußt!“ —

„Oh Gótt, Jehann, oh lach nich so!“ —

„Hoho! Hoho! Dat wir dat just,

Wat Knecht un Herrr. maht wedder glif.

In'n Lewen sünd wi Arm un Rik,

Bör't Altor⁵ is dat richtig Flag,⁶

Wo glif wi west sünd männigdag.

¹) Lügen. ²) Schandstuhl, Bußschemel. ³) sechste
⁴) Pfaffe. ⁵) Altar, plattb. neutr. ⁶) Fied, Stelle.

Un deicht't nich mihr unſ' Religion,
 Denn mag de Schimp un Schan'n dat dauhn.
 Sei krigen Win un Brot apart,
 Wil dat för uns ehr ekeln ward;
 De Schandstaul äwer wir uns glif.
 Hoho! Hoho! Lach doch, Marik!"
 „„Dh lat dat! Du verjünnigst¹ Di.““ —
 „Verjünn'gen? Ja? — Wo denkst Du hen? --
 Wil 'd 't Kind bi'n rechten Namen nenn? --
 Ja red man von de Preisteri;
 Ja red nich gegen Gott's Gebot,
 Dor steht nicks in von so'ne Mod,
 Dor steht vel Gauds för Arme schrewen,
 Un dat unſ' Herrgott vel vergewen.“ —
 „„Unj' oll Herr Paster hadd't nich dahn,
 De hadd mi nich so schrecklich richt't,
 De hadd en Hart, uns tau verstahn.
 Dh, dat de unn're Wrausen² liggt!““ —
 „Ja, de was brav; ja, de was gaud,
 De hadd nich mit den Schandstaul draucht.“³ —
 „„De hadd mi in't Gewissen redt,⁴

¹) verjündigst. ²) unterm Rasen. ³) gedroht.
⁴) geredet.

Un hadd mit mi un för mi bedt.“¹
„De hadd en Hart för arme Lüd’.“ —
„Oh, dat de bi uns blewen wir!
Nu heww id unner Gottes Sün
Un up de wide Welt nich Einen,
An den’n sin Hart id mi utweinen,
An den’n sin Knei id bichten künn.
Ach, id heww Keinen, Keinen, Keinen!“ —
„Id un Din Vader sünd Di tru,
Wi stahn noch immer fast bi Di.“ —
„Min Vader is kein Trost för mi —
Du weisst worüm, Jehann — un Du“ —
Hier steiht sei up, fött sinen Arm —
„Din Hart slog woll eins weiß un warm
Un was för mi de sekerst Lad’;²
Un wat id up den Harten hadd,
Min Denken all un all min Dauhn,
Dat künn dor woll un ruhig rauhn.
Doch dat’s vörbi, dat is nu west;
Din Hart beharbargt anner Gäst,
De können mine swacken Klagen,

¹) gebetet. ²) die sicherste Lade; eigentl. im Plattd.
für „Koffer“ gebraucht.

Min Noth un Jammer nich verdragen.“ —

„Ick bün Di, wat ic'ümmer was,
Kannst woll in minen Harten rauhn,
Un rögt sic' in mi Grull un Haß,
So heww'n s' doch nicks mit Di tau dauhn.“ —
Sei drückt sic' faster an em 'rau:

„Lat fohren Haß un Grull, Zehann!
Min Hart, dat is bet haben¹ vull
Bon bange Noth un bitt're Qual,
Dor is kein Platz för Haß un Grull.“ —
Hei set't sic' up den Stubben² dal
Un treckt sei sacht up sinen Schot
Un tröst't un minnert³ ehre Noth.
Un rings ümher
Liggt swart un swer
De düstre Nacht
Un flüstert sacht
Un süßt dörr't Ruhr⁴
Un dörr den ollen Flederbom
Un dörr dat Läuse an'n Waterjom;⁵
Un't Regenschur,

¹) oben. ²) Baumstumpf. ³) mindert. ⁴) Noth.
⁵) Schilf am Wasserjaun.

Dat 'rupper tüht,¹
Glitt singend äwer't Water hen,
As süng de Nacht en Truerlieb,
Un weint so sacht herun, as wenn
Sülwst swarte Nacht sich barmen deiht²
Um't Minschenhart un um sin Leid.

¹) heraufzieht. ²) erbarmt.

De Luft.

Hubertusdag steiht in den Klenner,¹

- Un in de Bucht² ein Vierteihnenner,³

De is dor sorgsam faudert⁴ word'n

Un fall — so seggen f' — heran vermornn⁵

Und fall hüt lopen vör de Hun'n.

Natt is't von Baben un von Un'n;

De Dat⁶ liggt gris up Dörp un Feld;

De Sünne fickt 'runner up de Welt,

As wull f' hüt gor nich ut dat Bedd,

Un fickt so mäud döör de Gardinen,

As hadd f' 't sid in den Kopp 'rin set't:

Hüt künn of woll en Anner schinen.

Natt is de Erd, de Luft, de Schall;

¹) Kalender. ²) Umzäunung. Das Wort hat stets den Nebebegriff, Theil eines Ganzen zu sein. ³) Bierzehrender. ⁴) gefüttert. ⁵) auch vermornntau = heute Morgen. ⁶) Thau.

De Döjcherſlag,¹ de klappt ſo ſtump,
 Un af un an iß ut den Stall
 En Bröll'n tau hür'n, dat klingt ſo dump,
 As wir't oll Weiß in deipen Drom
 Un drömte von den gräunen Bom
 Un von de Weid un von dat Gras,
 As't Frühjohr un as't Sommer waß,
 Un de oll Bull, de lümmelt² mang,
 As wir in'n Stall em nißß tau Dank.
 De ollen Wiwer ſwingen Flaß³
 Un ſitten up de Schapſtallbel⁴
 Un kiken mäud un fleprig 'rut
 Un ſeihn as Uhlentükken⁵ ut

¹) Drescherſlag. — Jetzt kommt wohl nur hauptſächlich der Zweifſlag vor; in früheren Zeiten, redete man von Dreifſlag und Bierſlag; ja, auch des Sechſſchlages erinnert ſich der Verfaſſer. ²) Wenn der Bulle nach ſeinem Zaudern noch ſtill vor ſich hin brummt, ſo nennt man dieß: lümmeln. Der Kinderſingſang lautet:

„Lümmel, Lümmel, Lepelſtel,
 Unſe Jakob frett ſo vel.“

An andern Orten giebt es eine Variation, welche heißt:

„Rühr, rühr, Lepelſtel,
 Unſe Jakob frett ſo vel.“

³) ſchwingen Flaß. ⁴) Diele, Flur des Schapſtalls.

⁵) Eulentüklein, junge Eulen.

Un klappen, klättern, plättern¹ vel,
 Doch hört' siß so verdraten² an,
 Als wenn Ein mügg³ un nich recht kann.
 De Luft, de fehlt, de helle Schlag,
 Als früher an den Brakeldag.⁴
 De Manns,⁵ de dragen ut de Schün
 Ehr Döscherbund nah de Maschin;⁶
 Lud burrt tau Höcht de Sparlingschaum⁷
 Un maßt 'ne Swenkung irst tau Praum⁸
 Un wackelt up un wackelt dal,
 Maßt halwe Swenkung noch einmal
 Un smitt siß up en anner Schlag,⁹
 Tau seihn, ob dor von Gottes Segen
 För ehr en Beten äwrig lag.

De Nebel füllt; en finen Regen,

De fiffelt¹⁰ 'runner aß en Faden,

¹⁾ Beides in übertragener Bedeutung = klatschen. Eigentlich heißt „klättern“ einen klappernden Ton hervorbringen, und „plättern“ — nur vom Spielen der Kinder im Wasser gebraucht — patſchen, pauschen, klatschen. ²⁾ verdroffen. ³⁾ möchte. ⁴⁾ Der Tag des Glacsbrechens. ⁵⁾ Männer. ⁶⁾ d. h. Häckerlingsmaschine. ⁷⁾ Schwarm; aber nur vom kleinen, wilden Geflügel gebraucht. ⁸⁾ zur Probe. ⁹⁾ Stelle. ¹⁰⁾ von einem fein ausgefranzten Gewebe und einem feinen Regen gebraucht. — Fiffelig, d. h. halb betrunken, könnte man mit „angeriffen“ übersetzen.

Un wo em was en Löffchen baden,¹
 Dor makt hei sück noch mal so dünn
 Un säbelt sück allmählich 'rin
 Un bohrt sück 'run bet up de Hut
 Un jöggt² dat Beten Warmniß³ 'rut,
 Dat Ein't mit Zähnenklappen⁴ frigg't,
 As wenn Ein in't toll Feuer⁵ liggt.
 De Hoffhund krüppt⁶ in sine Hütt,
 Un de oll schawwige⁷ Kapun
 Krüppt einsam unner'n Gorentun.⁸
 De Hahn mit sine Hühner sitt
 In einen Klumpen unner'n Wagen;
 Güt Morgen hett hei noch so freih't,⁹
 Nu sitt hei as up't Mul geslagen,
 Un wenn hei mal wat seggen deih't
 Un scheif den Kopp tau Höchten böhrt,¹⁰
 Denn seggt hei blot: „Sä säd't,¹¹ id säd't,
 Wi fregen¹² Regen, fregen Regen.“
 Un ein oll Hauhn, dat seggt dorgegen:
 „Kein Stück an'n Hemen blewen¹³ Mor!

1) ein kleines Loch geboten. 2) jagt. 3) das Bißchen
 Wärme. 4) Zähneklappen. 5) im kalten Fieber.
 6) kriecht. 7) schäbige. 8) Gartenzaun. 9) gekräht.
 10) in die Höhe hebt. 11) ich sagte es. 12) kriegten.
 bekämen. 13) geblieben.

As Mehlgrütt¹ did!
Zs dit en Stück!
Natt sitt id dor, nu, nu, nu rohr!²
'I is All's verdreitlich, Gaus³ allein
Steiht still vergnügt up einen Bein,
Behaglich plirt⁴ f' in't Weder 'rin
Un in de dicke Regensupp
Un kist nah't Advors⁵-Nest herup;
Wo de oll Burs⁶ nu woll mügg't fin?
Un wo de woll herümmer tög?⁷
Un keß sid üm, wat Swälf⁸ noch flög:
Wo dat oll sipprig⁹ Ding woll wir?
Un jäd nich vel, dacht desto mihr,
Dacht an de schöne Grabenburd¹⁰
Glik lintschen achtr'e Gorenput,¹¹
Ob't dor villicht nich Gras noch gaww,
Un wucht't sid¹² up un wackelt af.
Un de oll Mht¹³ kümmt ehr entgegen.

¹) wie Mehlgrübe. ²) weine. ³) Gaus. ⁴) steht mit halbgeschlossenen Auge. ⁵) Storch. ⁶) Bursche. ⁷) zöge. ⁸) Schwalbe. ⁹) unstät. ¹⁰) Grabenrand. ¹¹) hinter der Gartenpforte. ¹²) erhebt sich (wie eine wuchtige, gewichtige Last). ¹³) Ente.

Un rättert,¹ plättert² wat taurecht
 Un deiht siä gor tau höflich rögen³
 Mit't Achterdeil,⁴ as Gaus ehr fröggt:
 „Bör'n Dur is't woll sihr natt? Wat? Wat?“
 Un seggt mit höflichen Gesnatter:⁵
 „Ja, Gnaden Gaus, schön natt, schön natt!
 Un böhr'n S' tau Höcht Ehr leinen Röck.
 Dor's nicks as luter⁶ Water, Water,
 Un wat noch fast is, dat is Dreck.“ —
 Un Daniel steckt de Räj' herut
 Un süht nah Baben⁷ hir un dor:
 „Zh,“ seggt hei, „t süht all⁸ klüttrig⁹ ut,
 Un achter Dam'row ward't all flor.
 Zä glöw, wi frigen hüt noch Weder.¹⁰
 Un wesi't parat!¹¹ Un paß en Zeder
 Gaud up, de Pird' herut tau ledd'n!¹²
 Sei warden f' glit herup bestell'n,
 Un wenn f' nich dor sünd, künn hei schell'n;
 Hüt is kein Spaßen mit den Herrn.

¹) schilt und schnattert ununterbrochen vor sich hin. ²) vgl. pag. 89, ¹. ³) rühren. ⁴) Hintertheil. ⁵) Geschnatter. ⁶) lauter. ⁷) Oben. ⁸) schon. ⁹) von Klut = Klotz, von Flüssigkeiten gebraucht; daher mit „geronnen“ zu übersetzen; von festen Körpern sagt man: klutig. ¹⁰) vorzugsweise: gutes Wetter. ¹¹) seid bereit, ¹²) leiten, führen.

De Sünn brecht dörch. De Herr, de röppt,
En Jeder deiht un schirrt un löppt,
Un Daniel leddt den Hingst herut;
Dunn kümmt Mariken hastig an
Un süht so bang un ängstlich ut
Un fröggd den Dll'n: „Wo is Zehann?“ —
„De Knechts, de halen Holt vermorrn.“¹ —
„Ach Daniel, mi's so angst un bang'n;
Min Vader is so krank mi word'n,
Zä heww nah'n Dokter so'n Verlang'n;
Ach Daniel, bidd hei doch den Herrn,
Dat hei den Dokter halen lett.“ —
„Ja, gah man — lat Di man nich pedd'n!²
Segg'n will 'd 't em woll. Un täuw³ man hir!
Wenn hei man finen Gauden hett.“⁴ —
De Mütters swenken sid tau Pird,
De Herr sid up den Schimmelhingst;
Dll Daniel steiht un höllt den Bägel:⁵
„Wenn d' dit doch mal recht klauf anfängst!“⁶
Denkt hei un fuchert⁶ an den Läg⁷

¹) die holen heute Morgen Holz. ²) treten.
³) warte. ⁴) seinen Guten hat, d. h. bei guter Laune
ist. ⁵) Steigbügel. ⁶) von einer Sandtierung gebraucht,
die man nicht sehen lassen will. ⁷) Bügel.

Un summelt¹ 'rüm an de Randar.

„Was hat Er noch, Er alter Narr?“ —

„„Den Dokter möt w'² woll halen laten?““ —

„Was? Doktor? Was? Ist Jemand krank?“ —

„Ich freg den falschen Lom³ tau faten.““ —

„Das frag ich nicht. Wer ist denn krank?“ —

„„Ih, in den Stall is, Gott sei Dank!

Nich tau verreden,⁴ M'n's gesund;

Ob Brand is blos so up den Hund,

Un dunn dacht id'....““ — „Das Denken lass' Er!

Was Er auch denkt, ist einerlei.

Mit Brandten ist es doch vorbei;

Stellt vor sein Bett ein Eimer Wasser

Und vor ihn legt ein Bündel Heu;

Der Doktor wird ihm doch nichts nütz.“

Un lachte äwer sinen Wiß.

Red⁵ ut dat Dur⁶ de Innern nah.

Dat Hurn, dat schallt: Trarah, trarah!

De Hingst, de bömt⁷ sich vör Gewalt,⁸

¹) von einer Handtierung gebraucht, die man nicht fertig kriegt. ²) müssen wir. ³) Baum. ⁴) nicht zu verreden; eine allgemein gebräuchliche captatio benevolentiae gegen Zauberei und den Reiz der bösen Geister. ⁵) ritt. ⁶) Thor. ⁷) bäumt. ⁸) d. h. gewaltig.

De Hund, de jault,¹ de Pietſch, de knallt;
All Gnaden Gaus, de retüirt
Un buttert² 'rüm un krieſcht³ vör Schreck,
Sei hett ſo dägern⁴ ſich verſirt.⁵
Hell lüchten in den Sünnenſtrahl
De roden un de grünen Röck.
So treckt de Tog dat Feld hendal
Nah't Rangdewuh. Un Ann're kamen,
Von allen Siden kamen ſ' 'ran,
Un ſünd ſo luſtig All tauſamen
Un ſegg'n ſich fröhlich gauden Morn:
„Wat ſüll dat för 'ne Luſt hüt werden,
Wenn ſ' em irſt vör de Swepen⁶ hadden!“
De Mähren ſtampen up den Bodden,
De Rüſter blöſ't, dat Og, dat bligt;
De Hun'n, de gnurn ſich an un ſchulen⁷
Nah Rötterort,⁸ gnittſchäwſch,⁹ vergriht,¹⁰

¹) heult. ²) klopft, ſtampft. ³) krieſcht. ⁴) heftig, Abw. ⁵) erſchrocken. ⁶) Peitſchen. ⁷) von unten auf anſehen, mit dem Nebenbegriff des Neides; mit dem Nebenbegriff des Haſſes wird „glupen“ gebraucht. ⁸) Hundcart. ⁹) von Gnitt = Kräze, Grind, und ſchäwſch = ſchäbig, hier in übertragener Bedeutung ſo viel als: neidiſch. ¹⁰) innerlich ergrimmt.

Un zawnern¹ 'rüm un bläfen,² hulen,
Bet Ein de Pietsch tau faten frigg
Un dat Gezauster³ all befredigt
Un de Moral von de Geschicht
Ehr üm de Uhren 'rümmer predigt.

De Hirsch is los! Hei steht un dreiht,
Den Kopp tau Ird, sid in de Run'n;⁴
En Bävern⁵ dörch de Glider geiht,
Hei süht de Jägers, süht de Hun'n,
Hei smitt't Geweih up sine Schuft⁶
Un wind't un sichert⁷ dörch de Luft.
In sinen Dg de Sünnenstrahl,
De Freiheit rings up Barg un Dahl,
De Freiheit un dat Sünnergold,
In blage Firn dat lust'ge Holt! —
Hei's fri! Hei's fri! — En mächt'gen Satz! —
„Halloh! Halloh!“ — Los geiht de Satz!
Dörch grüne Sat un grise Stoppel,
Dörch Busch un Feld un Wisch⁸ un Koppel.

¹) zanken bissig umher. ²) bellen. ³) lautes
Zanken. ⁴) Runde. ⁵) Beben. ⁶) Widerriß. ⁷) Weid-
mannsausdruck = wittert. ⁸) Wiese.

Hei's fri! Hei's fri! — Dor kümmt 'ne Heß.
 Wo set't hei an! — Sell d'räwer weg!
 Un achter her folgt dat Geläut,
 De ganze scheß'ge Rötermäut,¹
 Un krüppt hendörchen, jichernd,² jaugelnd,³
 Witt, bunt un brun herüm krawaugelnd.⁴
 De Hirsch, de flüggt; de Pittsch, de knallt;
 De Herr vöran, de Annern nah;
 De Hingst, de stigg; dat Hurn, dat schallt:
 „Wat Freiheit hir? — Erarah! Erarah!
 Wi sünd de Herrn, wi sünd de Frien,
 Lat doch dat Padd noch Freiheit schrien!“ —
 Noch schütt⁵ hei furt, noch is hei fri
 Un lacht up all de Röteri.
 Doch swack un swächer ward sin Loh,
 Un enger snert sich't Nett tauhop,⁶
 Un twischen Graben, twischen Mur,
 Dor ward hei stellt un sent't Gehörn;
 Dor schallt't Hallali em in't Uhr,
 Dat helle, lichte Dg ward trüm,
 Weß' seggen, dat dat Thranen wiren —

¹) Hundemeute. ²) kuschend. ³) heulend. ⁴) das
 Iterativum von „kraweln“ = kriechen. ⁵) schießt.
⁶) schnürt sich das Netz zusammen. ⁷) Welche, Einige.
 Kein Hülfsung.

Un wiren't Thranen, wir't kein Bunner. —
 Zi, Kötter all, bliwwt em von'n Liew!
 Nemt Zug in Acht! Dat Hurn, dat fligt.¹ —
 So geiht de goldne Freiheit unner,
 Mit Hun'n ward sei tau Dode higt,
 Wat is doch twischen Mur un Graben
 För goldne Freiheit all begraben! — —

„Zh wat!“ seggt Buer Swart tau Witten,
 Als s' sacht² den Weg entlanke³ führen,
 „Wat heft Du 'rüm tau spinkeliren⁴“
 Nah de oll Jagd? Willst, Deuwel, sitten!“⁵ —
 „Zh, hir führst Du jo doch man Schritt,“
 Seggt tau den Ollen Badder Witt,
 „„Kil, wo dat Volk siß asmaracht,⁶
 Un wo siß dat all lewig rögt!“⁷ —
 Stell Di doch ok mal blot tau Höcht!“⁸ —
 „Zh wat! Um so'n oll Hasenjagd,
 Dor ward 't mi vel noch afftrappiren! —
 Ne, wenn D' wat seihn willst, füllst mal seihn,
 Wenn s' richtig Stüwelschit⁹ mal riden;

¹) schlägt. ²) langsam. ³) entlang. ⁴) speculiren,
 d. h. umherschauen. ⁵) sitzen, d. h. sitzen bleiben. ⁶) ab-
 quält, sich bis zur Erschöpfung anstrengt. ⁷) lebendig
 rührt. ⁸) Er meint: „stoeplo chaso“.

Dor gelt dat doch noch Arm un Bein.¹
 „Na, schön is't doch! — Süh, Vadder,² fiß!³“⁴
 Köppt Witt un Koppst fiß up de Hosjen,
 „Ja wull, iß wir entfahmten⁵ riß,
 Denn wir iß dörch mit all de Schosen.
 Mi mein iß sülwst — verstah mi recht —
 Ja wir denn riß, dat heit as iß.“⁶⁴
 Swart fißt em dwaslings⁵ an un seggt:
 „Na, Vadder, dat wir mal en Stück!
 Wullst Du denn Stäwelschit mit riden?“⁶
 „Jh, Gott bewohr! Ne, Vadder, führen!
 Vir Swarte vör, un ümmer up un dal!
 De Landstrat ümmer up un dal!
 Blot de Vertehrung, glöw mi, iß't,
 Wenn Du mal riß eins worden süß,⁶
 Dat Eten, Drinken un de Staat,
 Blot de Vertehrung, nich dat Riden.
 Un mit den Staat würd 'aß woll parat,
 Un de Vertehrung wull 'aß woll lihren.⁷ —
 Ach Gott, wat herw'n wi up de Welt?

¹) Gebatter. ²) sieh. ³) eigentlich: infam, hier nur zur Verstärkung. ⁴) as = als, beim persönlichen Fürwort zur Betonung desselben. ⁵) überzweig, verquer. ⁶) solltest. ⁷) lehren und lernen; hier das Letztere.

Kein Eigendauhm, kein Recht, kein Geld
Un blot en smucken Humpel¹ Kinner.“ —
Dil Swart lidd in dat Stroh herinner
Un griffslacht² vör sid hen un seggt:
„Jh, Vadder, Du redst ungerecht.
Twors³ Eigendauhm, dat heww'n wi nich,
Un mit unj' Recht is't tägerig,⁴
Un an unj' Geld, dor fäl⁵ wi just
De Fingern uns nich blag an maken;
Doch heww'n wi noch recht schöne Saken:
Des Sommers Warmniß,⁶ Winters Frost,
Des Dags fri Lüchtniß,⁷ up de Nacht
Fri slapen, wenn wi slapen können,
Un alle Johr de schöne Pacht
Un bi't Betahlen friess Stähnen,⁸
Un denn noch af un an en Posten
Gerichts= un wat noch süs för Kosten
Un denn — un denn — den Herrn Drosfen.
Bet jigt hadd w' ol' noch fri Vernunft,
Doch de's nu in de Krümp 'rin gahn;⁹

¹) Hausen. ²) lacht heimlich, hämisch. ³) zwar.
⁴) zögernd. ⁵) sollen. ⁶) Wärme. ⁷) Erleuchtung.
⁸) Stöhnen, Klagen. ⁹) in die Krümpe gegangen, geschwunden (wie das Zeug).

Unſ' Paſter un ſin ganze Zunft,
De iſ dor nich mit inverſtahn.
Un dorin weit 'd mi nich tau raden,
Denn wat unſ' Landroſt iſ, de ſeggt:
„Wenn bloß Vernunft die Bauern hadden
Un bloß 'ne Art Verſtand davon,
Denn kem dat Allens richtig t'recht,¹
Denn konn dat mäglich ſin, denn konn
Daß mal mit ſie eins nüdlich werden.“
Un wat unſ' Paſter iſ, de ſeggt:
„Wi ſälen glöwen, Wadder, glöwen
Un de Vernunft gefangen gewen.“ —
„„Dat ſäl wi? — Ne, dat dauhn wi nich!
Nu kiſ mal an! Wat denkt hei ſiſ?
Wo? De Vernunft wir aſgeſchafft?
Iſt haust² in't Amt un all de Herrn
Un in de ganze Ridderſchaft;
Iſt lat mi an de Räj' nich ledd'n
Un lat mi von kein Schap nich biten,³
Iſt dauh mi up den Züchſtock⁴ ſmiten
Un will de Herrn . . .“ — „Heba! Er! Bauer!

¹) zurecht. ²) huſte. ³) beißen. ⁴) Zoch. Die Redensart iſt von einem widerſpännſtigen Ochſen hergenommen.

Oh, biez' Er hier mal um die Mauer
Und nehme Er uns den Hirsch mal mit!¹
„Dau!¹ Hering!²“ röppt oll Witt un rik
De Tängel Swarten ut de Hân'n
Un fängt an üm de Mur tau wen'n. —
„Dat nennst Du up den Züchstoß smiten?
Un willst de Herrn . . .?“ — „Jh, Badder, red,
Sei jünd so höflich in ehr Bed,
Un denn is't ol 'ne grote Jhr.“³ —
„Ne grote Last för mine Vird'!“
Brummt in den roten Bort oll Swart,
As em de Hirsch upladen ward. —
De lust'ge Jägertog, de treckt
Nu nah den Hof taurügg vöran;
Oll Witt, de sitt un windt un redt
Den Kopp grad as en Hampelmann;
Set't bald siß dal,⁴ bald steiht hei up
Un snackt un drähnt von grote Jhr.
Oll Swart seggt: „Büßt 'ne Kläterpupp!⁵
Du snackst jo Allens fort⁶ un klein.
Dat wir 'ne Jhr, dat Hun'n un Vird'

¹) in der Anrede, statt: Du. ²) schnell. ³) Ehre.
⁴) nieder. ⁵) ein Kinderspielzeug, eine hohle mit Erbsen
gefüllte Puppe. ⁶) kurz.

Un Herrn uns mit den Start ansehn?" —
„Ob Gin mi mit den Start anlüht,"
Seggt Witt, „dat is mi ganz egal,
Wenn't blot mit 'ne Manir geschüht.
Ne, lüt doch blot den stolzen Herrn,
Dor up den Schimmelhingst, dor vörn." —
„Den'n seih 't hüt nich taum irsten Mal,"
Seggt Swart. „Wat sin Großvader wir,
De drog de Räs' noch nich tau Höchst
Un satt noch nich so stolz tau Pird',
Dat was en richt'gen Schepferknecht,¹
Von den'n deiht all sin Ricksaum² stammen,
Von't Bücken, Badder, un von't Lammen."³ —
„Jh, Badder, Du heft kein Gefühhl.
Rit blot dat lustige Gewäuhl,
Wo sich dat treckt den Weg entlang,
Un all de roden Röss mit mang."⁴ —
„Dh, ja, id seih s'," seggt Swart un grint,⁵
„Dat is nich Allens Gold, wat schint.
Rit blot mal nipping⁶ tau; Ei West⁷

• ¹) Schäferknecht. ²) Reichthum. ³) d. h. von der Schäfererei. ⁴) zwischen, dazwischen. ⁵) greint. ⁶) genau, nur vom Sehen gebraucht. ⁷) Welchen, Einigen.

Liggt up de schönen roten Röck
Doch of entfahmten velen Dreck.“ —

Na, endlich kümmt de ganze Trupp
Nah den bekannten Hof herup.
De Buren hollen vör de Dör,
De Herren stigen von de Pird'.
Un de von ehr de Börnehmst wir,
De winkt, un Vadder Witt tritt vör.
De Herr klemmt sin Vorjett in't Dg,
Rickt Witten fin¹ Minuten an
Un fröggt: „Sein Name, lieber Mann?“
Ne, wo dat Hart oll Witten slog!
Blot ut Respekt freg hei dat Sweiten²
Un ann're Unbequemlichkeiten.
„Herr Gnaden,“ seggt hei, „ich heit Witt.
Wo süll ich grot noch anners heiten?
Un de dor up den Wagen sitt“
„So? so? — Der Name, lieber Freund?“
De Dll hadd fast vör Freuden weint
Bi all de Jhr un dukt³ sich nedder:

¹) fünf. ²) Schwißen. ³) taucht, bückt, kauert.

„Min Nam is Witt, un de dor sitt“
„Der Name?“ fröggt de Herr em wedder.
„Min Nam is Witt.“ — „Na, lieber Schmidt,
Ich wollt nur sagen — Ihm nur sagen,
Er hat sich heute gut betragen.
Ich kann den Bauersmann wohl leiden,
Wenn er gefällig und bescheiden,
Das kann er auch dem Andern sagen. —
Heda! 'nen Schnaps für diese Beiden!“
Doch würd binaß de Red' em led,
As hei herup keß nah den Wagen,
Wo Badder Swart recht paßig¹ set.
Den Ol'n keß ut sin dwaslings² Og
So'n rechten floren Spißbaum 'rut,
Un üm sin breides Mul, dor flog
So'n snurrig Lüchten un so'n Blißen,
Dat let³ binaß as luter Wißen,
Dat se⁴ binaß as Lachen ut.
Un sitt ren rögt⁴ nich Hand un Faut
Un seggt, as Witt so wollgemaud

¹) verwegen, stolz, mit dem Nebenbegriff des Unbescheidenen. ²) verquer, hier: schielend. ³) ließ, d. h. sah aus. ⁴) rührt.

Nah'n Wagen wedder 'rupper framwelt:
„Na, Badder, heft Di schön besawwelt!“¹
Un seggt, as Witt nah'n Snaps deiht janken:²
„All gaud! Wi lat³ uns schön bedanken.“
Un as oll Witt redt von de Ihr,
Sleiht Swart swapp! dwaslings mang de Yird;
Un as sei in den Landweg kamen,
Dunn fröggt hei Witten: „Wo's der Namen?“
Un as oll Witt von „Herren“ seggt,
Dunn singt oll Swart entfahunte Lieder
Von „Schepertknecht“
Un „dauh mi recht“,
Bon'n „Durweg“⁴ un von: „so wider“;
Un bedt ganz allerleiwste Stückchen
Un halt en Daler ut de Tasch
• Un wist em den'n un lacht so tüdichen:⁵
„Na, Badder, maß en Diner rasch!“ — —

¹) besawweln, auch beseitern, wird von kleinen Kindern gebraucht und heißt = begeistern. Im übertragenen Sinne bedeutet es: sich unpassend aufführen, sich blamieren. ²) Sehnsucht, Gelüste, Appetit, Verlangen nach etwas haben. ³) lassen. ⁴) Thorweg. ⁵) tüdichen, Udo. = tüdisch.

Un duſend von Liſchter dörchſtrahlen den Sal,
De Pore,¹ de ſcheſen² herup un hendal,
Sei knicken un bücken un tillſäuten³ 'rüm
Un flüſtern ſo leiſlich mit ſcütliche Stim
Un tuſcheln⁴ tauſam;
De Herr un de Dam,
Sei laten as Duwen⁵ un Lämmer ſo fram.

Un häweln⁶ un ſnaw 'n un kurren⁷ ſo zort,
Sei ſtriect de Friſur ſick, hei ſtriect ſick den Bort;
Hei drüect ehr den Hanſchen,⁸ ſei ſickt in den Schot,
Un nu ward hei drifter un nu ward ſei rob.
Un't weit doch de Welt,
Dat ' em nich geföllt,
Dat hei ſei blot frigt üm dat leidige Geld.

De Herrin von't Huſ is in Gold un in Eid,
Dor drüect't ſick un bückt't ſick bet dal up de Ird.

¹) Paare. ²) Wollte man das Wort mit Tansen überſetzen, ſo würde dadurch nicht Alles ausgedrückt ſein. Scheſen wird nur von einer wiegenden, ſchleifenden Tanzbewegung gebraucht. ³) von tillern, d. h. eine hüpfende, zitternde Bewegung machen, und von Haut = Fuß. ⁴) flüſtern. ⁵) Tauben. ⁶) ſcherzen kindiſch. ⁷) kurren, von Tauben gebraucht. ⁸) Handſchuh.

Snitt stiw' Kumpelmenten¹ up knid'rige Bein;
Sei freut sid so gnedig un nimmt sei as ein
Unschülliges Kind
För bore Münt,²
Un weit doch all längst, dat dat Lügen sünd.

Un Eten un Drinken up Sülwer un Gold!
Dat Is is so frisch un de Win is so olt.
De Herr böhr³ den Beker: „Recht lang' so man noch!
Wat scher'n uns de Innern? Wir Dahler de Rogg!⁴
Dat Rappwater⁵ flütt,⁶
Ein Jeder drinkt mit,
Stött an mit den Rahwer,⁷ de neben em sitt.

De gruglichste⁸ Lüderjahn⁹ rings in de Mun'n,
De fischt den Herrn Paster dat Wurt ut den Mun'n,
As de in sin geistliches Füer un Fett
Up Kirchenbuß un up den Schandstaul gerött,¹⁰
Un drückt em de Hand:

¹) schneidet steife Complimente. ²) baare Münze.
³) hebt, erhebt. ⁴) D. h. 4 Thaler der Scheffel Roggen!
⁵) Rappswasser. Als durch glückliche Preise und glücklichen Bau des Rappses die Landleute reich geworden waren, floß der Champagner und wurde nach seiner eigentlichen Quelle „Rappwater“ genannt. ⁶) fließt.
⁷) Nachbar. ⁸) gräulichste. ⁹) etwa: Bruder Lieberlich.
¹⁰) geräth.

De Saß wir bewandt,¹
Dat heit för dat Volk, för den Dagelöhner-Stand.

Un't is so'n Behagen, un't is so'ne Lust!
Nah Speckseiten² smiten s' vergnüglich mit Wust,³
Dat smeichelt un lawt⁴ siß so drist in't Gesicht
Un kettelt⁵ un kraßt siß un rökert⁶ un lüggt.
Nu jät⁷ Du irst mi,
Denn nahst jät iß Di!
Doch plötzlich is't all mit de Lust vörbi. — —

En Flustern geiht den Saß entlang:
„Der Wirth, er lief so schnell hinaus —
Ist etwa Feuer in dem Haus? —
Was ist passiert? — Ist Jemand krank? — —
Ein Tagelöhner? — So! — Nu, Gott sei Dank!
Ich glaubt', es würd was Schlimmes sein. —
Ein Tagelöhner bloß. — Rein, nein!
Der nicht! — Eins von den Pferden,
Der Schimmelhengst hat Harnbeschwerden. —
Der Hengst? — Der Hengst? — Der Worsleyhall?

¹) zweckmäßig, praktikabel. ²) Speckseiten. ³) Wurst.
⁴) lobt. ⁵) figelt. ⁶) räuchert. ⁷) jude.

Ich würd' verrückt — parole d'honneur! —
Wenn ich so'n edles Thier verlör.“ —
Un 'ruter lopen s' nch den Stall
Un stahn un burn¹ un gewen Rath;
De Ein, de höllt de Snirt² parat,
Dat Vieharzneibauß bedt en Anner,
As wir't sin däglich Ler,³ utwennig;
De Drüdd,⁴ de slept de Decken 'ranner
Un deckt sei äwer⁵ eigenhännig.
De Herr, de röppt: „Wo's Zehann Schütt?
Dat glif hei nah 'n Doffter ritt
Un em vertellt, wat hir passirt!
Min schöne Hingst, min düres Diert!“⁶
Un de ell Daniel tritt heran:
„Bi Batter Brandten sitt Zehann.
Herr, dor's en gor tau grotes Leiden
Herr, id' will riden, wat id' kann,
Sall id' nich lewerst⁷ glif de Beiden,
Den Pird's un Minischendokter halen?“ —
„Hei deist, wat id' em hemw befahlen.
Marisch! Börwärts! Rasch! Wat lurt⁸ hei denn?“ —

¹) bebauern. ²) Spritze. ³) Section. ⁴) Dritte.
⁵) über. ⁶) Thier. ⁷) lieber. ⁸) lauert.

Un Daniel jögg¹ den Weg dorhen,
Ein wittes Hor spelt in den Wind,
Un düster liggt de Nacht herüm,
Un düster spreckt in em de Grimm:
„Sei segg'n jo, dat w' ol Minschen sünd,
Na, Gott sei Dank!
Noch bün 'd nich krank;
Doch kümmt mal eins an mi de Reih,
Denn wull 'd, id wir en leiwes Beih. —
Sei segg'n jo, dat w' ol Minschen sünd.
Id heww kein Regel un kein Kind;
Dat was mal eins 'ne ann're Tid,
Doch de liggt wid!“
Un stött de Spuren² in de Rippen
Un flustert äw're kleiken Lippen:
„Wenn blot kein Unglück mal geschüht!“

¹) jagt. ²) Sporen.

7.

De Dod.

All Batter Brand liggt up den Dod;
 In't Finster schint dat Morgenrod.
 De oft hett schint in Noth un Leid,
 De dunst'ge Lampenschin vergeiht,
 En nige Morgen brecht heran. —
 An't Finsterjams¹ lehnt still Zehann,
 Süht vör sich hen, wo an de Wand
 De bunten, roden Sünnenstrahlen
 Sich schämernd² mit de Schatten malen,
 Un soht sich mit de harte Hand
 Lauwilen äwer't fuchte Og,
 Wenn up Marië den Blick hei flog,
 De mit de Schört³ vör dat Gesicht
 Halw äwer't Bedd heräwer liggt.
 Ach, wo't ehr dörch de Glider flog

¹) Fenstergesimse. ²) schimmernd. ³) Schürze.

Von Schur'n, von deiße Hartensschur'n!¹
Wo ded de arme Dirn em durn! —

De Dör geiht up un lifing trett
All Daniel 'rin, geiht an dat Bedd
Un nimmt sin Käßpel² in de Hand
Un seggt mit bewerige³ Stimm:
„Gu'n Morgen, Korl! — Kennst mi noch, Brand?“
De Krank', de dreiht den Kopp herüm
Un süht em frömd in dat Gesicht,
Als wenn Ein künmt ut firnen Land
Un wedder nu taum irsten Mal
Sin Vaders Hus tau seihen kriggt:
Em is dat frömd un doch bekant,
Un tägernd⁴ steiht hei vör de Dör
Un weit nich, ob hei 'rinner fall;
Em künmt't so olt un knendlich⁵ vör,
Hei stunn vör schön're Hüser all.
Un süht ehr all in de Gesichter
Un süht de goldnen Morgenlichter,

¹) Herzensschauern. ²) dim. von Kappe. ³) zitternder. ⁴) zögernd. ⁵) wohl von Knie abzuleiten, also = kniehoch, kleinlich, erbärmlich; wird auch gebraucht in der Redensart „knendlich bidden“ = knieend sich bitten.

De dörch de düst're Kamber¹ teiln;²
 Dat hett het vödem³ All mal seihn,
 Un't ipr:ekt so leinlich em tau Sinn;
 Sei kihrt up Irden noch mal in
 Un seggt: „Mariken, böhr mi hörer,⁴
 Un rüdt mi au dat Fünster neger,⁵
 Ick will de Sinn noch einmal seihn.“
 Un as't nah sinen Wunsch gescheihn,
 Dunn deiht sin düster Dag sich hellen,
 Sei röppt heranner Daniellen
 Un fröggt so recht ut frie Post:
 „Hüt is woll wunnerichönes Weder?“
 „„Wi heww'n den irsten hellen Frost.““ —
 „So 'st recht! So 'st recht! — Hüt fall'n de Bläder.“⁶
 Up desen Dag heww ick so oft
 Tau Gott up minen Lager hofft.
 Wenn föllt dat Bladd, denn ward ick fri,
 Denn ward 'ck erlöst, jäd 'ck⁷ oft tau mi.“
 Un kückt sin Kind so leidig⁸ an:

¹) Kamber. ²) ziehen. ³) früher. ⁴) hebe mich höher. ⁵) näher; das „g“ ist des Hiatus wegen eingeschoben. ⁶) Blätter. ⁷) sagte ich. ⁸) leidig wird sowohl in activer als in passiver Bedeutung gebraucht und bedeutet Beides: „Mitleid fühlend“ und „Mitleid erregend“. Hier das Erstere.

„Kumm her, Marik, kumm neger 'ran!
Of Di, min Kind, ward lichter sin,
Wenn id nich mihr tau Last Di bün.“
„„Oh, Bader, ne!“ — „Id weit, id weit:
Du wirst min Kind, min true Magd;
Id weit mit Di all längst Bescheid,
Un wat Di drückt. Wes¹ nich verzagt!
Dedst Du of“ — „„Bader, all min
Leven!““
„Dedst Du von sinen Weg of wiken,²
Unj' Herrgott ward Di woll vergewen;
Wi seihn uns wedder, leiw Mariken!
Wein nich, min Kind! Folg³ mi de Hän'n,
As Du dat alle Abend dahn!
Is't of mit dese Sün'n tau Gn'n,
Uns ward 'ne anner Sün'n upgahn.“
Un rod von Weinen un von Scham
Giwwt f' em de lahmen Hän'n tausam. —

De Bader bedt för't Kind so heit,
Un still is't binnen, still is't buten,⁴

¹) sei. ²) thatest Du auch weichen, d. h. wichest
Du auch. ³) folgte. ⁴) innen und außen.

En Engel döörch de Kamer geiht,
Un Gottes Og kückt döörch de Ruten¹
Un gütt² sin Licht in vulle Flaath,
Un warnt dat Hart tau nigen Maud.
De Bader bedt so heit för't Kind,
Bon'n Hewen weiht de Morgenwind,
De Sünndags-Kirchensfloeden klingen
Bon't Kirchdörp säut un lising her,
De fünd't, de em de Antwurt bringen.
Un bi Marië föllt dal Zehann
Un fleiht den Arm so tru üm ehr
Un treckt sei an sin Hart heran.
Em is't, as wenn tau dese Stun'n
De Seelennacht, de em bedrückt,
Dör Sünnejschin un Klingen wißt,
As hadd hei sich nu wedder fun'n,
As wenn nah düst're Winternacht
In Frühjohrsluft und Frühjohrspracht
Sin Hart in em tau bläuen fung,
Unschüllig rein un froh taumal,

¹) Fenster Scheiben; von „Raute“. Deshalb im
Kartenspiel = Carreau. ²) aickt.

As wenn hei noch taum Beden¹ gung
Un firt² dat irste Abendmahl.
Un up sin gelen³ Loften lag
So licht un flor de junge Dag,
Un jelig lücht sin Dg dorin
As Hoffnungschein un Morgensün. —

Oh Bader Brand halt deiper Athen,
Un't was, as wenn iim sine Dgen
Sich düst're all de Schatten togen:
„Du wardst de Beiden nich verlaten,“
Seggt hei mit Mäuh tau Daniellen.
„Wi Beiden wiren Spelgesellen,
Du wirst min Gründ un blewst⁴ min Gründ.
Des' Beiden dauh 't up't Hart Di leggen;
Wenn i' nich up rechten Wegen sünd,
Denn fallst Du ehr den rechten seggen.
Willst Du dat dauhn?“ — „Ja, Korl, id' will.“⁵
Un wedder is dat ringsüm still,
De franke Bost blot räfelt⁶ holl⁶

¹) „taum Beden (Beten) gahn“, auch „taum Preister-
gahn“ wird vorzugsweise für „zum Confirmations-
unterricht gehen“ gebraucht. ²) feierte. ³) gelben.
⁴) bliebst. ⁵) räfelt. ⁶) hohl.

Un immer düst're ward sin Dg;
Sin Daniel böhrd den Kopp em hoch,
Un swach un swächer ward de Dll,
Doch plötzlich nimmt hei sich tausamen,
As wir'n em nige Kräfte kamen,
Un seggt: „Bald is't mit mi geschehn;
Ick kaun min Kinner nich mihr sehn;
Doch ihre¹ mi de Dgen breken,
Kamt neger 'ran,
Marik, Zehann!
Ick will dat letzte Wurd nu sprekten:
Zug einzigst Armdeil² is de Rod,
Zug einzigst Lohn dat däglich Brod;
De Arbeit is Zug einzigst Freud,
Si sid Zug einzigst Dgenweid;
De heilig Schrift is, richtig lesen,
Hir un'n Zug einzigst Stütt un Staww,³
Un wenn Si nah ehr Börschrift wesen,
Denn is Zug einzigst Trost dat Graww.
Känt Si nich an Zug sülvst Zug freu'n,
Nich Dag för Dag mit Armand⁴ ringen,

¹) eher, bevor. ²) Erbtheil. ³) Stütze und Stab.
⁴) Armuth.

Ahn¹ Afgunſt,² Macht un Riſdaum ſeihn,
 Känt Zi dat troß'ge Hart nich dvingen,³
 Rich jede Arbeit ſtill verrichten
 Ahn Wedderwürd'⁴ un böß' Gedanken
 För jeden Herrn, ol' för den ſlichten:
 Känt Zi nich jeden Abend danken
 Uprichtig vör Zug ſures Brod,
 Denn wir't am Beſten, Zi wir't dod,
 Un dat Zi legt an mine Städ'.⁵
 Un ſwacher würd hei, as hei't ſäd,
 Un höger geiht de franke Poſt,
 Mit Müüh noch kann hei Aſthen halen:
 Dörch ſine Glider tüht⁶ en Froſt,
 De legt von alle Irdenqualen;
 Un flüſtert: „Wull Zug woll noch ſegen,⁶
 Kann blot min lahmen Hän'n nich rögen.“⁷
 Un Daniel löſt de beden⁸ Hän'n
 Un höllt ſin lahmen Arm in En'n,⁹

¹) ohne. ²) Abgunſt, Meid. ³) zwingen. ⁴) Wider-
 worte. ⁵) zieht. ⁶) ſegnen. ⁷) rühren. ⁸) ſtatt beden-
 den = betenden. — Dieſe abgekürzte Form des Par-
 ticipis iſt, wenigſtens in der Gegend des Verfaſſers, ſehr
 gebräuchlich. Man ſagt z. B. lopen Trin, ſchriin Gör zc.
 für: laufende Trine, ſchreiendes Kind zc. ⁹) in's Ende
 d. h. in die Höhe

Un lud un düttlich seggt de Dll:
„Went woll, leiw Kinnings, lewt recht woll!
Un immer gaht up Gottes Wegen!
Gaht an de Arbeit, an de Noth
Mit Maud un Tauversicht! De Dob,
De bringt den Aufst¹ un Gottes Segen.
Holst ut! Holst ut!“ — Un jact taurügg,²
As wenn hei wir von Arbeit mäud. —

Woll gahn de Kirchenfloeden jäut,
Dat slaten Uhr³ vernimmt sei nich;
Woll fühl de leuwe Gottesjünn
So hell in't braken⁴ Dg herin;
Dat Glas is trüw, de Spiegel blind.
Woll drückt sin Hand dat arme Kind,
Woll smitt s' sich weinend an sin Liew,⁵
Woll fött sei em so heit un warm
Un drückt em jammernd in de Arm,
Ein Hart is still, sin Hand is stiw;
Un ein Gedank, ein Bangen föllt,
So kolt as Is, so swer as Stein,
In ehr Gemäuth: sei steiht allein,

¹) Ernte. ²) sinkt zurück. ³) geschlossene Uhr. ⁴) gebrochene. ⁵) Leib.

Allein, allein in wide Welt.
Wat of Jehann ehr seggt un deiht,
Dat tru heiümmer bi ehr steiht;
Wat of de olle Daniel tröst't
Un in sin frame Insoht seggt:
Sei kunn s'ick freu'n, hei wir erlöst,
Hadd alle Sorgen von s'ick leggt;
Hei wir üm ehr tau jede Stun'n
Un seg¹ von'n Himmel up ehr 'run
Un würd in Leiden un in Freuden
Sin Rinner woll in Gott behänden;²
Sei hört dat blot mit halwen Uhren,
Ehr is't, as wir sei noch en Kind
Un hadd bi Regen, Nacht un Wind
S'ick in en düstern Holt verluren,
As wüßt sei nich, wohen un her,
As kem en Grugel³ äwer ehr.
Un as de Beiden Afssheid namen,
Dunn sackt sei still in s'ick tausamen:
Ach, wer s' doch läd⁴
Un sine Städ'!⁵ —

¹) sähe. ²) behüten. ³) Grauel, Grauen. ⁴) legte.
⁵) Statt, Stelle.

Sei 's still; de Nahwerfjugens¹ kamen
 Un gahn tau Hand mit Rast un Dast,
 De Discher künmt un nimmt de Mat²
 Un süht dat beten Armaud an
 Un fröggt nah't Sarg. Sei antwurt't lij':
 „So wollfeil as't man wesen kann.“
 Un as de Abend 'rupper tüht,³
 Dunn sitt sei noch nah olle Wiß
 Bit Bedd an ehres Vaders Sid.
 Oll Toppelsch bringt de Lamp herin
 Un seggt: „Nu legg Di dal,⁴ Mariß,
 Sack will nu wachten⁵ bi de Lit.“ —
 „„Ne, Nahwersch, ne! Ne, lat S' mi sin!““⁶
 Un dörch ehr Glider schuddert⁷ Frost,
 Un üm ehr fleiht de Fru en Daut
 Un up den Doden sine Bost
 Dor leggt j' en oll vergräpen Bauf,⁸
 Purr⁹ noch tau Höcht den Lampendacht
 Un schüdd't den Kopp un seggt: „Gu'n Nacht!“
 Mariken dankt, un swer Gedanken,

¹) Nachbarsfrauen. ²) das Maas. ³) zieht. ⁴) nieder.
⁵) wachen, Wache halten. ⁶) lasse Sie mich sein, d. h. wie
 ich bin, ungestört. ⁷) schauern ⁸) vergriffenes Buch
 (nämlich Gesangbuch). ⁹) stochert.

De treden ehr dörch Hart un Sinn;
Wat sei of bed't, sei will'n nich wanken.
Ach, wer de Taufkunft weiten kinn!
In ehr is so en wild Gewähl,
Dat drängt sich düster dörch ehr Hart,
Un flor is blot dat ein Gefühl,
Dat gröter Unglück kamen ward. —
Un driste Tritten kamen 'ran;
De Dör geiht up, dat is Jehann.
Hei set't sich dal, ahn wat tau seggen,
Un deiht ehr Hand in sine leggen.
Hei hett de Truer äwerwun'n
Un denkt mit Freuden dräwer nah,
Dat hei nu äwer Dag un Stun'n
Kann treden nah Amerika.
Den lezten Rigel vör sin Glück
Den schow¹ hüt morrn de Dod taurügg.
Doch as hei s' dormit trösten will
Un tau ehr von de Taufkunft redt,
An wo dat herrlich worden süll,
Dunn gü't² ehr frostig dörch de Ader,
As würd dat Hart tausamen snert,³

¹) schow. ²) gießt. ³) geschnürt.

As wir't 'ne Sün'n¹ an ehren Vader,
As wir't 'ne Sün'n in ehre Lag',
In nige Hoffnung furt tau lewen,
As wir't 'ne Sün'n, an bet're Dag',
Noch mal an Freud un Glück tau glöwen.
Wat hei ol seggt von't schön're Land,
Ehr schuddert kolt, as wenn ehr grut,
Un treckt ehr Hand ut sine 'rut
Un fött² de kolle Dodenhand.

¹) Sünde. ²) faßt.

De Mord.

Du Brand is in sin Sarg 'rin leggt;
 Dor liggt hei still; kein Gramwred seggt,
 Wat hei all ded un led¹ hir un'n;
 Hett sich 't entfeggt² un hett't verwun'n,
 Hett still un sacht sin Lewen slaten;
 Sin Wirken hett kein Spuren laten,
 As't Abendrod is hei verschwun'n.
 Kein Fründschaft³ folgt em achter her —
 Den Herrn sin Arbeit, de geiht vör —
 Kein Nahwer dröggt⁴ sin arme Lix,⁵
 Jehann un Daniel, de dragen
 Den Näjendbrüder⁶ an den Wagen,
 Sin einzigst Folg' is sin Mariß,

¹) that und litt. ²) wörtlich = hat sich 's entfagt.
 Allgemein gebräuchliche Redensart für „sterben“.
³) Freundschaft wird vorzugsweise für „Verwandte“
 gebraucht. ⁴) trägt. ⁵) Leiche, auch für Sarg. ⁶) Volks-
 ausdruck für einen Sarg mit plattem Deckel, wie er
 für ganz arme Leute im Gebrauche ist.

Ehr Süßgen is sin Lifenjang.
Den harten, jcornen¹ Weg entlang
Nah't Kirchdöörp rummelt furt de Rist;
Kein Preister segent sine Rüst;²
Jehann un Daniel, de laten
Dat Sarg herinner in dat Graww,
De Schüpp³ tau Hand! — De Gruft is slaten,
Du Daniel nimmt den Haut heraf
Un höllt' em vör sin irnst Gesicht
Un bedt vör den'n, de unnen liggt,
En Vaterunß⁴ ut deipe Bost.⁵ —
De irste Snei in desen Johr
Sack⁶ liß herunner up den Frost,
Up't frische Graww, in't mitte Hor,
Un dusend stille Faden wewen
Sick twischen Erd un twischen Hemen
Tau'n⁷ fierliches Lifenkled,
Dat wickelt sick um Allens 'rim,
Um't kolde Graww, um't warme Leven.
Un in Marik, dor spreckt 'ne Stimm:
„Wat drückt Di so Din grotes Led?

¹) gefrorenen. ²) Sarg. ³) Schaufel. ⁴) Vater-
unser. ⁵) aus tiefer Brust. ⁶) sinkt. ⁷) zu einem.

Wat klagst un truerst Du, Marië?
Dör Gott is Dod un Lewen glif;
Hei deekt up't Lewen blaffen Dod
Un weckt ut Nacht dat Morgenrod,
Wer in em lewt, de nich verdarwt,¹
Un lewen deiht, de in em starwt.
Hei leggt de Erd in't Dodenkled²
Un weckt sei up tau Frühjohrslewen;
Un leggt hei up Di sweres Led,
Ward hei Di ok en Frühjohr gewen,
Wo männig³ Blaum Di wedder washt,⁴
Un wo Din Hart kann wedder gräunen,
Still' Dine Klag' un lat dat Weinen!
Sei treckt den dünnen Daut sich fast
Um Arm un Bost, as wir s' entschlaten,⁵
Smitt einen Blick noch up dat Graww,
Drögt⁶ sich de lechten Thranen af;
Du Daniel friggst ehr Hand tau faten;
So geiht sei t'rügg, in'n Harten Mand
För't Unglück, wat tau kamen drauht.⁷ —

¹) verbirbt. ²) Todtenkled. ³) manche. ⁴) wächst.
⁵) entschlossen. ⁶) trocknet. ⁷) droht.

Jehann fñhrt fachten achter her,
In em fprecht't anners, as in ehr;
Unrauhig jagt ein Plan den annern:
Hei kann nu treden,¹ kann nu wannern
Fri äwer See un äwer Land;
Sid dem, dat dod is Batter Brand,
Is em de Welt nich mihr verflaten;
Hei kann nu kunn'gen,² wenn hei will,
De Herr, de möt em treden laten,
Un wenn hei em wat seggen füll,
Denn bliwot hei em kein Antwort schüllig
Hei is nu fri, so gaud as fri,
Un ut is nu de Schinneri,³
Hei dröggt f' nu nich mihr so gedüllig, —
Un as hei nah den Hof 'ran künmt,
Dunn föllt em all dat Unrecht in,
Ein Grull, de stiggt un grunjt⁴ un grimmt
Em dörrch dat Hart un dörrch den Sinn:
„Ja“, seggt hei, „ja, wi sünd ehr Clawen,
Sei sünd de Herrn, wi sünd dat Schund.

¹) ziehen. ²) kündigen. ³) Schinderei. ⁴) grunzen, vielleicht ursprünglich = dem hochdeutschen „grunzen“. Es wird jetzt aber nur von verbissenem Ärger und Groll gebraucht. B. B. „dat grunjt em“ = „das verbrießt ihn“.

Den ollen Mann so tau begraven,
Nich as en Christ, ne, as en Hund!
Den Dokter nich mal halen laten!
Ja, wenn w' so Mähren wejen deden!¹
Un friggt in Grull de Pitsch tau saten
Un haut ingrimmig mang² de Mähren,
As müßt hei't de entgellen laten.
De gahn tau Höcht un riten an.
Hei törnt³ un höllt sei, wat hei kann,
Doch dat's vergew⁴, de Täg⁵ ritt,
De Hingst geiht dörch, de anner mit;
Un up den Hof jagt 'rup de Wag',
De Ledder⁶ flüggt, de Unnerlag!⁷
Noch sitt Zehann, — nu liggt hei un'n,
Den Täg⁵ üm de Hand 'rüm wun'n,
So slept⁸ hei nah. De Mähren gahn,
Bet f' vör den Stall von fültwen stahn. —
Du Daniel löppt un folgt den Wagen,
So fix de ollen Knaken dragen.
Gott loww! Kein Unglück is geßeihn.

¹) wären. ²) zwischen. ³) hält auf, bündigt.
⁴) vergebens. ⁵) Bügel. ⁶) Leiter. ⁷) Unterlage. So
wird das Brett genannt, welches den Boden eines Bau-
agens bildet. ⁸) schleift.

Dat Beih riwrslagt,¹ doch is't gesund.
Zehan'n geiht Bland ut Räs' un Mund,
Doch heil sünd em noch Arm un Bein.
„Zehann, heft Di of Schaden dahn?“ —
„„Ne, ne!““ Un ledd't² de Mähren 'rinner
Un fött de Forf:³ „„Entfahnte⁴ Schinner!““
Un fängt dor an up los tau slahn.
„Schäm Di,“ seggt Daniel, „dat tau dauhn!
Wo kannst en Beih so glupfschen⁵ hau'n?“
Un will den Arm taurügg em holl'n.
Hei ritt sich los un stött den D'n,
Dat in de Eck hei 'rinner flüggt.
De Herr tritt in den Stall un seggt:
„All wedder?“⁶ Dunn all bi dat Fier!
Heww id' hir Jung's bi mine Pird'?“
„„Als Jung ded id' mi nich vermeiden,⁷
Id' bün tau oft, üm Swin tau händen.““
„Halunk! So'n Antwurt giwvst Du mi?“
„„Ja, Minschen'schinner, so'n för Di!““
De Herr, de sleiht in vuller Wuth

¹) schlägt mit den Rippen, leucht. ²) leitet.
³) Gabel, hier Dunggabel. ⁴) infamer. ⁵) plump, unge-
schickt, geradezu. ⁶) schon wieder. ⁷) vermicthet.

En mit de Ridpitich¹ in't Gesicht.
 Du Daniel springt dormang² un schriggt:
 „Zehann, Zehann, holl ut! holl ut!“
 Vergewß! Lau späd! — En mächt'gen Stot!³
 Hoch halt hei ut, de Fork, de flüggt,
 Un mit de Meßfork stödd⁴ hei'n dod. —
 „Herr Gott! Herr Gott!“ Du Daniel smitt
 Sieß up den Herrn un deißt⁵ un ritt
 Den Rock em un de Kleider apen;⁶
 En roden Strahl flüßt ut de Bost:
 „Oh, Satan, Du heßt gruglich drayen!“⁷ —
 Zehann lehnt an den Stänner-Post;⁸
 Vöräwerbögt⁹ mit halwen Lin,
 Steiht hei so starr, as wir hei stiw;
 Un ümmer gröter, ümmer stierer
 Stahn em de Dgen ut den Kopp;
 So aschenbleiß kistt hei, as ob
 De Stot em süßwen dröp,¹⁰ as wir 'e

¹) Reitpeitsche. ²) dazwischen. ³) Stoß. ⁴) stößt.
⁵) thut, zur Bezeichnung des hastigen, eifrigen Bemühens.
⁶) offen. ⁷) getroffen. ⁸) Ständer-Posten. Stand ist der
 für einzelne Pferde oder ganze Gespanne durch Bretter
 oder Bäume abgetheilte Raum. ⁹) vorüber gebeugt.
¹⁰) traf.

Dodslagen fülwist, un nich de Mürder.
De Pitschenstrim un rode Schrammen,
De liggen up de bleike Stirn
Un lüchten up in bläud'ge Flammen,
As wenn dat Rainssteifen¹ wir'n. —
Oll Daniel hent siß von de Lif:
„Oh Gott, Zehann! Oh Gott, Marik!“
Un as hei em tau seihen frigg,
Em 'rinner süht in't bleiß Gesicht,
Dunn tummelt² 'ran hei an de Wand,
Dunn worden swaß de ollen Bein,
So'n Anblick hett hei noch nich seihn,
Un höllt siß vör't Gesicht de Hand:
„Unselig Minsch, wat heft Du dahn?
En Murd, en Murd heft Du begahn,
En Murd, de 'rup taum Himmel schriggt!“
Un süht em wedder in't Gesicht.
Un't is, as wenn hei em noch duet,³
Stött siß en Hart un stött em an:
„Hörst Du denn nich? Zehann, Zehann!
Oh, Unglückskind, furt! Mit Di furt!“
Un stött em, röppt⁴ em in de Uhren:

¹) Rainszeichen. ²) taumelt. ³) dauert. ⁴) ruft.

„Minsch, Minsch! Wat furt, jüs büst verluren!“
Un in Jehan'n kümmt wedder Athen,
Hei deiht as blind herümmer faten,
Un fiakt nah dit un fiakt nah dat
Un grippt¹ herüm un weit nich wat,
Un Hand un Og geiht fürchterlich,
Un tast² nah hin'n un tast nah vör
Un tummelt von de Eiß taurügg —
En grugliches Handtiren was't —
Un will heruter ut de Dör,
Un Daniel höllt em noch mal fast
Un röppt em tau: „De hollen Eiken!“³ —
De swarte See! — Dor will 't Di janken.“⁴
„Ja,“ seggt hei, „ja!“ mit hast'ge Stimm,
So holl, as kem s' all ut de Gruft.
Un as hei kümmt in frijche Luft,
Dunn dreiht siÄ Mens mit em 'rüm.
Hei föllt, — hei rappelt⁵ siÄ tau Höh:
„De holle Eiß, de swarte See!“
Dat is sin einzigste Gedank.

¹) greift. ²) tastet. ³) Die hohlen Eichen.
⁴) suchen. ⁵) rafft, rappeln; hat sonst auch noch oie
Bedeutung = gestört sein.

De Steinnur löppt hei nu entlang:

„De holle Eif, de swarte See!“

Un 'räwer set't hei as en Reh.

Ru is hei weg! Ru, Gott sei Dank! —

Un all de Lüüd',¹ de Döschers² all,

De drängen sich nu in den Stall:

„Wat is 'e³ los? Wat is geschehn? —

Wer deb de Daht? — Wer hett dat seihn;

En Unglück is't, doch is't em recht! —

Wer hett de Hand hir an em leggt?“ —

Un ahn dat Einer dorvon weit,

En Flustern dörch de Minichen geiht:

„Jehann, de was't, de kann't man fin.“

Un de Inspekter⁴ stört't⁵ herin:

„„Wat staht Zi hir as in den Drom?

Den Hingst herut! Un 'rup den Tom!⁶

Dor löppt de Mürder dörch den Snet.

Hallunk, dat Di Din Recht gescheih!

An'n Galgen is Din richtig Plaz!“ —

De Hand up't Krüz!⁷ En mächt'gen Satz!

¹) Leute. ²) Dreischer. ³) da. ⁴) Inspector, Gutsw
verwalter. ⁵) stürzt. ⁶) Baum. ⁷) Kreuz, Krupe.

Halloh! Halloh! Los geht de Satz! —
 Wo brust hei dörch dat apne¹ Dur,
 Wo fust hei äw're² hoge Mur!
 Wo flüggt de Hingst, wo flüggt de Mäh'n!
 Wo flüggt hei äw're witte Plän!³ —
 Du Daniel wringt⁴ sin ollen Hän'n:
 „Herr Gott, Herr Gott, Du kannst dat wen'n!⁵ —
 Zä bed un bed, weit nich för wen —
 En Mürder is't, doch as min Söhn —
 Nu friggst hei'n fat't,⁶ nu kümmt hei 'ran —
 Linksch nah de Bäck⁷ herun, Zehann!
 Dor nich! Dor nich! Bet wider t'rügg!
 Dor höllt dat dünne Zä noch nich! —
 Hei's 'räwer,⁸ richtig 'räwer kamen.
 Nu nimm Din lehten Kräft tausamen!
 Bet⁹ rechtich! Bet nah de Schonung 'ranner! —
 'Rin nah den Holt!¹⁰ — Nu is hei 'riu. — —
 Ach, leiwer Gott un nu de Anner!“
 Dat griße Hor tau Barg em stünn,
 Hei wringt un böhrt de ollen Hän'n:

¹) offne. ²) über die. ³) Plan, Fläche. ⁴) ringt.
⁵) wenden. ⁶) gesagt. ⁷) Bach. ⁸) herüber. ⁹) bis,
 mehr. ¹⁰) Gehölz.

„Herr Gott, Herr Gott! Wo¹ jall dit en'n?
Herr Gott, hei ward jo dat nich iragen?
Dat Auwer² is jo vel tau steil,
Hei schütt³ siß af jo G'rick un Kragen,
Behöllt jo keinen Knaken heil!
Hei set't heran, hei magt den Sprung —
De Hingst, de böhmt, de Hingst, de stiggt —
Ein Unglück is för hüt genug!“
Hei höllt de Hän'n för dat Gesicht,
Hei kann dat Unglück nich anseihn,
Hei söllt taurügg up einen Stein
Un jactt dor swack in siß tauhopen,⁴
Ein Glider an tau bewern⁵ füng'n,
Un all de Minjschen rön'n⁶ un lopen,
Un as de Hingst in wille Sprüng'n
Ahn Rüter⁷ em vöräwer jußt,
Zs em so krank, em friert un grußt:
„Oh, Herr, oh, lat mi den Verstand!
Wi stahn jo All in Dine Hand,
Wi stahn jo All in Dinen Rath;

¹) wie. ²) eigentlich wie hier = Ufer, sonst aber auch für jede mäßige Bodenerhebung, Hügel, gebraucht.
³) schießt. ⁴) zusammen. ⁵) zittern. ⁶) rennen. ⁷) ohne Reiter.

Doch so en Dod un so'ne Daht! —
Du weist, oh Herr, hei was nich slicht,
Oh, gah mit em nich in't Gericht,
Straf nich tau hart, wat hei verbraken!
Ick was mal just, as hei, gesinnt" —
Un't schüdd't em dörch de ollen Knaken —
„Mit mi hadd't just so warden künnt!“ —

De Fluch.

Den Herrn sin Lif is 'rinner dragen
 Un up sin Bedd herupper leggt,
 Un den Inspekter hal'n de Knecht
 Half schunnen¹ 'rup un half terflagen.
 „Gottloww! Hei lewt,“ seggt Daniel;
 „Nu, Friedrich, nah den Dokter schnell!
 Ach Gott, ich möt nu nah Marik!“ —

De Dokter kümmt, bejüht de Lif
 Un schüdd't den Kopp, mit irnst Gesicht
 Leggt still de Hän'n hei in den Schot!
 „„Hir is kein Hülp,““ seggt hei, „„de's dod.““ —
 De Herren kamen von't Gericht
 Un fragen 'rümmer früz un quer,
 Wo dat jo keni, wo't wesen ded;

¹) geschunden.

Un as sei't gründlich unnersöcht¹
Un tau Papir of Allens bröcht,
Dunn seggt de Ein: „Hier's nichts zu machen;
Beschlagnam bloß legen anf die Sachen.“
Dit hemw'n sei richtig 'ruter klügelt.
Zehan'n sin Lad,² de ward besigelt
Un unner Glott un Rigel leggt.
Dill Daniel süht't mit an un seggt:
„Ach Gott,“ seggt hei, „wat hei sich sport³
Tau sine Reij' un Awerfohrt,⁴
Un all de Lust, de hei entsjäd,⁵
Wenn hei den Schilling 'rinner läd
Un sich asknappen ded en Beten,
Dat hett de einzigst Dacht nu freten.⁶
Ach, woll is't trurig in de Welt;
Gott weit, ich tru'r nich üm dat Geld.
Ne, ne! De Angst! — Wat is hei morrn?
Hüt is min Sähn en Mürder word'n,
Un de so tru mi was un leiw,
Is morrn en Röver⁷ oder Deiw.⁸

¹) untersucht. ²) Lade, Koffer. ³) gespart. ⁴) Überfahrt (nach Amerika). ⁵) entsagte. ⁶) gefressen. ⁷) Räuber. ⁸) Dieb.

Wohen bringt nich de bitt're Noth!
Gott gew, id' künn Di dorför wohen!"¹ —

Un as nu deiht de Abend kamen,
Dunn söcht sin Beten hei tausamen,
Wat hei siß ded tausamen sporen,
Un allens, wat hei kann man finnen,
Dat halt hei 'rut, verwohrt dat tru;
En por Pund Wull,² en Bolten³ Linnen,
Dat bringt hei nah de Möllerfru:
„Gu'n Abend oß, Fru Rosenhagen.
Id' hemw en Bolten Lin'n noch fuu'n —
Mariken het't tau sin mi spun'n,⁴
Dat is man Schad för mi tau dragen —
Nu kam id' her un wull man fragen,
Ob Sei't mi nich afföpen müggten.“ —
„Ach, Daniel, wat lünd't för Geschichten!
Jehann, so'n braven Minschen füs!⁵
Mi is't, as wenn't nich mäglich is.“ —
„Wat helpt dat All, wat helpt dat Klagen!

¹) bewahren. ²) Woll. ³) Wolzen, ist früher gewiß ein bestimmtes Maß für Leinwand gewesen; jetzt gebraucht man den Ausdruck für jedes größere Stück zusammengerollter Leinwand. ⁴) gesponnen. ⁵) sonst.

Wo is't mit't Lin'n, Fru Rojenhagen?"

„Je so, dat Lin'n? — — Un denn Marië

Ach Gott, iß lep herümmer glif;

Verfir¹ Di nich, säd iß, hei wir't,

Hei ded de Daht! — Dat Gott erbarm!

Sei sel verlangs² mi in den Arm,

So dägern³ hadd f' siß doch versirt.“ —

„Ja, ja! För de 's't en Jammerlewen.

Wat will'n Sei för dat Lin'n denn gewen?" —

„Worum denn äwer hüt of grad?“ —

„Iß kramt hüt up⁴ in mine Lad',

Dunn sel't⁵ mi in de Hand herin,

Dunn dacht iß, dat künn möglich sin,

Dat Sei den Bolten löpen wull'n.“ —

„Dat hadd doch äwer Tid ket mornn,“

Un kickt em spitß in dat Gesicht.

„Je, iß heww bi den Schanster Schull'n,

Un de is all so dringlich word'n,

Un denn — un denn — un nahsten friggt...“ —

„Un will de Lüüd' doch nich bedreigen.⁶

Na, Daniel, lat Hei't nu man sin,

¹) erschrecke. ²) der Länge nach, Adv. ³) heftig.
sehr, Adv. ⁴) räumte auf. ⁵) fiel es. ⁶) betrügen.

Wes¹ ward'n nich sahrig² mit dat Reigen."³

Un geiht nah ehre Kamer 'rin

Un halt en lütten Kasten 'rut:

„Wat is nich weit, makt mi nich heit. —

Oh, ja! Dat Lin'n süht wonah⁴ ut;

Min is't, so as't dor liggen deiht."⁵

Un grippt nah ehren Kasten 'rin

Un leggt en Hümpel⁶ Dalers hen:

„Dit is de Pris! So ward't woll fin!"⁷

„Oh ne, oh ne! Fru Rosenhagen,

Dit is binah so so, as wenn . . ."

„Ich ok will mine Schuld afdragen."⁸

Un as f' ehr Züingschen ward gewohr,

Dunn strickt f' em glatt dat gele⁹ Hor,

Un Thranen in ehr Ogen stün'n:

„Ach, dat min selig Mann ded lewen!

Wat kann 'ne arme Wittfru gewen?"⁹

¹) Welche, Einige. ²) fertig. ³) Lügen. ⁴) wonach, nach etwas (Gutem). ⁵) Hausen. Dasselbe bedeutet auch „Hoop". Beide werden jetzt ziemlich gleich gebraucht, obgleich vielleicht noch ein Unterschied festzustellen wäre; etwa so, daß „Hümpel" mehr von ordnungslosen, nicht zusammenhängenden oder zusammengehörenden Dingen, „Hoop" von absichtlich oder zufällig geordneten homogenen Dingen gebraucht wird. ⁹) gelbe.

Un grippt noch mal in't Geld herin'n:
 „Nu nem Sei't, Daniel. — So. Nu gahr 'e¹
 Dit lekt dat künmt von sinen Wahre.“
 „Ick dauh't, ick nem't, Fru Rosenhagen,
 Doch eine Bed² hennw ick woll noch:
 De arme Dirn! — Oh, dauhn Sei't doch!
 Un bliwen S' bi ehr dese Nacht.
 Ick höll³ bi ehr woll fülwen Macht,
 Doch äwerst äwerst“ — „Ja,
 ja! 't is gaud!
 Verlat Sei siß dorup, ick dauh't.“ — —

Oh Daniel geiht. De Nacht tüht 'rup,
 Ganz lising geiht de Stalldör up.
 De Mahnschin liggt up't witte Feld,
 Unschüllig rauht de stille Welt,
 De Snei, de liggt so klar un rein,
 Als wir meindag⁴ kein Murd gescheihn;

¹) eigentlich: gah Sei = geh er. Das „r“ ist hier des Hiatus wegen eingeschoben. Nach des Verfassers Wissen geschieht dies nur bei wenigen Imperativen, dort aber immer. ²) Bitte. ³) hielt. ⁴) auch allmeindag, Adv., eigentlich = meine Tage, alle meine Tage, d. h. immer. Mit einer Verneinung wird es zu „nimmer“, wie z. B. hier.

Als wir de Ird 'ne Königsliß,
 Bon so'n König, de in'n Lewen
 An Ihren wir un Dugend rif;
 Als wenn an'n düstern Winterhewen¹
 Bon unjern Herrgott alle Stirn²
 Ansticht tau ehr Begräfnis wir'n. —
 Oll Daniel is't, de 'ruter slißt;³
 Un as hei deit um't Beihhus⁴ bögen⁵
 Un dor de stille, heilge Nacht
 In't ew'ge Og herinner kicht,
 Dunn was't, as wenn em Stimmen frögen:
 „Sest Du Di't of woll recht bedacht?
 Wat slißt Du heimlich dörch de Nacht?
 Büßt Du of woll up Gottes Wegen?“
 „„Min Weg,““ seggt hei, „„geiht in den Herrn;
 Ic will kein zeitlich Unglück wen'n,⁶
 Ic will en ewig Armdeil⁷ redd'n.⁸
 Un wenn 't up slichten Wegen bün,
 Denn Herr, denn steck mi hir min En'n.““
 Un in em saden alle Stirn
 Un worden tau 'ne grote Sünne:

¹) Winterhimmel. ²) Sterne. ³) schleicht. ⁴) Vieh-
 haus; wird ausschließlich für den Rinderstall gebraucht.
⁵) biegen. ⁶) wenden. ⁷) Erbtheil. ⁸) retten.

„Min arm Zehann! Min arme Dirn!“
Wenn üm, em 'rüm de Nacht of lagg,
In em is't flor, is't heilig¹ Dag;
Is't of en trurigen Besäuf,
Un maht hei em dat Hart of krank,
Frisch geiht hei sinen Weg entlang:
„De swarte See, de holle Eit,
Dor is dat Flag,² dor sinn 'd Zehannen!“
So geiht hei 'rinner in de Dannen.³

In't düst're Dannenhor,⁴ dor liggt
De witte Snei so wiß⁵ un swer,
Un mit sin ungewisses Licht
Leggt siß de Manschin d'räwer her;
Un dörch de swarten Büsche sliedt
So'n Flämmern⁶ un so'n Schämmern⁷ siß,
As wenn wat üm de Stämmen fiedt,
Bald huscht dat vör, bald huscht't taurügg,
Bald danzt dat up den Manschinstrahl,
Bald duckt't siß unn're Schatten dal
Un krawwelt lif' dörch Snei un Musch⁸

¹) heller. ²) Fled, Stelle. ³) Dannen. ⁴) Dannen-
haar (-Nadeln). ⁵) hier etwa: fest. ⁶) Flimmern.
⁷) Schimmern. ⁸) Moos.

Kein Hülzung.

Un ruffelt döörch den kahlen Busch,
Un allerhand Unwesen späuken
In Ellerwrit¹ un knorrig² Eiken.
So heimlich All'n's! Blot ut de Firn
Kann Ein den Schuhut³ raupen⁴ hör'n,
Dat schallt so schurig döörch de Nacht;
Oll Daniel höört⁵ de ollen Bein;
Em is't, as wenn wat üm em lacht,
As wenn noch Ein
Em folgen deiht
Un in sin eigen Tritten geiht.
Un wenn de Snei un Bläder ruscheln,
Denn hört hei't tuscheln,
As wenn 'ne Stimm em heimlich rep:
„Dat Water, wo de Her versöp,⁶
Dat lad't noch Männigein⁷ tau Gast;
De holle Eik hett männ'gen Knast,⁸
Dor kann noch männig Mürder hängen!“

¹) Eller = Else. „Writ“ und Verbum „writen“ wird von jedem sich vorstig ausbreitenden Gewächse gebraucht. ²) von Knorn = Knoten im Holze. ³) Uhu. ⁴) rufen. ⁵) hebt. ⁶) ersoff, ertrank. ⁷) Manchen. ⁸) Knast ist fast gleichbedeutend mit Knorn, wenigstens häufig; es bedeutet aber auch einen vorstehenden trocknen Ast.

Wo deist de gruglich Angst em drängen!
Wo jöggt em dat dörch Holt un Nacht!
As jög em nah de wille Jagd,
So drinwt't em furt
Hen nah den Ur.¹
Dor steiht hei still, vöräwer bögt,²
Un horft un lurt,
Ob siß wat rögt?
Richt nah de Telgen³ in de Höh,
Richt 'rupper up den witten See;
Dat Hart steiht still, de Athen swiggt
Dunn is't, as wenn siß wat bewegt,
As wenn dor wat in'n Schatten liggt;
Hei slißt siß 'ran.
Ja, 't is Jehann!

Wo de wille Bir⁴ den Hauer wet't,⁵
Wo de Wulf sin einsam Lager hett,
Wo dat Undirt liggt un lurt up Row,⁶
Dor liggt hei in dat welke Low.⁷
Un as hei von de Ird siß richt,

¹) Ort. ²) gebeugt. ³) Äste. ⁴) Eber. ⁵) weß
⁶) Raub. ⁷) Laub.

Un em de Man schint in't Gesicht,
Dunn süht den D'n en Wesen an,
Is as Zehann, un nich Zehann,
As wenn ein Mensch up dese Erd
All dörch mit all sin Hoffen wir,
Mit Lust, mit Leiw, mit Kraft, mit Allen,
As wir en Gotteshus verfallen.
Un sött den D'n sin Hän'n tauglit
Un flustert heisch¹: „Maril? Maril?“ —
Dn Daniel klick em barmend an:
„„Noch lewt i', noch bedt i' för Di, Zehann.““
Hei söllt taurügg so blas un bleif
Un lehnt sid an de holle Gif,
Bedeckt mit sine Hand dat Og,
Un as hei i' wedder 'runner tog,
Dunn stun'n de groten Thranen drin,
De irsten, de hei weinen kunn:
„Dh, segg ehr, sei süll kamen, kamen!
Id nehm sei mit; wi gahn tausamen;
Id bring uns dörch in't anner Land.“
Un sött den D'n sin Knei un weint;
De Dn, de schwüwt² taurügg sin Hand:

¹) heiser. ²) schiebt.

„Ne, ne, Jemann, so is't nich meint.
Wat twischen Di un dese Ird
Mal fast¹ un leiwlich spinnen² wir,
Den Faden hett Din Daht terreten.³
Un hett de Dirn Di nich vergeten,
Un bedt s' för Di mit truen Sinn,
Denn fall Di dat ein Zeiken⁴ sin,
Dat Gott Di för de annere Welt
Noch an en losen Faden höllt.
Mit nich intwei! Mit nich intwei!
Un ward Din Lewen langes Weih,
Un möst Du Rod un Glend dragen,
Un hörst Du dörch de Frühjohrspracht,
Un hörst Du dörch de Sommernacht
Alläwerall 't Gewissen slagen,
Denn dent doran,
Min Sähn Jemann,
Eins ward dat Glend von Di namen:
Wenn Du up't letzte Lager liggst
Un up den Herrn Din Hoffen richtst,
Denn fall Mariken tau Di kamen.“ —

¹) fest. ²) gesponnen. ³) zerissen. ⁴) Zeichen.

Jehann liggt still, oll Daniel schümw¹
Em sacht en Päckchen in den Rod
Un drückt em in de Hand en Stod:
„Un wenn Di't oll in't Glend² driwwt,
Mhn Stütt fallst nich up Dine Bahn,
Mhn Hülp fallst nich in Sün'n³ vergahn:
Dit Geld schickt Di de Möllerfru,
Un desen Stod — hei was mi tru —
Den'n nimm, min Söhn, den'n gew id Di;
Un büst Du mal von Glend mäud,⁴
Denn stütt Di drup un denk an mi
Un an Marik un an ehr Leid.“ —
„Ne,“ schriggt Jehann, springt up de Fäut:⁵
„Wat? Id fall gahn, Marik fall bliwen?
Mi willst allein in't Glend driven?“ —
„Id driw Di nich, Di driwwt Din Dacht;
Du heft sei sei't,⁶ de böse Saat.“ —
„Id heww nich sei't, id heww blot meht,⁷
Wat Anner vör mi hewwen sei't.
De so'n⁸ Gesehe mal eins maht,

¹) schiebt. ²) hier in der ursprünglichen Bedeutung:
Fremde. ³) Sünde. ⁴) müde. ⁵) Füße. ⁶) gesät.
⁷) gemäht. ⁸) solche.

De hewwen't sei't un unnerhaft,¹
De raff'ge² Giz, de hett dat egt,³
De Lust nah Willkür hett dat plegt,⁴
De Saat, de quüll, 'rut kam de Rin,⁵
De Hochmaud was de Sünnenschin,
De frame Läg hett Thranen regent,
Un Satan hett dat Feld insegment;
Zä heww nu auf't!⁶ — Nu stahn s' un schrin:
Un reden vel von Schuld un Mord."
„Ma! furt! Ma! furt!" —
„Ja, ja! — Zä weit woll, wat id bün;
Doch wenn hei wedder vör mi stünn⁸ —
Den'n mein id mit dat bleiß Gesicht —
So niderträchtig un so slicht
Un frisch un roh,
Zä stödd⁹ den Hund noch einmal dod!
Un hüng an'n Galgen all de Strich,
Hei oder id! Hei oder id!
Hei hett min Lewen
Bergift,
Bergewen!¹⁰

¹) gefäet und untergepflügt. ²) habfüchtige. ³) geg-
eggt. ⁴) gepflegt. ⁵) Reim. ⁶) geerntet. ⁷) schreien.
⁸) stände. ⁹) stieße. ¹⁰) vergiftet.

Hei hett mit Grull min Hart vergällt;
Hei drimwt
Glendig 'rin mi in de Welt!
Hei hett min Mäten¹
Bon't Hart mi reten,²
Hei un fin Ban'n!³
Fluch äwer M'n's, wat stolz un rik!
Fluch äwer minen Vaterlan'n! —
Marik! Marik!" —

So stört't hei furt dörch Nacht un Snei,
De Sinn verwurrrn, dat Hart intwei,⁴
So stört't hei furt, den Barg⁵ tau Höcht,
Dor steiht hei still un dreiht sich üm
Un röppt mit schurig wille Stimm:
„Fluch! Fluch! So was't! So heww id seggt,
Fluch äwer Zug, de uns verjagen!
Zi heww'n de Hän'n, de Zug eins⁶ fött,⁷
Zi heww'n de Bein, de Zug eins dragen,⁸
Mal ahn Erbarmen von Zug stött:⁹

¹) Mädchen. ²) gerissen. ³) Bande. ⁴) entzwei,
gebrochen. ⁵) Berg. In den norddeutschen Ebenen
wird dieser Ausdruck schon für einen mäßigen Hügel
gebraucht. ⁶) einst. ⁷) gefuttert, ernährt. ⁸) getragen.
⁹) gestoßen.

„Lat i' gahn, lat i' gahn, lat't Paß doch gahn!“ —

Zi hewmt kein Hart, uns tau verstahn;

Als Minschen staht Zi nich taum Minschen,

De Tid ward kamen, hüt oder morrn,

Wo Z' up de Knei taurügg uns wünsch.

Mit uns sünd Zi mal Herrn eins word'n,

Ahn uns sünd Z' niß!“ — Un bückt siß nedder,

Grippt in den Snei un ballt en Ball,

Un prallt em up den froren Bodd'n:¹

„Kümmt Freiheit mal un Frühjohr wedder,

Denn fällt Zi All

Bergahn, as dese Snei vergeiht!“

Un höger richt't hei siß un steiht

So düster dor in mitten Snei:

„Up Zugen² Kopp dat Ach un Weih

Un up Zug Hart de heiten Thranen

Von all de Lüß', de hir nich wahren

De hir nich glücklich können lewen,

De ut dat Vaterland Zi dremen!³

Fluch äwer Zug un äwer Zuge Kinner!“ --

Un röppt dat mit gewalt'ge Stimm

Un swenkt den Stoß so wild herüm,

¹) Boden. ²) Euren. ³) getrieben.

Un stört't siß in de Dannen 'rinner.
Dat was sin leßtes Lewewoll. — —

Un an de Eiß lehnt swach de Du
Un höllt de Hand siß vör dat Og,
Un as den Blicß tau Höcht hei slog,
Dunn was hei furt.
Un spraken was dat gruglich Wurt,
Un't brust em döörch de ollen Uhren
As Stormwindslid
Bi Winterstid:

„Verluren! verluren! Gehann verluren!“
Drup wantt hei furt; kein Späuken¹ jögg²
Em döörch de Nacht mihr, döörch de Dannen.
Wat Späuken hir! Hei süht Gehannen. —
„Dat was sin Herr, hei was sin Knecht.
Oh Herr! Oh Herr! Wer hett nu Recht?
Din Sazung kann de Minsch verstahn,
Doch wat de Minschen dortau dahn,
Verstah, wer kann!“ —
Un lehnt siß an 'ne Wid³ heran
Un fickt herup tau'n Stirnenhewen: ⁴

¹) Spuken. ²) jagt. ³) Weide. ⁴) Sternenhimmel.

„Herr Gott, Du weißt allein Bescheid!
Dor stahn s' un gahn s' in Ewigkeit,
Wat's gegen de en Menschenleben?
Dor stahn s' un gahn s' in ehre Pracht
Dag oder Nacht;
Du leggst Din Hand mit Segen drup,
Un Stirn un Man un Sünne geiht up;
Din Segen deiht de Welt regieren,
Wat kann ein Menschenfluch bedüden?“¹

¹) bedeuten.

De Vertwivlung.¹

Heil Christdag² Abend. — Oh wo säut³
 Sitt All's tausam in Leivlichkeit!
 De Mutter hett dat Kind in Arm
 Un kückt dat leiw un selig an
 Un drückt dat an siß fast un warm;
 De Bader röppt den Zungen 'ran
 Un will den Glügel spelen lühren,
 Wo hei dat Gottepird⁴ möt riden,
 Wo hei den Täger⁵ faten möt,
 Un wo hei möt de Pittsch regiren.
 Sin Weisheit äwer kümmt tau späð:
 De Glügel weit all gaud Bescheid,
 Hei makt dat so, as Zochen deiht,
 Un set't siß up un sött den Tom⁶

¹) Verzweiflung. ²) Weihnachtstag. ³) süß. ⁴) Gott-
 pferdchen, Steckenpferd. ⁵) Bügel. ⁶) Baum.

Un jögg¹ herüm un maht si² krähnſch,¹
Jögg² üm hinaſ den Dannenbom —
De Schimmel iſ ſo wedderdänſch.³ — —

Un dörch de Ollen ehr Weſen klingt
Re wunderſchöne Melodei,
De dörch de däglich Rod un Mäuh
Süß Dags⁴ nich bet taum Harten bringt.
Un in ehr Hart dor wirkt un wewt
De Leiw en ſinnig Bild tauſamen;
Wat lang all dod, wat friſch noch lewt,
De ollen Öllern⁵ un de Kinner,
De fött ſei in den riſſten Rahmen
Un wewt in ehr Gewew herinner
Mit goldnen Faden Glück un Segen.
Wo ſchütt⁶ ehr Spaul⁶ ſo luſtig 'räwer!
Wo ſleißt ſei faſt de Lad'⁶ dorgegen!
De Leiw, dat iſ en dägten⁷ Bewer! —
Un glücklich ſitten beide Ollen⁸ —

¹) wird von der ſtolzen Halsbiegung eines Pferdes-
gebraucht. ²) eigentlich widerdäniſch, d. h. wider-
ſpenſtig. ³) eigentlich: ſonſt des Tages, d. h. für
gewöhnlich. ⁴) Eltern. ⁵) Spule, hier das Weber-
ſchiffchen. ⁶) die Lade (am Webſtuhl). ⁷) tüchtiger..
⁸) Alten.

De Wewer is ehr woll bekannt —
Un drücken trulich siß de Hand:
„Dat fall woll hollen!“ —

Un buten¹ wirkt en annern Wewer,
Schütt of sin Spaul recht lustig 'räwer;
Hoch up den Barg, dor steiht sin Stauhl;²
Hei leggt siß 'rup mit ganzen Lin,
Wo knirrt un knarrt dat oll Gedriv'³
Wo klappt de Lab', wo fus't de Spaul!
De Stormwind wevt sin Winterwand,⁴
Ein Uptog Nacht, sin Inslag Snei —
Un singt dortau 'ne Melodei,
De bruf't so schurig dörch dat Land,
As wiren 'rut de bösen Geister;
Is of en dägten Wewermeister! — —

In ehre Kamer sitt Marik —
Wat is dat för en Weder buten!
De Stormwind segt äwer'n Mählemdif⁵
Un smitt den Snei in wille Weihn⁶

¹) draußen. ²) Stuhl. ³) Getriebe. ⁴) Wand =
Tuch, Gewand; daher Wandschneider = Tuchhändler.
⁵) Mühlenteich. ⁶) Wehen.

So ſcharp un ſnidig an de Ruten¹ —
Sei ſitt bi ehre Lamp allein,
Bald ſitt ſei ſtill, bald rögt ſ' de Knütt,² —
De Uhl,³ de kriſcht: „Kumm mit! Kumm mit!“ —
Un ſchuddernd gütt't⁴ ehr dal den Nacken;
Sei ſohrt tau Höcht, ſei ſchudd't⁵ tauſam:
„Ja bald, ja bald! — Ja kam, id kam.“
Dat Dg, dat gläuh't, un up de Backen,
Dor liggt 'ne Farn, de brennt un lücht,
As wenn en bitterböſen Schimp
Dat Bland ehr jög'⁶ in dat Geſicht.
Bald ſlütt' ſ' dat Dg, as wull ſei rauhn,
Bald knütt't' ehr Strümp, — jo'n lütte⁸ Strümp! —
So wirr un haſtig is ehr Dauhn,
As wiren ehr Gedanken wid
An annern Urt, in anner Tid,
As wenn ſ' ſich irſt beſinnen müßt. —
Ja — Wihnacht-Heiligabend is't,
Ja — 't is all lang' — all lang' is't her,
Dunn kreg ſ' mal wat taum heil'gen Chriſt;
Ehr Bader bröcht ehr Stuten⁹ mit —

¹) Fenſterſcheiben. ²) Stridzeug; knütten = ſtriden.

³) Eule. ⁴) ſchauernd gießt's. ⁵) ſchaubert. ⁶) jagte.

⁷) ſchließt. ⁸) kleine. ⁹) Semmel.

Sei was dunn gaud noch in de Wehr¹ —
Un wat ehr Pädig² was, de Smidt,
De hadd ehr mal vir Schilling gewen.
Dunn ded ehr Mutting of noch lewen,
De bünzelt³ ehr denn Poppen t'recht —
Kein ornlich⁴ — ne! — man blot von Plün'n,⁵
Bon Allens, wat sei just kunn fin'n —
Sei hadd'n of eig'ntlich kein Gesicht,
Un of de Bein, de deden fehlen;
Sei kunn dor äwerst schön mit spelen,
Sei hadd ehr Schört un Däuer neigt,⁶
Un hadd sei führt up Baders Kar,⁷
Un in den Bacttrog hadd sei s' weigt.⁸ —
Ach, wenn s' allwil 'ne Weig' doch hadd! —
Ach, wo verlaten sitt sei dor!
Ehr Mutting dod so männig Johr,
Ehr Bader dod — oh, un Jehann!
Dat wille Feuer⁹ packt sei an

¹) Lebensart für „in guten Umständen“. ²) dim. von Päd = Pathe. ³) „bünzeln“, mit Bündel zusammenhängend, heißt aus Zeug, Lappen, Bändern etwas zusammenwickeln und knoten. ⁴) ordentliche. ⁵) Lumpen, Flicken, Lappen. ⁶) genäht. ⁷) Karre. ⁸) gewiegt. ⁹) Fieber.

Un jöggt de Aldern up un nedder
Als gläugnig Für; un denn is't wedder,
Als wenn 'ne kolle Dodenhand
Von binnen löscht den willen Brand
Un 'rüm an ehren Harten ritt. —
De Stormwind brust. — „Kumm mit, kumm mit!“
Krischt heisch¹ de Uhl. — „„Ja kam, ja kam:
Min Jammer hett denn mal en En'n.““
Un sackt taurügg un sackt tausam
Un fött den Kopp in beide Hän'n
Un drückt, as müßt f' mit dusend Käden²
Tausam sackt de Gedanken smäden.³ — —

Nu horcht sei up. — Hett sich wat rögt?⁴ —
Sei geiht an't Bedd; vöräwer högt
Süht f' in de ollen Küssen 'rin;
Un't is, as wenn en warmen Strahl
Von Gottes Leiw un Gottes Sinn
Hell schint in't düstre Hart hendal.
De Nacht möt wiken⁵ vör dat Licht,

¹) kreischt heiser. ²) Ketten. ³) schmieden. ⁴) gerührt. ⁵) muß weichen.

Un all't¹ unheimlich Schummern² flügg;
Ehr Welt liggt vör ehr flor un warm
Un jung, as't Kind in ehren Arm;
De Thranendau,³ de kühlt dat Og,
In'n Harten Nachtigahl ehr slog,
Un üm den fründlich hellen Mund,
Dor bläuhn vel duzend Blaumen bunt,
Un ob dat buten⁴ weih't un snie't,
In ehr is säute Frühjohrstid.
Bat't⁵ snien, lat störmn, lat brusen den Wind! —
Sei un ehr Kind! — Sei un ehr Kind! —
Un as f' dat Züngschen vör sicc hewt,
Dunn lacht ehr Hart vör Freuden lud:
Dat is ehr Welt, in de sei lewt,
Wo süht ehr Welt so leiwlich ut! —
De Leiw, de wirkt, de Leiw, de wenet
Dörch't Hart den Hoffnungsfaaden ehr,
Bon'n Himmel hoch, dor künmt sei her
Un bringt of ehr den heil'gen Christ,⁶
Un Wißnacht-Heiligabend is't. — —

¹) alles. ²) Dämmern, Dämmerung. ³) Thranenthau. ⁴) draußen. ⁵) lasse es. ⁶) Die Bezeichnung „heil'gen Christ“ wird auch für „Weihnachtsgeschenk“ gebraucht.

Un as sei noch so selig set,
Ehr leiwes lütttes Kind in Arm,
Un all ehr bitt're Noth verget,
Dunn ward dor buten so'n Larm,
Dor rummelt nah de Dehl wat 'rup.
Un as de Stubendör geiht up,
Dunn is't oll Toppelsch mit 'ne Weig!
„Süh so, Marit, nu kümmt in Reig",¹
Dor legg den Prinzen man herin.“ —
„„Oh, Rahwersch, wenn iß doch eins² kün
Zug all Zug Gaudheit mal vergellen!“ —
„Sh,“ fängt de Dlsch³ nu an tau schellen,
Klappt von de Löffeln⁴ siß den Snei
Un schüdd't em af von ehren Daut:⁵
„Sh, Mäten, segg, büßt denn nich klaut?
Meinst Du, dat Unfereins en Reih?
Dat iß dat ruhig mit anseih,
Wo dat Du hir in Weihdag⁶ sittst
Un mit dat Worm hir Glend littst?⁷
Ne! — Sülwst min Dll,⁸ de nich vel seggt,

¹) Reihe, Ordnung. ²) einmal, einst. ³) die Alte.
⁴) Pantoffeln. ⁵) Luch. ⁶) eigentl. Wehetage, d. h.
Schmerzen. ⁷) leidest. ⁸) Alter, d. h. Mann, Hausherr.

Seggt hüt tau mi: „Wo dlicht Di dat?
Kem¹ wi woll nich ahn Weig taurecht?
Du heft jo äwer Johr Rein² hatt,
Un Föching, de's jo nu all gatlích,³
För den'n findt of en Flag⁴ siß noch,
Den'n legg wi in den Badeltrog,
Dor liggt de Slügel jo ganz statlich.
Bring ehr de Weig doch 'rümmer,“ fäd 'e,
„Un nimm ehr of en Küssen mit;
Sei hett am En'n noch nich so'n Lütt.“⁵
Un orndlich schellen warden ded 'e,⁶
As iß nich glifsten⁷ vör em lep.
Herr Ze, Marik, wat is't för Weder!
Un wo de Uhl jo gruglich rep!
Iß hemw so dägern⁸ mi versirt,⁹
Wenn dat man blot nich Unglück brut.“¹⁰ —
„Ach, Nahwerich, ja! — Iß hemw't woll hört;
Mi hett allein hir orndlich grut.“¹¹ —
„Un denn is't bi Di of so kolt,
Dor kann dat Lütt Di jo verflamen.“¹²

¹) kämen. ²) nämlich: kein Kind. ³) ziemlich, handlich. ⁴) Fleck, Stelle. ⁵) kleines. ⁶) d. h. er fing an zu schelten. ⁷) gleich. ⁸) Abw., etwa: gewaltig, sehr. ⁹) erschrocken. ¹⁰) brauet. ¹¹) geграuet. ¹²) erstarren.

„Ach Gott, iß glöw, dor is kein Holt.
Na täuw S',¹ iß will . . .“ — „Du darwst
nich 'rut!

Ja finn so vel woll noch tausamen. —
Herr Ze, wo Di de Backen brennen!
Ne! — So'ne Umstän'n möt iß kennen;
Ja bün 'ne Fru, iß möt dat weiten,
Süh, Du geföllst mi gor nich recht,
Haddst Di man in dat Bedd 'rin leggt. —
Na, täuw, iß will Di Füer bäuten.“² —
„Süs³ ded mi Daniel dat besorgen,
Hüt hett hei woll kein Tid nich hatt.“⁴ —
„Ja, Min,⁴ de jäb, hei wir hüt Morgen
Bör Dau un Dag all in de Stadt
Herinner schickt nah Wißnachts-Saken. —
Na, täuw, iß will Di Füer maken.“ —
Un 'ruter löppt f' un hött⁵ dat Füer,
Un as dat schön in't Brennen wir,
Dunn halt f' de Rüffen, makt sei warm
Un nimmt Mariß dat Kind von'n Arm
Un leggt dat in de Weig: „Süh⁶ söfing!“⁷

¹) warte Sie. ²) heizen. ³) sonst. ⁴) d. h. mein Mann. ⁵) heizt, vgl. oben ². ⁶) siehe. ⁷) Dim. von so.

Wo liggt hei nüblich dor, Herr Jeking!¹
 Un wo hei kiest!² — Je, kist Du man!
 Un wo de Hand all grippt, ach Götting!³
 Re, kist doch blot mal an dat Lütting!⁴
 Hei fött⁵ siest an de Weig all an."

Woll kiest Mariest em an un seggt:

„Ach, dat Sei mi de Weig hett bröcht⁶ . . .!“ —

„Jh, red doch dorvun nich mihr, Dirn!

Jest heww i' Di bröcht un ded dat girn,

Un dat's 'ne Weig, Du kannst mi glöwen,

So'n deicht't in't ganze Döörp nich gewen:

Kiest nipp⁷ mal tau — von Verbomholt.⁸

Nu is sei frilich slicht un olt,

Doch as sei nig⁹ noch was, mit rode Wein

Un hellblag Lin,¹⁰ dunnn jüllst Du i' seihn!

Dat was en staat'jches Armstüek¹¹ dunnn.

Na, Toppel let i' nahst gries anstriken,

Un de oll Jarw is of all 'run,

Nu deicht i' siest frilich nich mihr glikn.

¹) Dimin. von Jesus. ²) guckt. ³) Dimin. von Gott; diese Formen werden namentlich in tändelnder Rede zu oder von kleinen Kindern angewandt. ⁴) Dimin von lütt = klein, vorzugsweise: Säugling. ⁵) faßt. ⁶) gebracht. ⁷) genau. ⁸) Birnbaumholz. ⁹) neu. ¹⁰) eigentl. Leib. ¹¹) Erbstück.

Ick heww f' noch von min Ellern¹ kregen.
Ja, Dirn, dor heww ick sülvst in legen,
Un denn bi mi nahst all min Rāgen.²
Ne, kist, Marik, hei matt all Sging!³
„Ach, Nahwerich,⁴ ja! — Wenn blot Ehr
Zöching,⁵

Wenn de man blot nich Schaden nimmt.“⁶ —
„De? — Ne! — Ich wo! — De Glüangel kümmt
Bald in sin söpsteihst Mand⁶ herin;
Un wenn de Ort⁷ irst so deihst sin,
Dat f' dörch sünd mit de irsten Zāhnen,⁸
Un dat j' en beten⁹ lopen können,
Denn möten f' 'ruter ut dat Nest;
So is dat bi mi ümmer weist.
De Annern heww'n so lang' nich legen,
Un heww f' bet jekt doch grot all kregen. —
Māuh matt dat irst; ja, vele Māuh!
Vör Allen bi de irsten drei,
Un wenn sei fix up't Anner¹⁰ kamen;
Doch is en Hümpel¹¹ irst tausamen,

¹) Eltern. ²) Neune. ³) macht schon Kugelein,
Augelt. ⁴) Nachbarin. ⁵) Dimin. von Joachim. ⁶) in
seinen sechszehnten Monat. ⁷) die Art. ⁸) Zähne.
⁹) bischen. ¹⁰) schnell nach einander. ¹¹) Haufen.

Denn deiht siß dat all beter fäuden,¹
Denn kann dat Ein dat Anner häuden,²
Un dauhn sei irst man hartlich³ sin,
Denn hett en⁴ of Plesir doran:
Min Öllst⁵ taum Bispiß, min Zehann,
De hött⁶ nu all de Faselwin;⁷
Un kil, Marik, wo lang ward't wohren?
Denn nimmt sin Herr em bi de Pird,⁸
Denn de Verstand kümmt mit de Zohren.
Un wenn id so as Du nu wir,
Denn weit 'ä nich, ob 'ä mi grämen kün,
Dat 'ä mit so'n lüttes Wörmken⁹ set.
Nu mag Di dat ißanirlich sin —
Un't drückt Di jo noch anner Led — —
Doch paß mal up, heßt Du 't irst grot,
Un is't en dägten¹⁰ Kirl irst word'n
Un deiht hei gaud Di hüt un morr'n,
Denn littst up't Öller¹¹ of kein Roth."

¹⁾ füttern, aufziehen. ²⁾ hüten. ³⁾ zunächst: herzlich, dann aber auch: stark, ziemlich herangewachsen.
⁴⁾ man. ⁵⁾ Ältester. ⁶⁾ hütet. ⁷⁾ Schweine, welche dem Alter nach zwischen Ferkeln und Mastschweinen stehen. ⁸⁾ d. h. als Pferdejugen. ⁹⁾ Wörmchen.
¹⁰⁾ tüchtiger. ¹¹⁾ Alter.

„„Oh nich! Oh lat S' doch sin“ —

„Wes¹ still! —

Ja red jo doch man so. Dat süll
Di jo nich in de Finstern slahn. —
Ach Gott, iß red un iß süll gahn!
Min Dirn, min Fit,² fall Lüften³ braden,
Ja heww sei bi de Pann⁴ henstellt,
De hett f' gewiß verbrennen laten.
Ne, nicks as Arger up de Welt!
Un denn de zackermeytschen Gören,
Wenn f' denn man blot uppaffen deden!
Dat mägen schöne Lüften sin!
Gu'n Nacht, lütt Jüngschen, na, gu'n Nachting!
Nu ligg of still un slap of saching! —
Un Du, Mariß, Du bliwst mi in
Un geihst nich 'rut! Un nu gu'n Nacht! —
Un de oll Pann is all so dünn,
Dat mägen schöne Lüften sin!“ — —

Sei geiht. — Mariken rückt sich sacht

'Ran an de Weig un nimmt de Knütt⁵

¹) sei. ²) Dimin. von Sophie. ³) Kartoffeln.
⁴) Pfanne. ⁵) Stridzeug.

Un bögt siß fründlich äwer't Lütt¹
Un flustert säute Leimeswürb' —
Wer hett s' ehr lüht?² —
Un weigt ehr Kind taum irsten Mal. —
De Weig, de rögt³ siß up un dal,
Als wenn in stille Heimlichkeit
'Ne Stuwenkloß⁴ in Frieden geiht,
Un mit den ollen truen Slag
Inweigt de Unrauh un dat Weih,
Wat swer uns up den Harten lag.
Sei singt 'ne olle Melodei —
Wo hett sei s' hürt? —
En wunnerjäutes Singen wir't,
So weiß, so warm, so vull von Rauh;
Den Text, den'n maßt ehr Hart dortau:
 Min jäutes Lewen,
 Du büßt mi gewen,
 Du büßt min Hoffen,
 Du büßt mi blewen!
Un hett mi Noth un Glend troffen,
Di holl iß s' firn.
Wo girn! Wo girn!

¹) Ein Säugling wird vorzugsweise „dat Lütt“ genannt. ²) gelehrt. ³) rührt, bewegt. ⁴) Stuben-, Pendeluhr.

Du fallst nich ken'n —
Ja will't woll wen'n¹ —
Wat uns bedrapen!²
Mit mine Hän'n
Mit iß de wide Welt Di apen.³
Gallst glücklich sin,
Fri unner Fri'n!⁴

Hei hett nich schrewen,
Wo hei is biewen —
Is hei all storben? —
Din Bader diewen
Ut't Baderland. — Is hei verdorben?
Un jüll hei 't sin,
Hei blimwt doch min.

Hei was kein Mürder,
En Kirl blot mir 'e,
Din brave Bader!
Kraft in de Glider,
Un hellen Maud⁵ in jede Ader,
Un leiw un tru!
So ward of Du!

¹) wenden. ²) betroffen. ³) offen. ⁴) frei unter
Freien. ⁵) Muth.

Un küßt Du 't word'n
Hüt oder morr'n,
Denn treß w'¹ em nah;
Up frien Born²
Säuf³ w' em denn in Amerika.
Dor pußt sich eben
So gräun de Erd,
Dor lacht de Hemen
So blag as hir,
Dor ript de Segen,
Dor bläuh't de Bom,
Dor föllt de Regen,
Dor bruf't de Strom,
Dor lüchten Sünnen
Un Wolken teihn,⁴
Dor ward verschwinnen,
Wat lang' gescheihn;
De Nebel wiken
Bör Morgenwind,

¹) ziehen wir. In der ersten und zweiten Person Plur. wird, wenn das Pronomen nachgestellt wird, meistens die abgekürzte Form, z. B. „treß w', säuf w'“, statt „trecken wi, säufen wi“ gebraucht. ²) Boden. ³) suchen, vgl. oben ¹. ⁴) ziehen.

Vör sin Mariken

U: vör sin Kind.

En niges Leiven,¹ en niges Leven!²

Dor ward uns denn of Hüjung gewen.

Un as j' noch in Gedanken sitt

Un lising singt de Melodei,

Dunn künmt herup en sweren Tritt,

Ein trampst³ siß buten af den Snei

Un grawwelt⁴ an de Klink herümmer;

Staathöller⁵ Brümmer künmt herin :

„Gu'n Abend, Dirn!“ — „Gu'n Abend,

Brümmer!“

Un seht tau Höcht: wat süll dat sin? —

Wat süll hei will'n? — Ehr Hart, dat sleiht:

Wenn't man nicks Slimmes wejen deiht! —

„Marik, weit Gott, id' dauh't nich girn! —

Nimm Di dat nich tau Harten, Dirn!“ —

Eci fött em an: „Wat noch? Wat wedder?“ —

„Mariken, still! — Kumm, jett Di nedder!

¹) Lieben. ²) Leben. ³) trampelt, stampft.

⁴) grawweln ist das Iterativum von greifen. ⁵) Statthalter, Vogt.

Gott weit, dat iĉ nich anners kann;
Sei¹ rep mi ſülwſt an't Finſter 'ran
Un hett mi 't up de Seel beſahlen,
Iĉ ſüll noch hüt nah Di hendalen²
Un ſüll Di ſegg'n: Dat wir nu ut,
Hir ut de Hüſung müßt Du 'rut,
Du ſallſt nah't Nebengaud tau Ham'.³ —
Sei lett em los un ſet't ſiĉ dal:
„Dat iſ dat? — So? — Ach, 't iſ egal,
Ob 'ĉ hir, ob 'ĉ dor herümmer ſlaw.⁴“
Un ſolat⁵ de Hân'n in ehren Schot:
„Dat iſ dat? — So? — De Wahnung blot?“
Un ſüht ſiĉ in ehr Kamber um
Un ſeggt mit trurig ſachte Stimm:
„Un't iſ doch ſwer, dat iĉ ſall furt.
Hir heww iĉ lewt ſid min Geburt,
Hir heww iĉ ſpelt⁶ in jungen Dagen,
Hir heww iĉ Noth un Glend dragen,
Hir ſünd min beiden Ällern ſtorben,

¹) d. h. die Gutsherrin. ²) herunter. ³) zu Hoſe,
d. h. um dort Hoſdienſte zu verrichten. ⁴) Sklaven-
Arbeit verrichte, für jede ſchwere, zumal wiederkehrende
Arbeit gebraucht. ⁵) faſtet. ⁶) geſpielt.

Hir is min ganzes Glück verdorben. —
Dat's nu vörbi. — Wotau noch klagen?
Ja möt un fall un ward of gahn."" —
„Dat's recht, Marik! Man nich verzagen!
Du möst dat ut den Sinn Di siahn. —
Din Kind, dat fall denn utdahn¹ warden.“
„„Wat seggt Hei? Wat?““ — Sei flüggt tau
Höcht. —
„„Min Kind? Min Kind? — Wat hett Hei
seggt?““
De Lipp, de smiggt; de Dgen starren,
Sei steiht so schrecklich antauseihn,
As wir sei Is, as wir sei Stein;
Dil Brümmer springt nah ehr heran:
„Marik! Marik!“ un fött² sei an.
Sei ritt sich von em los un smitt³
Sich äwer Weig un Kind un ritt⁴
Dat Jüngchen ut de Küssen 'rut:
„„Utdahn! Utdahn! — Ja, dauht't man ut! —
Utdahn! — Utdahn! — Ja weit Bescheid. —
Utdahn, so as en 't Licht utdeist!““ —

¹) ausgethan, d. h. bei Andern in Pflege gegeben
²) faßt. ³) schmeißt, wirft. ⁴) reißt.

Springt in de hütelft¹ Et taurügg
Un drückt un drängt sich an de Band
Un höllt so fast ehr Kind an sich
Un reedt so wild nah vör de Hand:
„„Furt! Furt! — Dit is min Einzigsht seht;
Dit is min Leiwst, dit is min Leht;
Dit Ein, dit hett min Allens kost't.
Hir! Rit't dat Hart mi ut de Bost!²
Min Hart, min Lewen
Will ich Zug gewen.
Dit Ein
Allein
Is min, is min!
Min einzigsht Deil up dese Ird!“ —
Du Brünner bidd't: „Mariken, hör!
Kumm her, min Kind, hör doch up mi! —
Sei ward't nich dauhn. — Nimm Di tausam! —
Sei meint't woll nich so böös mit Di!“ —
„„So böös? — Oh ne! — Sei is so fram. —
Utdahn! — Dat's hüt min heilig Christ!
Un Wihnacht Heiligabend is't.““

¹) äußerste. ²) Brust.

Un lacht so grell un redt so wild
Un hett't so hastig un so hild¹
Un weigt in'n Arm dat lütte Wesen.
Den ollen Mann ward gru'n un gräsen,²
Em ward so bang'; hei kann s' nich räufen,³
Hei möt sich Hülpe bi Nahwers säufen;
Hei stört't herut. — Sei steiht un lurt:⁴
„Sa, Zünging, ja! Nu sünd wi furt!“ —
Sei kuckt so wild un slikt⁵ hervor
Un horcht so ängstlich an de Dör;
De Stormwind buten brust mit Macht,
De Uhl röppt schurig dörch de Nacht:
„Kumm mit! Kumm mit! Kumm mit, mi
grut!“ —
„Un wenn Di grut, mi grut hir ok!“
Un sleiht üm't Kind den dünnen Daut
Un stört't in Snei un Nacht herut.
„Kumm mit! Kumm mit!“ — „Sick kam,
ick kam! —
Nah ehr, nah ehr! Sei is so fram;

¹) geschäftig. ²) von gras, ist noch stärker als grauen. ³) pflegen, regieren, Gaudbrechung thun. ⁴) lauert, lauscht. ⁵) schleicht.

Bi ehr is hüt of heilig Christ
Un Wihnacht-Heiligabend is't. " —

Dat huscht de Gorenmur¹ entlang,
Versteckt siß achtern Bom so bang,
Dat steiht un tißt un bögt siß vör,
Dat slißt so heimlich in de Dör
Un äw're Dehl² un fütt den Drücker
Un klinkt so lif', un Wihnachtslicht
Strahlt up en Dodenangesicht. —
De Stormwind singt sin willen Stücker,
De Snei danzt dörch de Winternacht;
Un is dat of en schurig Wewen,
So is't doch noch en warmer Lemen,
As binnen bi de Richter-Pracht. —

Kein Minsch hett seihn,
Wat dor geschehn;
Kein Menschenkind hett je nah Zohren,
Wat binnen spraken is, erföhren.
Dat was en Bidd'n, en Inäglich³ Quälen,

¹) Gartenmauer. ²) Diese, vorzugsweise: der Flur.
³) Kläglich, flehend.

Dat was en Schell'n, en hart Befehlen,
Dat was taulegt en hellen Schri —
Dunn was't vörbi. — —

Un 'ruter stört't wat ut de Dör,
Un drückt wat hastig an sück 'ran,
Als wenn't dat nümmer missen kann,
Un swankt un swäkt¹ so hen un her
Un grippt un tast't entlang de Wand
Un grippt un fött² nah eine Hand,
De't hollen fall.

Kein Hand is dor,
Sünd storben un verdorben All,
Kein Hand höllt mihr de arme Dirn:
Dunn süßt sei swor;
Dunn is versunken
In wide Firn
De Nacht un Qual.
Un dusend Funken
Un dusend Stirn
Gahn up un dal,
Un Klöcken klingen

¹) wankt schwach einher. ²) greift und faßt

Um ehr herüm,
Un Engel singen
Mit süte Stimm;
Ehr swind't allmältig,
Woran sei dacht,
Ehr ward so selig,
Ehr ward so sacht,
Un sei sacht¹ dal, erlöst von Weih,
Herinner in den weißen Snei,
An't Hart von wille Winternacht. — —

Un bin'n is of en wille's Zagen,
Un Lichter gahn of up un dal,
Un Kloeden kling'n un warden tagen,²
Un dat Gefin'n stört't in den Saal,
Un alle Hän'n, de dauhn un plegen:
De Fru, de hett ehr Krämpfen kregen. — —

Un Daniel kümmt von Stadt taurügg,
Dunn stahn sin Pird' un schugen sich;
Dat is, as wenn wat Swarts dor liggt;
Un as hei von den Wagen stiggt,

¹) sinkt. ²) gezogen.

Dunn fött hei eine tolle Hand,
Dunn süht hei in en bleiß Gesicht. —
Ach Gott! dat was em woll bekannt:
„Marik, Marik! Dat Gott erbarm!“
Hei nimmt dat Kind ut ehren Arm
Un böhr¹ de Mutter sacht tau Höcht
Un hett sei up den Wagen leggt
Un führt — wohen? — Wohen denn nu? —
Ja richtig! — nah de Möllerfru.
De nimmt sei up un hett sei hegt,
Bon't ganze Döörp is s' räuft² un plegt,
De Ein bröcht dit, de Anner dat,
Dat Kind hett, Toppelsch mit sid namen,
Sei hadd jo äwer Johr kein hadd;
Doch as de Sprak ehr wedder kamen,
Dunn soll s'³ in wille Raseri;
Dat Feuer brust' ehr döörch de Alder:
„Jehann! Ehr Kind! Ehr olle Bader!
Amerika! Dor ward sei fri!“
Denn hett s' üm Hüfung wedder beden;
So hett sei vele Wochen leden⁴

¹) hebt. ²) vergl. Seite 177, ³) fiel sie. ⁴) gestritten.

Un twischen Dod un Lewen rungen,
Doch endlich hett't de Jugend dwungen,¹
As f' äwerst von dat Lager stünn,²
Dunn was dat Nacht in ehren Sinn:
Wat All gescheihn, ehr was't verswunnen,
Ehr Noth un Led was all vergeten,
Still un gedüllig hett sei seten;
Unf' Herrgott hadd en Utweg funnen.

¹) gezwungen. ²) In dieser Redensart wird „stehen“
für erstehen, aufstehen gebraucht.

11.

De Nacht.

De Fröhling kamm mit all sin Gräun
Un all sin Blaumen antauteihn
Un streut sei ut mit vulle Hand,
As wenn hei recht spillunken¹ wull;
Den nackten Barg, den kahlen Sand,
Den smet hei j' tau mit Hännenvull,
Un jülwst in Distel un in Durn
Hett Blaumen hei un Gräuns verlur'n.
Un as hei hadd dit Stück verricht,
Dunn müßt hei jülwst sich d'räwer freu'n;
Wo lacht sin helles Angesicht,
As hei sin Nachwart² hett bejeihn!
Wo lacht sin flores, blages Og,
Wenn't 'run keß up de gräune Flur!

¹) verstärkt für „spillen“ = verlieren, durch Nachlässigkeit etwas verstreuen. Spillunken daher = etwas muthwillig verstreuen, verschwenden. ²) Nachwerk.

Wo horrt hei up un spikt dat Uhr,
Wenn Nachtigahl un Hämpling flog!
Un danzt herüm un suchheit lud:
„Süh so! Nu heww ic puht de Brud!“
Un spelt mit sinen Schatz Versteck,
Lurt¹ ut den gräunen Holt herut
Un duckt² sich in de flore Bät,³
Verkrüppt⁴ sich in dat gräune Busch,⁵
Un leggt sich heimlich achtern Busch
Un lacht so lustig un so säut,
Wenn sine leuwe Brud nich weit,
Wo eigentlich de Spitzbaum is.
Un springt herut un höllt sei wiß⁶
Un nimmt sei lachend in den Arm
Un drückt sei an sich weiß un warm
Un soppt un brüd't⁷ un lacht un küßt:
„Wenn Du min Schatz man bliwen wist,⁸
Bruckst nich tau weiten, wo ic bün;
Ic bün bald hir, ic bün bald dor,
Ic schin up Di herun as Sün,
Ic spel as Wind mit Dine Hor,

¹) lauert, lauscht. ²) taucht. ³) Bach. ⁴) verkriecht.
⁵) Moos. ⁶) fest. ⁷) neckt. ⁸) willst.

Ich sing as Bagel Di tau Rauh
Un deß Di denn mit Blaumen tau,
Ich weig as gräune Lindenbom
Di in den säuten Kinner-Drom,
Un wenn Du dröms¹, denn fött Di warm
Min Leiw as stille Nacht in'n Arm. —
Doch nu, min Schatz, nu kümmt dat Best,
Nu kümmt uns' lustig Hochtid'sfest;
Ich heww den Dag up Pingssten set't,
Un dortau is ein Jeder beden,
De Luft tau Leiw un Lewen hett;
Ich säd't ehr All, id sprö² mit Jeden:
De Bom, de bringt sin junges Gräun,
Dat Kurn sin Ohr,³ de Blaumen bläuhn
Tau putzen unjen Hochtid'ssaal.
Un äwer Barg un äwer Dahl
Lüht Allens, wat sich freuen kann,
Leihn all die muntern Gäst heran;
De Hund enfängt sei vör de Dör
Un snitt⁴ ehr Complementen vör;
De Katt sitt up den Kanapeh

¹) träumst. ²) sprach. ³) Ohre. ⁴) schneidet.

Un nimmt de Gäst dor in Empfang;
De Kater präsentirt den Thee;
Danzmeister is dat flinke Reh,
Un irnsthaft an de Wand entlang
Sitt Munt un Gaus¹ as olle Tanten.
De Boß spelt Schafskopp² mit den Ganten,³
Un Oh un Gjel Trudeldus;
De lütten Bängel sünd Muscanten,
De Lewarf⁴ bringt den Morgengruß,
Un wenn wi 's Abends gahn tau Rauh,
Denn singt de Nachtigahl dortau.
De Minsch hantirt as Herr von't Hus,
As Tafel- un as Kellermeister,
Hei bringt up Brüjam⁵ un up Brud
Mit helle Stimm dat Vivat ut,
Un unser Herrgott is de Preister.“ —

Un Pingsten is't; mit gräune Riser
Sünd pugt de lütten, dürt'gen Hüßer.
De Frühling lüft mit sine Sünne
In't arme lütte Dörp herin,

¹) Ente und Gans. ²) Schafskopf, ein Kartenspiel.
³) Gänserich. ⁴) Lerche. ⁵) Bräutigam.

Un Mann un Wiv sitt vör de Dören
In Frien unner grüne Mai'n
Un seihn mit Lust, wo ehre Gören
Sich ehres jungen Lebens freu'n.
De Nahwer künmt un set't sich dal
Un höllt 'ne ollverständig Red —
Hüt nich von däglich Noth un Dual —
Ne, wo't vör Eiden wesen ded:
Wat hei von sinen Vader hört,
Un wat Grotvader dortau säd,
Wat in de Krigstid wir passirt,
Un dat hei of Kussaken¹ seihn,
Un wenn de grote Wind ded weihn,
Un wo dat doch so nahrtschen² wir,
Dat em de Pip güng ümmer ut —
Un halt de Zunnerbüß³ herut —
De Toback dögg⁴ jikt of nids mihr.
Ja, in den ollen gauden Eiden,
Dunn höll de Toback of noch Jü'r;
Indessen wull hei 't of nich striden,
Dat't noch in Ganzen gattlich⁵ wir,

¹) Kossaken. ²) närrisch. ³) Zunderbüchse. ⁴) tauche.
⁵) etwa: leidlich.

Bi ehr is hüt of heilig Christ
Un Bihnacht-Heiligabend is't." —

Dat huscht de Gorenmur¹ entlang,
Versteckt sid achtern Bom so bang,
Dat steiht un liedt un bögt sid vör,
Dat sliedt so heimlich in de Dör
Un äw're Dehl² un fött den Drücker
Un klinkt so lif', un Bihnachtslicht
Strahlt up en Dodenangesicht. —
De Stormwind singt sin willen Stückcr,
De Snei danzt dörrch de Winternacht;
Un is dat of en schurig Wewen,
So is't doch noch en warmer Lewen,
As binnen bi de Lichter-Pracht. —

Kein Minsch hett seihn,
Wat dor geschiehn;
Kein Minschenkind hett je nah Zohren,
Wat binnen spraken is, erföhren.
Dat was en Bidd'n, en knäglich³ Quälen,

¹) Gartenmauer. ²) Diele, vorzugsweise: der Flur.
³) kläglich, flehend.

Dat was en Schell'n, en hart Befehlen,
Dat was taulekt en hellen Schri —
Dunn was't vörbi. — —

Un 'ruter stört't wat ut de Dör,
Un drückt wat hastig an sich 'ran,
As wenn't dat nümmer missen kann,
Un swankt un swäkt¹ so hen un her
Un grippt un tast't entlang de Wand
Un grippt un fött² nah eine Hand,
De't hollen fall.
Kein Hand is dor,
Sünd storben un verdorben All,
Kein Hand höllt mihr de arme Dirn:
Dunn süßt sei swor;
Dunn is versunken
In wide Firn
De Nacht un Qual.
Un dusend Funken
Un dusend Stirn
Gahn up un dal,
Un Klöcken klingen

¹) wankt schwach einher. ²) greift und faßt

Um ehr herüm,
Un Engel singen
Mit süte Stimm;
Ehr swind't allmällig,
Woran sei dacht,
Ehr ward so felig,
Ehr ward so sacht,
Un sei sacht¹ dal, erlöst von Weih,
Herinner in den weissen Snei,
An't Hart von wille Winternacht. — —

Un bin'n is of en willes Zagen,
Un Lichter gahn of up un dal,
Un Kloeken kling'n un warden tagen,²
Un dat Gefin'n stört't in den Saal,
Un alle Hän'n, de dauhn un plegen:
De Fru, de hett ehr Krämpfen kregen. — —

Un Daniel kümmt von Stadt taurügg,
Dunn stahn sin Pird' un schugen sich;
Dat is, as wenn wat Swarts dor liggt;
Un as hei von den Wagen stiggt,

¹) sinkt. ²) gezogen.

Dunn fött hei eine tolle Hand,
Dunn süht hei in en bleiß Gesicht. —
Ach Gott! dat was em woll bekannt:
„Marik, Marik! Dat Gott erbarm!“
Hei nimmt dat Kind ut ehren Arm
Un böhr¹ de Mutter sacht tau Höcht
Un hett sei up den Wagen leggt
Un führt — wohen? — Wohen denn nu? —
Ja richtig! — nah de Möllerfru.
De nimmt sei up un hett sei hegt,
Von't ganze Dörp is f' räuft² un plegt,
De Ein bröcht dit, de Anner dat,
Dat Kind hett, Loppelsch mit siß namen,
Sei hadd jo äwer Johr kein hadd;
Doch as de Sprak ehr wedder kamen,
Dunn föll f'³ in wille Kaseri;
Dat Feuer brust' ehr dörch de Alder:
„Sehann! Ehr Kind! Ehr olle Vader!
Amerika! Dor ward sei fri!“
Denn hett f' üm Hüfung wedder beden;
So hett sei vele Wochen leden⁴

¹) hebt. ²) vergl. Seite 177.². ³) fiel sie. ⁴) gelitten.

Un twischen Dod un Leven rungen,
Doch endlich hett't de Jugend dwungen,¹
As s' äwerft von dat Lager stünn,²
Dunn was dat Nacht in ehren Sinn:
Wat All gescheihn, ehr was't verswunnen,
Ehr Noth un Led was all vergeten,
Still un gedüllig hett sei seten;
Unf' Herrgott hadd en Utweg funnen.

¹) gezwungen. ²) In dieser Redensart wird „stehen“
für erstehen, aufstehen gebraucht.

II.

De Nacht.

De Fröhling kamm mit all sin Gräun
Un all sin Blaumen antauteihn
Un streut sei ut mit vulle Hand,
As wenn hei recht spillunken¹ wull;
Den nackten Barg, den kahlen Sand,
Den smet hei i' tau mit Hännenvull,
Un jülwst in Distel un in Durn
Hett Blaumen hei un Gräuns verlur'n.
Un as hei hadd dit Stück verricht,
Dunn müßt hei jülwst sich d'räwer freu'n;
Wo lacht sin helles Angesicht,
As hei sin Matwart² hett bezejhn!
Wo lacht sin Flores, blages Og,
Wenn't 'run keß up de gräune Flur!

¹) verstärkt für „spillen“ = verziieren, durch Nachlässigkeit etwas verstreuen. Spillunken daher = etwas muthwillig verstreuen, verschwenden. ²) Nachwerk.

Wo horrt hei up un spikt dat Uhr,
Wenn Nachtigahl un Hämpling flog!
Un danzt herüm un juchheit lud:
„Süh so! Nu heww id puht de Brud!“
Un spelt mit sinen Schatz Versteck,
Lurt¹ ut den grünen Holt herut
Un duckt² sich in de flore Bät,³
Verkrüppt⁴ sich in dat grüne Busch,⁵
Un leggt sich heimlich achtern Busch
Un lacht so lustig un so säut,
Wenn sine leime Brud nich weit,
Wo eigentlich de Spitzbaum is.
Un springt herut un höllt sei wiß⁶
Un nimmt sei lachend in den Arm
Un drückt sei an sich weiß un warm
Un soppt un brüd't⁷ un lacht un küßt:
„Wenn Du min Schatz man bliwen wist,⁸
Bruckst nich tau weiten, wo id bün;
Ick bün bald hir, id bün bald dor,
Ick schin up Di herun as Sünne,
Ick spel as Wind mit Dine Hor,

¹) lauert, lauscht. ²) taucht. ³) Bach. ⁴) verkriecht.
⁵) Moos. ⁶) fest. ⁷) neckt. ⁸) willst.

Zä sing as Bagel Di tau Rauh
Un deß Di denn mit Blaumen tau,
Zä weig as gräune Lindenbom
Di in den säuten Kinner-Drom,
Un wenn Du drömfst,¹ denn fött Di warm
Min Leiw as stille Nacht in'n Arm. —
Doch nu, min Schatz, nu kümmt dat Best,
Nu kümmt uns' lustig Hochtidsfest;
Zä heww den Dag up Pingsten set't,
Un dortau is ein Zeder beden,
De Luft tau Leiw un Lewen hett;
Zä jäd't ehr All, id spröf² mit Zeden:
De Bom, de bringt sin junges Gräun,
Dat Kurn sin Ohr,³ de Blaumen bläuhn
Tau pußen unjen Hochtidsjaal.
Un äwer Barg un äwer Dahl
Lüht Allens, wat sich freuen kann,
Zeihn all die muntern Gäst heran;
De Hund enfängt sei vör de Dör
Un schnitt⁴ ehr Complementen vör;
De Katt sitt up den Kanapen

¹) träumst. ²) sprach. ³) Ohre. ⁴) schneidet.

Un nimmt de Gäst dor in Enfang;
De Kater präsentirt den Thee;
Danzmeister is dat flinke Reh,
Un irnsthaf an de Wand entlang
Sitt Ahnt un Gaus¹ as olle Tanten.
De Bos spelt Schafskopp² mit den Ganten,³
Un Dß un Gfel Trudeldus;
De lütten Bängel jünd Muskanten,
De Lewart⁴ bringt den Morgengruß,
Un wenn wi 's Abends gahn tau Rauh,
Denn singt de Nachtigahl dortau.
De Minisch hantirt as Herr von't Hus,
As Tafel- un as Kellermeister,
Hei bringt up Brüjam⁵ un up Brud
Mit helle Stimm dat Vivat ut,
Un unser Herrgott is de Preiſter.“ —

Un Pingſten is't; mit grüne Riſer
Sünd pußt de lütten, dürt't'gen Hüſer.
De Frühling fickt mit ſine Sün
In't arme lütte Döörp herin,

¹) Ente und Gans. ²) Schafskopf, ein Kartenspiel.
³) Gänserich. ⁴) Lerche. ⁵) Bräutigam.

Un Mann un Wiw sitt vör de Dören
In Frien unner gräune Mai'n
Un seihn mit Lust, wo ehre Gören
Sick ehres jungen Lewens freu'n.
De Nahwer künmt un set't sich dal
Un höllt 'ne ollverständig Red —
Hüt nich von däglich Noth un Dual —
Ne, wo't vör Eiden wesen ded:
Wat hei von sinen Vader hört,
Un wat Grotvader dortau säd,
Wat in de Krigstid wir passirt,
Un dat hei of Kusaken¹ seihn,
Un wenn de grote Wind ded weihn,
Un wo dat doch so nahrtschen² wir,
Dat em de Pip güng ümmer ut —
Un halt de Tunnerbüß³ herut —
De Toback bög⁴ jikt of nicks mihr.
Ja, in den ollen gauden Eiden,
Dunn höll de Toback of noch Jü'r;
Indessen wull hei 't of nich striden,
Dat't noch in Ganzen gattlich⁵ wir,

¹) Kosaken. ²) närrisch. ³) Zunderbüchse. ⁴) taugen.
⁵) etwa: leidlich.

Bör All'n in't Fröhjohr un üm Pingsten,
Hei jäd of up dat Ganze nicks,
Beracht't de Welt nich in Geringsten,
Blot de Toback, de dög nich mihr —
Halt wedder Tunner ut de Bür:¹
„Dat Deumwelsüg, dat höllt kein Fü'r!“ —

Un vör oll Toppeln fine Dör,
Dor sitt dat Allens, Gör² bi Gör,
Un krawweln 'rümmer in den Sand
Un wirken, spelen allerhand
Un wöltern³ siß un lachen lud
Un seihn so nüdlich dreckig ut,
Un't is 'ne Lust, un't is en Larm,
Bachabens bugen s',⁴ maken Pütten,⁵
Un Lisch un Fix,⁶ de beiden sitten,
Ein jede mit en Gör in Arm.
Dat ein is Zöching. Ganz verdatzt
Güht hei hüt in de Welt herin.
Oll Toppelsch hett em 'ruter putzt
Un hett em weislich gegen Sün

¹) Hose. ²) Kind. ³) wälzen. ⁴) Backöfen bauen
sie. ⁵) Pfüßen. ⁶) Elise und Sophie.

Ein Baders Pudelmütz upsei't,
Un dat em dat recht nüdlich lett,
Hett s' em en Umslagdauf ümbun'n —
Recht warm! — Doch ut de Pi¹ nah un'n
Dor hammeln² rut de roden Bein. —
De Jung' is prächtig antauseihn! —

De anner Lütt is man noch dümming,³
Mit den'n, dor speelt un dröggt⁴ siß Fiß
Un nimmt em hoch: „Süh so! Nu kümning!⁵
Nu gahn wi 'n Beten üm den Dik.“
Un as sei nah de Möll⁶ 'rüm kamen,
Dunn sitt 'ne Fru dor up den Süll⁷ —
Du Daniel sitt mit ehr tausamen —
Dunn steiht lütt Fiken vör ehr still
Un dreiht nah ehr herüm dat Lütting:
„Süh, Hanning,⁸ kif! Dat is Din Mütting!⁹ —
De Fru kickt up; sei hört dat Wurd,
Sei süht dat Kind, sei lacht't of an,

¹) Kinderrock; auch wohl Unterrock der Frauen.
²) baumeln. ³) Dim. von dumm. ⁴) trägt. ⁵) Dim.
von kumm, ungefähr zu übersezen: Nun komm auch
schön! ⁶) auch „Mühl“ = Mühle. ⁷) Schwelle.
⁸) Dim. von Hans. ⁹) Mütterchen.

As blot 'ne Mutter lachen kann;
Doch de Gedanken wiren furt,
Un twiſchen hüt un twiſchen giftern,
Dor hadd'n ſich dichte Wolken leggt,
De ehr Gemäuth un Sinn verdüſtern.
Sei wendt ſich an den D'n un ſeggt:
„Wat Reden! Wat Reden! Verſtah ſei, wer
kann!

Wo ſnurrig, wo ſonderbor!
„Dh, wo Schad!“ ſeggt oll Toppelſch un ſicht
mi denn an

Un ſtrafft¹ mi de Backen un't Hor.
„Dh, wo Schad!“ ſeggt de Möllerfru ſtill vör
ſich hen

Un geiht denn herut ut de Dör.
„Dh, wo Schad!“ ſeggt oll Daniel un drückt mi
de Hän'n,

„Wenn f' anners doch weſen ded!“ —
Dat is, as wenn ſei trurig ſünd,
Un mi is ſo froh tau Sinn,
As ſet 't nah Regen, Nacht un Wind
Recht warm in Gottes Sün.

¹) ſtreichelt.

Wat heww ick Zug tau Leden dahn?
Un mi geiht Allens vörbi,
Un wenn sei Sünndags dazgen gahn,
Denn geiht woll Keiner mit mi;
Denn sitt 'ck allein vör mine Dör,
In mine Hand de Knütt,¹
Denn lücht de rode Man² herbör,
Denn röppt de Uhl: „Kumm mit!
Kumm mit!“ un heidi! möt ick gahn
Woll äwer Stodck un Stein,
Hen nah den Dik, hen nah de Man!
Dor sitt ick denn allein,
Dor sitt ick unner'n Flederborn
Un hör de Bläder weihn,³
Dor dröm ick männig ollen Drom,
Dor heww ick s' dazgen seihn.“
Un drückt s'ch dichter in sin Reg⁴
Un flüstert li' den Ollen tau:
„Un wer dat Dazgen einmal seg,⁵
Den'n lett dat keine Rauf. —
Wenn lücht't de Man

¹) Strickzeug. ²) Mond. ³) wehen. ⁴) Rähje.
⁵) sah.

Wid äwer'n Plan,
Wenn liggt de Dat¹
Us mitte Lat²
Up grüne Bish un grüne Widen,
Wenn Man un Dat sich striden,
Den kamen s' an,
Ganz liß' heran,
Denn trippeln s' äwert kühle Misch,
Denn ruffeln s' dörch den grünen Busch,
Denn spelen s' irst mit mi Berstet,
Denn singen s' ut de Mühlenbäck,³
Denn flustert liß' de Bom mit mang,⁴
Denn dengen s' an den Dik entlang,
Denn röppt de Mhl: „Kumm mit, Marik!“
Denn gah id 'ranner an den Dik
Un wasch mi mine Dgen flor,
Denn seih id s' dörch dat Water teihn,⁵
Denn sitt id up den groten Stein
Un flecht min langes, geles⁶ Hor,
Smit Strümpings un Schäuflings⁷ in'n grünen
Busch

¹) Thau. ²) Laten. ³) Mühlenbach. ⁴) zwischen.
⁵) ziehen. ⁶) gelbes. ⁷) Diminutiva von Strümpfe
und Schuhe.

Un maß mi so lüchting üm mine Fäut¹
Un danz mit de Annern up't läuhle Mufch²
Un heww denn an Danzen un Singen min Freud;
Denn singen s' un winken s' ut't Water herut:
„Kumm 'runner, kumm 'runner, Du smucke Brud!“³
Oh, wo säuting! Wo säuting! Wo säut!⁴
Un wenn so tau Maud nah dat Water mi is,
Denn künmt de oll Daniel dortau,
De sött mi denn üm un de höllt mi denn wiß
Un söcht mi min Strümp un min Schauh.
„Leiw Daniel, oh, lat mi! Dit is jo de Stell.
Ick bliw hir bi Bäck un bi Busch,
Ick sing' hir un danz, wenn de Man schint hell,
Mit de Annern all up den Mufch,
Will baden un dußen⁵ in'n deipen Dik,⁶
Dor ward ick mit Einen vertrut,⁷
Dat röppt mi jo ümmer: „Marik, Marik!
Kumm 'runner, Du leiwliche Brud!“ — —

¹) Füße. ²) Moos. ³) Braut. ⁴) süß. ⁵) tauchen.
⁶) Teich. ⁷) vertrauet, getrauet.

Un einmal rep't¹ of gor tau säut,
Un Daniel was nich glif tau Städ;²
De Möllerfru löppt hen un her
Un fröggt de Lüüd', wat³ keiner weit,
Wo woll Mariken wejen⁴ künn. —
Un Daniel kümmt von't Feld herin,
Un as hei hört, wovon de Red,
Dunn seggt hei still: „Ick weit ehr Städ.⁵
Geiht nah den ollen Flederbom
Un nah dat Schülp⁶ an'n Waterjom,
Wif't⁶ mang⁷ de Waterlilgen⁸ 'rin:
„Dor ward f' woll sin,
Dor liggt sei unnen.“ —
Dor heww'n f' denn of Mariken funnen. —

As f' unner'n Flederbom was leggt,
Dunn stahn de Minschen still un stumm,
Blot Loppelsch böhrt⁹ en Kind tau Höcht:¹⁰
„Süh, dat's Din Rutting, leimes Kind! —
Ach Gott, Du büßt woll noch tau duum!“ —

¹) rief es. ²) Stätte, Stelle. ³) ob. ⁴) fein.
⁵) Schilf. ⁶) weist, zeigt. ⁷) zwischen. ⁸) Wasserlilien.
⁹) hebt. ¹⁰) in die Höhe.

Un Man un Stirn, de lüchten haben,¹
Un Bläder flüftern in den Wind,
Un ut dat Water süßt dat Kuhr. —
Drei Dag naher, dunn was f' begraben. —
Begraben? — Ja! — Doch an de Mur.²

¹) leuchten oben. ²) an der Mauer, d. h. Kirchhofsmauer, der Begräbnisplatz für Selbstmörder.

12.

De Klag'.

Un männig Johr is all vergahn;
An'n Hewen steiht de helle Man,
De Nachtigahl kümmt äwer Nacht
Un fläut'¹ so säut un singt so sacht,
Un Waterlilg' un Watermümmel²
Seihn still tau Höcht taum floren Himmel.

Un fiken³ ut dat Water 'rut,
Un horken up den säuten Lud,⁴
Un flustern mit den Flederbom
Un mit dat Schülp an'n Waterfom
Bon olle Tid un olle Saken,
Un dat en Minschenhart hir braßen.⁵

¹) flötet. ²) Wasserrose. ³) guden. ⁴) Laut.
⁵) gebrochen.

„Weck Di mal Posaunenton,
Steihst Du mal vör Gottesthron,
Denn raup uns, denn raup uns All:
Bom un Blom un Nachtigal,
Raup de ganze Creatur,
Raup de Sünne un raup de Man;
Wat dor lewt, de ganz Natur
Sall as Zügen¹ tau Di stahn!“

De Nachtigahl, dat Water singt,
De Erd, de ganze Hemen klingt,
Wat lewt un wewt, dat högt de Knet
Un stimmet in de Melodei:
„Un heilig, heilig is de Stäb,
Wo'n Menschenhart eins breken ded!“

¹) Zeugen.

Dat En'n.

Un männig Johr is all vergahn;
 De frame Fru is lang' begrawen,
 Un up ehr Postament, dor stahn
 In gold'ne Schrimwt de schönsten Wörd',¹
 De ehre frame Dugend lawen.
 Un üm ehr 'rüm in kühle Grd
 Rauht männig Ein² in stillen Freden
 Von Arbeit ut; sei von dat Beden. —
 Un meiht³ de Dod den Lust⁴ of af
 Un führt em 'rin in't seker Graww:
 De Tid hett Brausen⁵ d'räwer deät
 Un ut de Gräwer Blaumen weät,
 De bläuhn so still in Abendsünn,
 De Abendwind, de flustert d'rin,
 De winken heimlich Di bi Sid
 Un reden von vergahne⁶ Tid,
 So trurig säut un so vull Bed,
 Un fragen, ob Din Hart verget,

¹) Worte. ²) Mancher. ³) mähte. ⁴) die Ernte.
⁵) Rasen. ⁶) vergangener.

Wat Glend hir begrawen is;
Un flüstern sacht: „Denk an Marit!“ —

Dat lütte Dörp liggt so as süs
In Urmaud üm den Mählendik:
Dor liggt de Hof, dor liggt de Mähl,¹
Dor stahn ümher de lütten Kathen;²
De Sünn hett schint, de Regen fel,³
Zehnmal⁴ sünd ript⁵ de goldnen Saten;
En Stormwind brust⁶ äw're Eerd⁶
Un ded nich Hoch un Nidrig schonen,
Sei sprak mit Gottes Dunnerwürd'
Un rüttelt an de höchsten Kronen.
Un in de Angst un in de Noth
Kamm Hoffnung dünn un Tauversicht
Un schint as helles Morgenrod
De Welt in't bleike Angesicht.
Dat Morgenrod is längst verblast,
Kein Hoffnung schint mihr in de Kathen;
De sülwig⁷ Noth, de sülwig Last! —
Sei heww'n't bi'n Ollen bliwen laten. — —

¹) Mühle. ²) Tagelöhner-Wohnungen; verächtlich
für Wohnung überhaupt. ³) fiel. ⁴) zehnmal. ⁵) ge-
reift. ⁶) über die Erde. ⁷) selbe.

En oll lütt stives Männing¹ sitt
In'n Rahm un tüht sin Angelsimm²
So matt un mäud an't Ruhr herüm;
Sin Rugg'³ is krumm, sin Hor is witt,
Sin Hand en asnuht Stück Geschirr,
Wat in den Winkel smeten⁴ würd;
Sin Angesicht en oll Gemür,⁵
In Noth un Lid un Storm versollen,
Dat't⁶ äwer antausehen wir,
Dat Festdag mal eins wir d'rin hollen;
Sin Og de letzte Sünnesstrahl,
De sid dörch Abendwolken stehlt
Un trulich noch taum letzten Mal
Um de versollnen Muren spelt. —
Sin Rahm driwwt⁷ sacht dat Ruhr entlanken;
Hei sitt in Rauh, deip⁸ in Gedanken,
Mäudickt hei in de stille Flauth,
Em ward so flor un kühhl tau Maud,
Em is, as wenn sin Lewenstid
Börbi in lise Wellen tüht.⁹ —

¹) steifes Männchen. ²) Angelschnur. ³) Diese
abgekürzte Form für Rüggen = Rücken ist sehr ge-
bräuchlich. ⁴) geschmissen. ⁵) Gemäuer. ⁶) dem es.
⁷) treibt. ⁸) tief. ⁹) zieht.

Dor springt en Fiſch. — De Ringel ſlahn
Ein achter'n¹ annern raſch tau Höcht,
Un ſwad un ſwader worden ſ' gahn,²
Ze mihr ſid Ring nah Ringel rögt,³
Bet ſ' liſing ſid an't Uwer⁴ breken
Un von en Uwer tau em ſpreken,
Wat dacht vör em in Freden liggt,
Woran ſin Hart woll breken mügg. —
De Rah'n driwwt ſacht entlang den Som⁵
Bet in de dichte Mümmelwrit⁶
In'n Schatten unner'n Flederbom.
De Du hett ditmal nauig,⁷ hei tüht
Ein Angel in un wind't den Simm⁸
Vörſichtig üm den Schacht⁹ herüm,
Un flöttert¹⁰ ſid an't Uwer 'ran. —
„Gu'n Abend!“ ſeggt 'ne deiſe Stimmi,
Un vör den Olen ſteiht en Mann
In breiden Haut un buntes Hemd,

¹) hinter'm. ²) d. h. gehen ſie. ³) rührt, bewegt.
⁴) Ufer. ⁵) Saum, Rand. ⁶) Mümmel = Waſſerroſe;
Writ, von dem Gewebe verfilzter Wurzeln gebraucht.
⁷) genug. ⁸) Angelschnur. ⁹) Schaft, Stange, Ruthe;
hier die Angelnuthe. ¹⁰) flößet; auch von anſtrengungs-
loſer Bewegung der Ruder gebraucht.

In utländsch Dracht, so wild un frömd,
Brun von Gesicht, hart, mager, fast;
Deip ligg'n de Dgen in't Gesicht
Un gahn ümher ahn Rauf un Raht,
Un um sin knepen¹ Lippen flüggt
So'n bitterbösen, spöttischen Schin,
As kunn't seindag' nich mäglich sin,
Dat em up Erden wat geföll.² —
„Segg,“ fröggt hei, „kennst mi, Daniel?“ —
De Du süht blödd em in't Gesicht:
„„Ne,““ seggt hei, „„ne! — Min Dg ward nicht
Un min Gedanken³ worden swach.““ —
„Jā bün Zehann, bün Zehann Schütt.“ —
„„Zehann, Zehann?““ Un fött un ritt⁴
Den Frömden 'rümmer an de Jach
Un treckt⁵ em ut den Schatten 'rut
Un nimmt em af den breiden Haut
Un mustert⁶ em von Kopp tau Faut:
„„Ne, ne! — Zehann sach⁷ anners ut! —
Dat's nich sin friische, apne⁸ Min,

¹) gekniffen. ²) gefiele. ³) Gedanken wird meistens für Gedächtniß gebraucht. ⁴) faßt und reißt. ⁵) zieht. ⁶) mustert. ⁷) sah. ⁸) offene.

Dat's nich sin flores, blages Dg,
Dat's nich de fründlich helle Schin,
De üm de roden Lippen tog.
Ne!"" seggt hei un sin Hän'n, de Ieten¹
Den Frömden los. — De wend't sich af
Un spreckt vör sich: „O! hir vergeten! —
Nicks sünn ich as en einjam Graww!“
Un set't sich unner'n Flederbom,
Wo hei so oft vör Zohren seten,²
Un in em wakt³ en ollen Drom⁴
Von jene firne, sel'ge Tid
Un speigelt sich up sin Gesicht.
Un as de Drom doräwer tüht
Un in den D'n sin Dgen lücht,
Dunn kennt hei o! Zehannen wedder
Un set't sich bi den Frömden nedder⁵
Un fött sin Hand un kückt em an:
„Ja,“ seggt hei, „ja! Du büßt Zehann!
Ach Gott, Zehann, hir's vel passirt.“
„Ja, ja! Woll vel! — Marik . . . — Wo
wir't!“⁶ —

¹) ließen. ²) gesehen. ³) wacht. ⁴) Traum.
⁵) nieder. ⁶) war es.

De Ill wißt in dat Water 'rin:
„Sir is dat Flag,¹ wo id sei sünn.²
Un Du, Du weißt?“ — „Id weit, id weit!“
Un rückt tau Höcht un drückt den Haut
Sich deiper³ in't Gesicht un fleiht
Un sitt herinner in de Flauth —
Lang', lang', as sünn hei gor kein En'n.
De Ill sitt still un folgt⁴ de Hän'n
Un fröggt tauleßt: „Wer hett Di 't seggt?“ —
„Wer mi dat seggt? Wer mi't vertellt?“
Un richt sich düster in de Höcht:
„Glöwst Du, wat 'rup taum Hewan schriggt,⁵
Dat dat blot flustert dörch de Welt?
Glöwst Du, oll Mann, so'n Dauhn,⁶ dat swiggt?
Dat schallt nich blos tau Himmelshöh,
So'n Dauhn, dat schallt dörch Land un See,
Dat hüllt⁷ dörch Storm, dat brust dörch Meer,
Dat kloppt des Nachts von Dör⁸ tau Dör
Un red't von Sün'n an de Natur;
Wo Du oß wankst,⁹ dat find't Din Spur

¹) Fleck, Flag, Stelle. ²) fand. ³) tiefer. ⁴) faltet.
⁵) zum Himmel schreiet. ⁶) solches Thun. ⁷) heult.
⁸) Thür. ⁹) wanken wird sehr häufig für wandeln und wandern gebraucht.

Un redt tau Di mit dusend Tungen,¹
Sülwst Wülm² un Raben hewwen't jungen! —
„Un süng'n f' Di ok nich von den Murb
Un von den Fluch, den'n Du heft dahn?“ —
Jehann, de wend't sin Dgen furt,
Un hastig seggt hei tau den Allen:
„Dat brufft Du mi nich vörtauhollen!
Jā weit, id heww en Murb begahn,
Un de steiht hir, hir in de Bost,³
Mit gläugnig brennte⁴ Schriwwt inschrewn.
Doch fröggt Du gor nich, wat mi drewen?⁵
Un fröggt Du gor nich, wat hei kost't? —
Jā heww den Pris betahlt bet up dat Bland
Dorför, dat id mi einmal räkent:⁶
In wild Gewäuhl, in Weisten⁷ mi verstekend,
Heww id kein Stun'n in Frieden raucht;
Wo Minichenwahnung still un glücklich liggt,
Künn id den Anblick nich verdragen,
Dat müßt ahn Ruh mi dörch de Länner jagen,

¹) tausend Tungen. ²) Wölfe. ³) Brust. ⁴) glühend-
gebrannter. ⁵) getrieben. ⁶) nicht zu verwechseln mit
„reſent“ = rechnet und gerechnet, ist das Partic. vor
rāken = rächen. ⁷) Wüsten.

Un ümmer folgt sin bleiß Gesicht.
Un wenn icß Nachstens lagg taum Starben mäud,¹
Un wenn de Drom sich tau mi flet,²
Un min Marik mi in de Dgen fet
So vull von Leiw, so warm, so säut,
Un icß vull Sehnsucht nah ehr rect de Armen
Bömt³ sich tau Höcht sin bleiß Gesicht
Un stellt sich bläubig⁴ twischen ahn Erbarmen
Un rep: „Bergewiß! Dat's Din Gericht!“ —
Un deckt vör Dgen sich de Hand
Un is so bleiß as Kalk an Wand,
As wenn dat wedder vör em stunn;
Un dörch sin Wesen flüggt en Schu'r,
Doch sött hei sich un frett⁵ dat 'rin
Un wedder steiht hei still un stur:⁶
„Un glöwst Du, Mann, dat mi dat led,⁷
Dat icß den Schust sin Bland vergöt? —
Un stünn hei wedder hir tau Städ,
Un wenn sin Hand hei an mi läd,⁸
Hei müßt heran, hei müßt d'ran glöwen!
De Pris is tahl⁹ mit mineu Lewen

¹) müde. ²) schlich. ³) bäumte. ⁴) blutig. ⁵) frist.
⁶) hochaufgerichtet. ⁷) leid. ⁸) legte. ⁹) bezahlt.

Un mit min Mäten¹ ehr dortau.
Wi sünd nu quit;² ja, mihr as quit!
Un lett sin Späuf³ mi keine Rauh,
Denn dröppt dat up en fastes Hart,
Dat drift em in't Gesicht 'rin süht.
Dit Hart is gläucht⁴ in Sünnenbrand,
In gläugnig⁵ Fü'r von männig Land,
Un Roth un Arbeit hett dat jmed't,⁶
Un in Gefohren is't verstaht,
Wertwinlung hett den Segen bed't,⁷
Un mit min Rauh is dat betahlt. —
Un Du fröggest mi noch nah dat Burd,
Wat id in gruglich⁸ Ängsten spraken,
As id hir gung mit Fluchen furt? —
Wat hadd id arme Jung verbraken?
Wat min dunn⁹ was, dat hadd id gewen,
Min gauden Will'n, gesunne Knaken,
Min trues Hart, min junges Lewen;
Un of Marië hadd't ihlich dahn.

¹) Mädchen. ²) quitt; das „qu“ ist deutsch auszusprechen. ³) Spuß. ⁴) geglühet. ⁵) glühend. ⁶) geschmie det. ⁷) gebetet. ⁸) gräulichen. ⁹) hier = damals; außerdem hat „dunn“ noch die Bedeutung von da, da nn, darauf.

Wi Beiden gewen All'nä. — Woför? —
 Dat hei kün Geld up Gelder slah! —
 Un as id lep¹ von Dör tau Dör
 Un bedelt² üm de natte Städ,
 Wo id min Höwt³ in Frieden lād; ⁴
 Un as min armē, junges Hart
 Mit einen säuten Wunsch sid drög, ⁵
 De sülfst den swarten Slawen ward:
 Dat id taum Wiv min Mäten kreg,
 Dunn würd id an de Nāi' 'rüm ledd't ⁶ —
 Kein Platz in minen Baderlan'n! —
 Min Dirn, de kamm in Schimp un Schan'n,
 Un up uns' Hart würd 'rümmer peddt, ⁷
 As wir't en Stein. — Dat was Geseß! —
 Ja! As dat Glend mi tauleßt
 Tau wilden Murd un Dodsflag drewen,
 Dunn heww id flucht. — De Fluch freih!
 schrewen
 Bi all de, de in Höllennoth
 Sid ut dat Minshenhart mal rungen,
 Botau de Minsh den Minshen dwungen, ⁸

¹) lief. ²) bettelte. ³) Haupt. ⁴) legte. ⁵) trug.
⁶) geleitet. ⁷) getreten. ⁸) gezwungen.

Gott hett em hört. — Up sin Gebet
Teihn¹ Dufend nah Amerika,
Un dufend Anner folgen nah;
Nu is 'e² Rum, nu's Plaz in'n Lan'n!
De Herren, de hollen't nich för Schan'n,
Tau bidden de, de s' eins vermadten.³
Is dat nich Fluch? — Sei will'n siä Lüd'
Ut arme Gegend kamen laten. —
Bermisquent⁴ Volk, wat 'rinner tüht,
Hett dat en Hart för't Waderland?
Rögt⁵ dat för Fürst un Volk de Hand,
Wenn los mal brecht de wille Storm,
Wenn mal de Krigsflauth brecht den Damm,
Un wenn dat stürmt von Thorm tau Thorm! —
Is dat nich Fluch? — De olle Stamm,
De hir Tohrdufend wahnt, de sall
Vör Snurrers⁶ un vör Fremden wiken?
Un denn worüm? Worüm dit All? —
Blot dat noch riker ward'n de Nisen,
Un dat de Herrn von Kahl un Räuwen⁷

¹) ziehen. ²) da. ³) verschmäheten. ⁴) verkommen, schwächlich geworden. ⁵) rührt. ⁶) Bettler
⁷) Rüben.

Of äwer Minjschen Herrjschaft äuwen!¹ —
Is dat nich Fluch? Is was en Dur,
Dat id in Haß den Fluch utspraken;
De Fluch möt kamen von Natur
För de, de so'n Geseße maken!"
Un lacht hell up. — Oll Daniel fickt
Em recht wehmündig² an un fröggt:
„Na, is Di't dor denn beter glückt,
Un kammst Du dor mit Hüfung t'recht?"³
„Wat? — Hüfung? — Ja? — Dor brukt id kein;
Min Lewen freg 'ne ann're Wifung.
Ja güng allein un blew allein!
Ah'n Win un Kind brukt id kein Hüfung." —
„Un büßt Du dorbi glücklich word'n?"⁴ —
„Ja bruk kein Hüfung un kein Glück,
Saumal kein Glück nah Zugen⁴ Schick,
Hüt bün id hir, dor bün id morr'n;
Ja gah tau See, id gah tau Land,
Nem Rauder⁵ oder Art tau Hand,
Un ward mi dat dorbi tau still,
Un wenn't tau eng mi warden will,

¹) üben. ²) wehmüthig. ³) zurecht. ⁴) Cuorem.
⁵) Ruder.

Denn smit de Büß¹ id' äw're Schuller
Un säuf² in Jagd un Krieg Gefohr,
Dor ward mi wedder licht un flor.
Dor flütt³ dat Bland mi lust'ger, vuller,
Dor ward dat Hart mi wedder fast."
„Un wecke wille Warbelwind
Weicht Di hirher, unrauhig Gast?“ —
„Wat id' hir will? Ic' will min Kind.“ —
Dill Daniel klick em in't Gesicht,
Ein mäude, bläude⁴ Blick, de sügg⁵
Sick fast an em, as wull hei fragen:
Ic't würklich dat? Ic't lein allein,
Ehr Graww, Din einzigst Kind tau seihn,
Wat Di nah uns hett wedder tagen?⁶
Hett Di so heit⁷ dornah verlangt?
Hest nich vör Rad un Galgen hangt?
Un as hei hett de Antwort lesen,
Seggt hei vör sich: „So möt't woll wesen.“
Ob Dag un Johr vöräwertüht,
Kein Schuld, kein Unglück lett vergeten,

¹) Büchse. ²) suchte. ³) fließt. ⁴) müder, blöder
⁵) saugt. ⁶) gezogen. ⁷) heiß. ⁸) lein.

Wat mal ut't bindelst¹ Hart is reten;²
Dat lett 'ne Nor³ för alle Tid.
Unglück un Schuld ritt ut dat Lewen,
Wat mal in uns is leiwlich word'n,
Un wenn wi nahseihn, wat uns blewen,⁴
Denn fin'n wi blot den nassen Bodd'n;
De Bodd'n heit Leiw, wi dauhn em plegen
Wi laten Thranen up em regen,⁵
Uns' heitste Wunsch gläuh't up em nedder:
Bergens! Dat Frühjohr is vörbi,
Un Blaumen wassen uns nich wedder!
So is't mit em, iß weit't an mi.
Nu drimwt em dat, un drängt em dat
Taurügg in't olle Baderland,
Dat hei in't natte Feld wat plant't.⁶ —
Heww 'ä nich ol mal so'n Drängen hatt,
Wenn 'ä em in't flore Dg heww seihn?
Müßt 'ä em nich an mi 'ranner teihn?
Un was jo doch nich mal min eigen!
Em drimwt Natur, em drimwt de Leiw,

¹) Superlativ von binnen = innen; also innerste.
²) gerissen. ³) Narbe. ⁴) geblichen. ⁵) regnen.
⁶) pflanze.

De döörben¹ heid' em nich bedreigen,²
Sin Kind is sin! — Ja!"" seggt hei lud,
„Din Kind is Din! Min Söhn, hir täum!³
Jehann, id' hal Din Kind Di 'rut.""

De steiht nu dor. Wo ritt em dat
Dörch Seel un Sinn mit ängstlich Bangen!
Dat faste Hart ward swach un matt
Vör Seligkeit un vör Verlangen.
Sin Kind! Sin Kind! — Marik ehr Kind!
Em schint't⁴ 'ne Ewigkeit tau duren,
Dat hei in't Kind dat wedder find't,
Wat in de Mutter hei verluren,
Un as oll Daniel 'ranner kümmt
Un tau em bringt en driften Zungen,
Dunn wohrt⁵ dat lang', bet hei em nimmt,
Bet siß sin Arm hett üm em slungen;
Hei höllt em von siß, starrt em an:
„Wo heist Du, Jung'?" — „Ja heit Je-
hann."" —
Hei les't in sinen Angesicht,

¹) dürfen. ²) betrügen. ³) warte. ⁴) scheint es.
⁵) währt.

Hei fröggt dat Og, hei fröggt de Min,
 Bet't hell ut ehr heruter lücht:
 Ja, 't is sin Kind, de Jung is sin!
 Wo jüht dat Kind sin Mutter glif!
 Ja, 't is Marik, sin leiw Marik! —
 Un ritt den Jungen hell¹ tau Höcht
 Un drückt em an de breide Schuller
 Un set't den Haut siß fast un söcht
 Nah sinen Stoc herüm, as wull 'e,
 Sin Eigendaum in't Seker² bringen,
 As hadd hei All nu, wat hei wull,
 As wenn kein Macht up Irden full
 Den Schatz em ut de Fingern wringen. —
 Du Daniel rögt³ em an un seggt:
 „„Min Sähn, Jehann, dauh 'd of woll recht?
 Rümmt of dat Kind in wille Gähr?““⁴ —
 „Lat man Din Angst, id sorg dorför!

¹) hell wird im Plattdeutschen als Verstärkung bei jeder nach oben gerichteten Bewegung gebraucht, z. B. „hell d'räwer weg; hell lacht hei up; hell spring hei up, hell begährte (gährte) hei up“, d. h. im Zorn. Es scheint diese Bezeichnung vom Wille des Feuers entlehnt zu sein. ²) in Sicherheit. ³) rührt. ⁴) Gährung. „Wille Gähr“ wird von jedem aufgeregten, unregelmäßigen Zustande gebraucht.

Wöwst Du, oll Mann, dat id min Kind
Würd unner rug'¹ Gesellschaft stöten?
De Sorg, de slag Di in den Wind,
Noch heww id fülwst nich mang² ehr seten.
Min Hand is rein von unrecht Gaud,
Un bet up jenen Placken³ Blaud
Heww 'd mit Verbreden nicks gemein,
Marik hett up mi 'runner seihn. —
Hir äwerst fall min Kind nich bliwen,
Dat fall hir nich in Schan'n verkamen.
Ahn Baderhus sid 'rümmer driven,⁴
Hir 'rümmer gahn ahn Badersnamen,
In Schimp sin Mutter näumen⁵ hören
Un mi as Mürder schellen lihren,⁶
Dat fall nich mal eins hüt un morr'n
Haut in de Hand vör Herren stahn,
Un wenn't en richt'gen Kirl is word'n,
Nich dauhn, wat eins sin Bader dahn.
Hei fall nich! — Sall nich! — Zä bün Bader,
Min Blaud flütt of in sine Ader."
Oll Daniel schüdd't den Kopp un spreckt:

¹) rauh und roh; hier das Letztere. ²) zwischen.
³) Flecken. ⁴) treiben. ⁵) nennen. ⁶) schelten lernen.

„Wat säd oll Batter Brand in'n Starben?
Sollt ut! Sollt ut! — Du höllst¹ nich ut.
Du stört'st Di 'rinner in't Verdarben,
Büßt äwer Land un Water treckt,²
Un wat Du hir mal richt'st tau Grun'n,
Dat heft Du nahrends³ wedder fun'n.
Dat Einzigs, wat Di bind't an't Lewen,
Din Kind — hett't nich Din Vaderland
Mit true Leiw Di wedder gewen?
Du heft verflucht de warme Hand;
Schad't nich, min Sähn! De Leiw, de ward
Trog Dinen Gluch doch bi uns bliwen;
De von uns gahn, driwwt nich ehr Hart,
De deiht ehr Unverstand blot drinwen,
Ehr Unfred un ehr Äwermaud,⁴
Ehr girig Sinn nah Geld un Gaud,
Un wenn sei gahn sünd, stahn s' allein.
In ehre Hand stats⁵ Brod en Stein,
Verdruf un Gram in't franke Hart,
Kein Hoffnung, dat't mal beter ward.
Dor nich tau Hus — hir nich taurügg,

¹) hieltest. ²) gezogen. ³) nirgend. ⁴) Ueber-
muth. ⁵) statt.

Vertehren f' un vergrämen f' siä;
Kein Nahwershül¹p kann sei dor redd'n." —
„Ja," seggt Zehann, „so segg'n Zug² Herrn;
So segg'n all De, de jedenfalls
In't Fetz 'rin sitten bet taum Hals,
De in ehr vörnehm Wejen meinen,
Dat unser Herrgott Arm un Beinen
Von anner Lüd för sei hett schäpen,³
Dat f' noch mihr Fetz tausamen schäpen,⁴
De glöwen, dat de Meß⁵ un Gavel
För ehren Mund jünd wet't⁶ allein,
De äwer ehren gelen⁷ Schnawel
Meindag nich⁸ hewwen 'räwer seihn. —
Un doch is't wöhr. Sei hewwen Recht
Up ehre Ort; 't is, as Du seggt.⁹ —
Zä sach sei d'räwen stahn tausamen,
De Armen, hungtig, bleif von Feuer,¹⁰
Wo f' wejen¹¹ äwer't Water 'räwer
Hen nah den Urt, von wo sei kamen;
Wo hast'ger ehre Harten flogen,

¹) Nachbarshilfe. ²) Eucre. ³) geschaffen. ⁴) schaben, tragen, raffen. ⁵) Messer. ⁶) geweht. ⁷) gelben
⁸) niemals. ⁹) gesagt. ¹⁰) Fieber. ¹¹) wiesen.

Wenn s' von de firne Heimath red'ten
Un för de ollen Öllern bed'ten;
Wo Thranen bröcken¹ ut de Ogen,
Wenn s' an de ollen Tiden dachten,
Wenn s' siß up't harte Lager smeten,
Den Bast siß ut de Fingern reten;
Iß heww sei elend seihn versmachten,
Ehr leßt Gedank, de was an Zug,
An ehr lütt² Dörrp, an ehres Glisen.
De Fluch dröppt³ nich allein de Riken,
Ne! Oß de Armen dröppt de Fluch!" —
„Un is dat Glück? — Is dat woll wirth,
Dat Ein sin Baderland verlirt?" —
Fröggt Daniel. — Jehann, de leggt
De Hand em up den Arm un seggt:
„So red'st Du nu. Haddst Du so spraken,⁴
Als dunn Din Herr dat Hart Di braken? —
So wid heww'n Zuge Herren recht,
Un männig Ein,⁵ de gung tau Grun'n,
Sei was en Knecht un blew en Knecht. —
Doch, olle Mann, oß sach min Dg,

¹) brachen. ²) kleines. ³) trifft. ⁴) gesprochen.
⁵) Mancher.

Wo s' starken Mauds dörrch 't Water tögen¹
Un rüggwärts up de Heimath segen
Un höhrten² ehre Kinner hoch
Un wesen nah den firnen Strand:
Seiht! Seiht! Dat was uns' Baderland!
För Di, min Sähn, för Di, lütt Dirn,
Gah id un Mutter in de Firn,
Wi laten All'n's, wat leiw uns wir,
Fri fällt Zi sin up frie Zrd! —
Zä heww sei seihn mit Kiefeneiken³
Zu starke Kraft gewaltig ringen,
Dat wille Land tau Saatsfeld dwingen,⁴
De flit'gen Hän'n enanner reiken,
Hüfung tau bu'n, wo't ehr geföll,
Up ehren Bodd'n, up frie Stell.
Zä sach s', wo s' stunnen up ehr Land,
Wo s' d'räwer reckten ehre Hand,
Wo s' spröken fri un stolz un stark:
Dit 's uns'! — Uns' eigen Hännenwerk,⁵
De Arbeit is uns' Mark un Zeiken.⁶
Hir sünd wi Herr; dit is uns' eigen! —

¹) zogen. ²) hoben. ³) Kiefeneiken. ⁴) zwingen.
⁵) Händewerk. ⁶) Zeichen.

Ich sach den M'n up't Lager rauhn,
Up't leht; üm em herüm sin Kinner,
Ehr frame Segen för sin Dauhn
Folgt em in anner Welt herinner;
Hei richt't sich kräftig in de Höcht
Un licht mit hellen Og in't Licht:
Herr, seggt hei, de hir vör Di liggt,
Denn sett'st¹ Du up de Welt as Knecht,
Ich maht ut em en frien Mann;
Geihst mit min Sinnen in't Gericht,
Denn reken² dat mi gnädig an! —
Un Du, oll Mann, treck³ of mit mi,
Lebst⁴ of as Slav, so starw⁵ doch fri!“
Un deihst de Hand den Ollen reiken. —
„Ja woll, min Söhn, ich wander ut,“
Seggt de, „un will mi Hüfung säufen;
Din äwerst liggt mi doch tau firm.“
Un licht herup taum Abendstirn,
„Min liggt hir dicht in mine Näh,
Ich bruf nich äwer Land un See.“ —
Jehann, de bögt dat Kind em dal

¹) sehtest. ²) rechne. ³) ziehe. ⁴) lebstest. ⁵) sterbe.

Taum lehten Ruß: „Na, denn noch mal:
Lew woll! Unſ' Weg', de ſcheiden ſið.
Ið ſið nah vör,¹ Du ſiðſt taurügg,
Du geiſt tau Rauh in ſtill Geduld,
Ið gaß tau Arbeit in min Schuld.
Din Hoffnung rauht in Gottes Rath,
Min in de Taufkunft, in de Daht;
Du geiſt aßn Dank in't ſtille Graww,
Um Di drögt² Kein ſið Thranen af,
Un min ſall deß' hir mal eins ſtahn
Un ſegen,³ wat ið för em dahn.“ —
„Ja,“ ſeggt de Dll un folgt⁴ de Hän'n,
„Un ſall't ſo ſin, denn mag't ſo ſin!“
Jehann bößrt hoch ſin Kind in En'n:⁵
„Un ið de bläudig Daht of min,
Un brennt ſei heit mi up dat Hart,
Un lett ſ' mi nahrendß⁶ of kein Rauh,
Ið weit doch, dauß 'd de Dgen tau,
Dat ſ' för min Kind taum Segen ward.
De Daht ið min! De Segen ſin!

¹) nach vorne, vorwärts. ²) trocknet. ³) segnen.
⁴) ſaltet. ⁵) in die Höhe. ⁶) nirgendß.

„Fri fall hei sin! Fri fall hei sin!“ —
Drückt fast¹ den Dll'n sin Hand un geht. — —

Un as de Dll noch trurig steiht,
Dunn röppt dat ut de düstern Dannen:²
„Fri fall hei sin! Fri fall hei sin!“ —
Dat was dat Letzte von Jehannen. —

¹) fest. ²) Tannen.

